



彈  
詞  
註

三卷下起漢惠帝終漢獻帝  
四卷 三分兩晉



廿一史彈詞註卷之三上

成都楊慎用修編著

漢陽張三異禹木增定

男仲璜別麓註會孫任佐較刊

第三段 說秦漢 臨江仙

滾滾長江東逝水浪花淘盡英雄是非成敗轉頭空青  
山依舊在幾度夕陽紅白髮漁樵江渚上慣看秋月  
春風一壺濁酒喜相逢古今多少事都付笑談中

詩曰

成敗興亡古至今飛雲去鳥入銷沉荒郊廢塚傷心  
處不待田文聽鼓琴

彈詞註卷三 上

記得東周併入秦回頭楚漢鬧乾坤時來驟雨推潢  
潦勢敗狂風捲片雲富貴一場鴛枕夢是非千載馬  
蹄塵殘山剩水年年在不見謀王圖霸人

剪雪裁冰詩有味降龍伏虎事曾聞夜來說到降龍  
處今日還尋伏虎人伏虎降龍輸好漢談今說古看  
書人休嫌短話成長話要把新文接舊文打虎金槌  
休換柄斬蛟寶劍再磨新斬蛟寶劍長三尺打虎金  
槌重九觔故典尋來知往事新詞說動長精神死灰  
撥火重生燄枯樹開花再遇春春去春來人易老花  
開花落可憐人不如忙裏偷閒好再把新詞聽一巡  
昨序說夏商周三代到周赧王被秦昭王逼獻國邑旋

滅東西周而周亡

秦之先原姓嬴氏周孝王時有非子者為主馬之官孝王封為秦伯闕二世至秦仲其國始大傳之

莊公 襄公 文公 寧公 武公 德公

宣公 成公 穆公 康公 共公 桓公

景公 哀公 惠公 悼公 厲公 躁公

懷公 靈公 簡公 獻公 孝公 凡二十四

世孝公用商鞅之術富國強兵傳之子是稱惠文王傳之武王武王因舉鼎絕膺而死其弟名稷嗣位是為昭王乙巳年滅周又六年薨其子孝文王即位三日而死傳其子莊襄王按莊襄王名楚先前納呂不韋之妾生子名政莊襄王在位三年而亡其子政即位冒嬴氏之

彈詞註卷三 上

二

姓甲寅年為始征伐六國二十年之後滅韓又滅趙滅魏滅楚滅燕至庚辰年滅齊天下歸一自稱始皇帝晏駕之日趙高殺其太子扶蘇立次子胡亥為二世皇帝三年趙高弑之立扶蘇之子名子嬰降號為二世秦王計誅趙高四十六日沛公入關降於軼道傍而秦亡隨為楚項籍所殺又五年楚為漢滅天下定於一矣漢高祖姓劉名邦平秦滅楚諸侯王奉即皇帝位

年傳之

在位十二年

惠帝 在位七年

呂后 前後少帝在位各四年

文帝 元年後元在位二十三年

景帝 元年中元後元在位十六年

武帝 建元 太初 元光 元朔 征和 元鼎 元封 四年

宣帝 本始 地節 元康 神爵 五年

元帝 初元 永光 建昭 成帝 建始 鴻嘉 永始 陽朔 竟寧 在位一十六年

延 綏和在 哀帝 建平 元壽 在位六年

平帝 元始 居攝 初始 五年 在位三年

凡十三主共二百一十一年是為西漢被外戚王莽所奪

莽篡弑平帝廢孺子嬰改國號曰新篡位十八年漢兵

起奉宗室劉元為帝名曰更始誅莽即位三年為赤眉

所奉劉盆子所滅降封淮陽王盆子兵敗降於光武

光武皇帝劉秀者南陽宗室出景帝之裔大戰昆陽誅

彈詞卷三 上

三

王莽斬王郎平赤眉等寇神武中興 建武 中元在 位三十三年 傳

之明帝 永平 在 元初 永寧 建初 元和 章 位十八年 元興 在位十七年 延平在 位一年

和帝 永初 元初 永寧 建 元初 元初 永寧 建 在位十七年 元初 永寧 建 在位十九年 漢

安帝 永初 延光 在位十九年 順帝 永建 陽嘉 永和 漢 在位十九年

冲帝 永嘉在 質帝 本初在 位一年

桓帝 建和 和 元嘉 永興 永 壽 延熹 永康在位二十二年

靈帝 建寧 熙平 元和 獻帝 初平 興平 建 中平在位二十二年 安在位三十一年

凡十二主共一百九十五年天下魏蜀吳三分

秦始皇至漢獻帝通共四百三十三年中間覆雨翻雲

幾場興廢談論間不能細說略將大槩品題

七戰國秦昭王英雄獨霸

秦嬴昭襄王名稷秦武王之異母弟也質於燕武王好力戲舉鼎絕脈而死無子魏冉與國人迎稷立之將白起相范雎伐楚伐趙六國質子獻城咸有帝秦之意 七國註見二段七暴國下秦嬴註見二段非子封 秦下

奪周朝取世界遷徙周民

昭王攻周赧王盡獻其邑周民不樂屬秦東亡於鞏秦收其寶器遷西周公於惡狐聚 惡狐聚在洛陽南即古梁城 惡音憚

昭王死子孝文繼登三日

昭襄王薨子孝文王名柱即位三日而薨

奄然間無疾病做了亡人

莊襄王恰三年龍牀未煖

彈詞註卷三上

莊襄王名楚孝文王之子初質於趙因呂不韋之計歸秦為嗣即位三年薨 謚法瘠智克服曰莊辟地

有德 曰襄

棄羣臣亡化了結果嬴秦

楚死子攻嗣政實不韋之子秦嬴氏之裔絕矣胡政堂曰孝文立三日薨莊襄立三年薨何其遽也呂不韋能以其子為秦王子豈不能疾去二君以其子為秦國王哉

秦始皇呂家兒根源不正

莊襄王名異人初質於趙陽翟大賈呂不韋適邯鄲見異人曰此奇貨可居乃說曰太子愛華陽夫人而無子子之兄弟二十餘人子居不其見非不韋請以于金西游立子為嗣異人曰必如君策秦國與子共之不韋乃厚賞西見夫人姊說曰夫人愛而無子異人賢自知中子不得為適誠以此時拔之是異人無國而有國夫人無子而有子也夫人遂與太子約為嗣因請不韋傳之不韋娶邯鄲美姬與居如其有娠與異人飲見而請之不韋佯怒既而獻之期年生子政異人立姬為夫人邯鄲之圍異人亡赴秦軍遂

歸更名楚蕞政嗣位年十三

陽

翟秦邑今開封府禹州華陽宮名

瑣按史載始皇以呂易嬴蓋以期年而生子政為嫪解者曰人十月生此過二月踰常期故知為不韋子心竊疑之今讀朱青巖輯要云婦人胎氣以十月為滿不韋進姬於異人期年生子是納後兩月受胎何得謂知其有娠而獻之夫婦人有娠必一二月而後知又期年生政是始皇之生不幾上同堯禹下侔漢昭乎蓋秦以詐力併天下漢人惡其焚書坑儒因不韋私通於太后故遂以曖昧之事互相傳述以實之其事與晉以牛易馬皆無實據不得挾李園而議之也此論可解期年之疑而定呂嬴之案矣

### 呂不韋稱仲父於國何親

呂不韋封相國為文信侯號稱仲父後不韋以罪免相就國歲餘諸侯使者請之相望於道始皇恐其為變賜不韋書曰君何功於秦封河南十萬戶何親於秦號稱仲父徒處蜀飲醜死 蜀今成都府

### 咸陽市懸千金誇張呂覽

初不韋為相國使其客集儒書著其所聞為十二紀八覽六論訓解各十萬言備天地古今萬物之事名

彈詞註卷三 上

五

為呂氏春秋暴之咸陽市門懸千金其上有能增損一字者與之時人無能增損者高誘為序以為人非不能增損蓋憚相國畏其勢耳 咸陽縣名屬西安府其地在山南水北山水皆陽故名咸陽

### 大陰人一場亂出醜難聞

初始皇年少太后與文信侯私通王壯文信侯恐事覺乃私求大陰人嫪毐詐為宦者進之生二子封毒為長信侯政事皆決於毒後有告毒非宦者下吏治罪毒發兵為亂始皇使相國昌平君攻毒獲之滅三族遷太后於雍殺其二子 雍 嫪音勞毒音葛

### 承累世大威風消磨六國

秦自孝公以來累世窺周國富兵強雄吞六國至始皇承六世之餘烈亡二周而吞諸侯遂成一統

### 繫韓王削趙壤魏楚難存

秦十七年內史勝滅韓擄韓王安置潁川郡十八年命王翦伐趙趙使將軍李牧禦之秦厚賂趙孽臣郭開言牧欲反趙王使趙蔥頰聚代牧翦大破趙軍克邯鄲擄趙王遷二十二年遣王翦子賁伐魏魏王假

降殺之滅魏二十三年王翦伐楚楚悉國中兵禦之  
蕭擊破之殺其將軍項燕二十四年擄楚王負芻滅  
楚置楚郡潁川郡今開封  
許昌楚郡今壽州賁音奔

### 滅燕國俘遼東如同刈草

秦十九年擄趙王遷趙公子嘉自立為代王與燕合  
兵抗秦二十年燕太子丹以荆軻劫始皇不克秦益  
發兵就王翦於中山與燕代戰於易水西遂拔薊燕  
王走遼東斬丹以獻秦秦復進兵攻之至二十五年  
王賁滅燕擄燕王喜  
還滅代擄代王嘉

### 入臨淄蠶王建松柏飄零

二十六年秦王賁自燕南攻齊使陳馳誘齊王約封  
以五百之地賁卒入臨淄民莫敢格齊王建遂降秦  
遷之共處之松柏之間飢死齊人怨建聽賓客姦人  
不早與諸侯合從以亡其國歌曰松柏耶住建共  
者客耶共今  
衛輝府輝縣

### 取百越却匈奴鞭笞天下

彈詞註卷三上

六

秦二十五年王翦自楚郡定江南降百越置會稽郡  
三十二年盧生入海還因奏錄圖書曰亡秦者胡也  
始皇乃遣蒙恬發兵三十萬北伐匈奴收河南地為  
四十四縣始皇專以刑威立國賈誼曰始皇履至尊  
而制六合執敲朴以鞭笞天下  
會稽郡今紹興府河南地今寧夏

### 罷諸侯置郡守撐達為君

丞相王綰等言燕齊荆地遠請立諸子為王以鎮之  
廷尉李斯曰周封同姓甚眾攻擊如讐敵天子弗能  
禁今海內一統皆為郡縣甚足易制置諸侯不便  
始皇是其議分天下為三十六郡郡置守尉監

### 自稱為始皇帝革除謚法

始皇自以德過三皇功高五帝乃更號曰皇帝又除  
謚法曰死而以行為謚是子議父臣議君也自今以  
來除謚法朕為始皇帝後以數計  
二世三世至於萬世傳之無窮

### 登泰山大封禪立石銘勳

始皇東行郡縣上鄒嶧山立石頌功德魯儒生議封  
禪議各乖異始皇絀儒生而除車道上自山陽至嶺



封泰山立石頌德從陰道下禪於梁父封藏皆秘之  
世不得而記也 積土為封謂負土於泰山上為壇  
而祭之除地為壇祭於梁父後改壇曰禪廣長十二  
大壇高三尺階三等而樹石泰山之上高二丈一尺  
廣三尺凡封禪用玉牒書藏方石有玉檢又用金檢  
十枚列於石傍檢用金繩纏以五周一長一尺三寸以  
泥封之印以受命之璽又有玉匱一長一尺三寸以  
藏上帝之冊金匱二藏帝之冊泰山在濟南府泰安  
州北三里即東嶽岱宗也山高四十餘里有石表東  
嶽廟封神壇鄒嶧山下兗州府鄒縣東南二十五里  
即嶧山也梁父泰山下小山在泰安州  
東南一百一十五里漢書以此山名縣

### 造鐘鑲鑄金人銷除兵器

收天下兵器聚咸陽銷以為鐘鑲鑄金人十二置宮  
庭中 周禮梓人為筍虞樂器所縣鐘曰筍植口鑲  
其聲大而宏則於鐘宜若是者以為鐘虞是故擊其  
所縣而由其虞鳴始皇二十六年有方人十二見於  
臨洮身長五丈足履六尺皆夷狄服始皇以為瑞乃  
銷兵器鑄為金人象之各重千石坐高二丈號曰翁  
仲一書云始皇使阮翁仲將兵守臨洮聲振匈奴翁  
仲死遂銅鑄其形像置咸陽宮司馬門外匈奴至有

彈詞註卷三 上

見之者猶以為生  
鑲與虞通音巨

### 坑儒生焚聖典殄滅斯文

李斯上書曰今天下已定法令出一諸生不師今而  
學古聞令下則各以其學議之入則心非出則巷議  
臣請天下有藏詩書百家語者皆詣守尉燒之偶語  
詩書者棄市以古非今者族所不去者醫藥卜筮種  
樹之書欲學法令者以吏為師制曰可會侯生盧生  
相與譏議因亡去始皇大怒曰諸生或為妖言以亂  
黔首使御史按問之諸生咸陽一書云秦既焚書諸儒  
多謗怨召諸生至者皆拜為郎凡七百入乃密令冬  
月種瓜於銅谷中溫處瓜有實詔下博士諸主說之  
人人各異乃命就昧之先為伏機諸生各相難不能  
決因發械填之以土 焚書坑在驪山下即坑儒谷

### 填大海建阿房蓬萊求藥

始皇作石橋欲通海看日出處有神人驅石入海石  
去不速神輒鞭之流血又東巡幸遇秦橋之水率百  
官以下人撰一石以填之俄而橋成如履平地又以  
咸陽人多先王宮庭小乃營朝宮渭南上林苑中先

作前殿阿房東西五百步南北五十丈上可坐萬人  
下可建五丈旗周馳爲閣道自殿下直抵南山表山  
巖以爲闕複道渡渭屬之咸陽隱宮徒刑者七十餘  
萬人分作阿房驪山關中計宮三百關外四百餘處  
生說始皇所居宮母令人知不死之藥可得乃令咸  
陽三百里內宮觀複道相連惟帳鐘鼓美人充之成  
行幸有言其處者死初燕宋無忌羨門子高之徒稱  
有仙道形解消化之術自齊威宣燕昭王皆信之使  
人入海求蓬萊方丈瀛洲云此三神山在渤海中仙  
人及不死藥在焉始皇東遊海上方士徐市等上書  
請得齋戒與童男童女求之於是發童男女數千人  
往船交海中皆以風爲解曰未能至望見女數千道  
德經月中仙人宋無忌白擇圖云火之精曰宋無忌  
蓋其人火仙也羨門古仙人名子高阿曲也殿之四  
曲皆爲房阿房宮名在西安府咸陽縣東二十五里  
渭南上林苑中驪山臨潼縣東南二里因驪戎所居  
故名山之麓  
溫泉所出

### 築長城修五嶺苦害生民

築長城起臨洮至遼東延袤萬餘里暴師於外十餘  
年畧取南越地置桂林南海象郡以誦徙民五十萬

彈詞註卷三上

戍五嶺  
林今廣西桂林府南海今廣東廣州府象郡今廉州  
雷州等府皆是五嶺裴潛廣州記大庾始安臨賀桂  
陽揭陽唐書註云大庾嶺在虔州永明嶺白芒嶺在  
道州驪嶺在桂  
州各有小吳

### 博浪沙飛金椎副車誤中

韓人張良五世相韓韓亡良散千金之產欲爲報讐  
始皇東遊至陽武博浪沙中良令力士操鐵椎徂擊  
始皇誤中副車 陽武縣名屬  
開封府今縣南有博浪沙亭

### 十日索無踪影未免擔驚

良擊始皇不中始皇驚求  
弗得令天下大索十日

### 因巡狩至沙邱鑿輿晏駕

始皇東巡少子胡亥與李斯從至平原津病篤乃令  
趙高爲書賜太子扶蘇與喪會咸陽而葬未付使者  
遂崩於沙邱 平原津今德  
州沙邱故城在萊州府掖縣

鮑魚車同載轉廝混尸靈

始皇崩秘不發喪棺載輜涼車中會暑輜車臭乃詔從官令車載一石鮑魚以亂其臭車有牕牖閉則

輜開則涼

奸臣計暗圖謀扶蘇太子

趙高謂李斯曰扶蘇即位必用蒙恬為丞相君侯終不懷通侯之印明矣胡亥慈仁篤厚可以為嗣斯然之乃相與矯詔立胡亥為太子更為書賜扶蘇數以不能立功上書怨譴而恬不矯正皆賜死

可憐哉同恬毅賜死長城

始皇尊寵蒙氏蒙恬將兵長城蒙毅常居中謀議始皇病遣毅出禱山川未反而始皇崩趙高等遂矯詔賜蒙恬與扶蘇死扶蘇泣欲自殺恬曰陛下使臣守邊公子為監此天下重任也今一使者來安知其非詐復請而死未暮也扶蘇曰父賜子死尚安復請即自殺恬不肯死繫諸陽周還報亥欲釋恬會毅禱山川還高曰先帝欲立太子久矣而毅以為不可乃繫諸代亥至咸陽發喪襲位遂殺毅恬曰吾積功信於

彈詞註卷三

上九

秦二世矣今將兵三十餘萬其勢足以畔然而守義者不敢辱先人之教以不忘先帝也乃吞藥自殺

陽周今真寧縣屬慶陽府代秦郡今山西大同府蔚縣

秦二世用趙高指鹿為馬

秦二世皇帝名胡亥以趙高為中丞相高欲專權恐羣臣不聽乃先設驗持鹿獻二世曰馬也二世笑曰丞相誤耶問左右或默或言鹿高陰中諸言鹿者以法後羣臣皆畏高莫敢言其過

獄李斯阿督責黃犬東門

陳勝等兵起二世教誚讓李斯居三公位如何令盜如此斯懼乃阿二世意對曰賢主能行督責以獨斷於上羣臣百姓救過不給何變之敢圖二世於是督責益嚴民益亂後趙高譖斯長男由守三川與盜通滅四邊征戍轉運二書言高罪又諫止阿房宮作者所為下吏按罪屬高治之榜掠于餘斯誣服與由反狀論腰斬咸陽市斯顧謂其中子曰吾欲與若幸黃犬俱出上蔡東門逐狡兔豈可得乎遂父子相哭而奪三族 獄音堆瘞也三川秦郡名今河南府上蔡

今縣屬汝寧府

望夸宮求王侯至於黔首

丞相命槩不許刀下亡身

趙高數言關東盜無能為及沛公攻武關二世使責高  
高懼乃與其婿咸陽令閻樂將吏卒至望夸宮殿門  
殺衛令入射上幄坐帷二世召左右皆惶擾不關樂  
前數二世曰足下驕恣誅殺無道天下皆畔其自  
弗許願與妻子為黔首樂曰臣受丞相命為萬戶侯又  
足下足下雖多言臣不敢報麾其兵進二世自殺武  
關在西安府商州東望夸宮秦所建在西安府東  
南八十里

子嬰起誅趙高力扶宗社

趙高立二世兄子子嬰為秦王子嬰與其二子謀曰  
趙高殺二世佯以義立我使我齋見廟成稱病不行  
高必自來來則殺之高果自往子嬰刺殺高夸其三族

彈詞註卷三

十

王氣銷天命改換了乾坤

子嬰稱王四十六日

都只為二世君窮奢極欲

二世嘗曰人生世間譬猶騁六驥過決隙吾欲  
欲極耳目之好窮心志之樂以終吾年壽

視蒼生如草芥重法嚴刑

趙高謂二世曰陛下刻法而嚴刑則高枕肆志  
寵樂矣二世乃更為法律務益深刻 更音庚

發成卒動人心罾魚變亂

二世發閭左戍漁陽九百人屯大澤鄉楚陽城人陳  
勝陽夏人吳廣皆為屯卒欲謀舉事乃丹書帛曰陳  
勝王置人所罾魚腹中卒買魚烹食得腹中書怪之  
會天大雨道不通度已失期乃召令徒屬曰公等皆  
失期當斬壯士不死則已死即舉大名耳王侯將相  
寧有種乎眾皆從之遂起兵秦時復除者居閭里  
之左令力役煩在閭左者盡發之戍屯兵以守也漁  
陽今順天府薊州大澤鄉在徐州豐縣北陽城今宿

州屬夏令太康  
縣屬開封府

### 假狐鳴煽惑起廣勝張陳

陳勝又令吳廣於叢祠中夜篝火作狐鳴曰大楚興  
陳勝王卒皆驚恐勝乃詐稱公子扶蘇楚將項燕為  
壇而盟稱大楚勝自立為將軍廣為都督楚比項燕為  
數萬人入據大梁張耳陳餘詣門上謁勝大喜陳中  
父老請立勝為楚王勝以問耳餘對曰將軍始至陳  
而不之示天下私願將軍急引兵而西遣人立六國  
後為秦益敵敵多則力分與眾則兵強誅暴秦據咸  
陽以令諸侯則帝業成矣勝不聽自立為王稱張楚  
以廣為假王 陳

### 趙武臣魏王咎人舉事

陳王以陳人武臣為將軍以耳餘為左右校尉狗趙  
又令魏人周市狗魏武臣行收兵得數萬人下趙三  
十餘城耳餘乃說武臣自立為趙王  
周市畧定魏地立魏公子咎為魏王

### 齊田儋燕韓廣處分爭

田儋故齊王族也與從弟榮橫皆豪健周市狗地至  
狄儋殺狄今而召豪吏子弟曰諸侯皆反秦自立齊  
古之建國也儋田氏當王遂自立擊市走之略定齊  
地趙將韓廣畧燕燕豪傑共立以為燕王 狄今樂  
安縣屬 青州府

彈詞註卷三 上

士

### 劉沛公項重瞳興兵輔楚

沛人劉邦字季初為泗上亭長會陳勝兵起沛父老  
殺沛令迎季立為沛公掾主吏蕭何曹參等為季收  
沛子弟得三千人欲以應楚楚將項燕子梁嘗殺人  
與兄子籍避讐吳中會稽守殷通欲應勝梁楚籍斬  
通舉吳中兵收下縣得精兵八千人亦欲應楚會楚  
莊賈弒勝降秦陳人秦嘉起兵於郟乃立景駒為楚  
王廣陵人召平為楚狗廣陵陳王敗乃拜梁為上  
柱國引兵擊秦梁遂以八千人渡江而西梁曰陳王  
首事戰不利未聞所在秦嘉立景駒大逆無道乃進  
擊嘉駒殺之召別諸將至薛計事沛公亦往焉居鄆  
人范增年七十好奇計說梁曰楚自懷王入秦不反  
楚人憐之故楚南公曰楚雖三戶亡秦必楚陳勝不  
立楚後而自立其勢不長今君起江東楚蠶起之將  
皆爭附者以君世世楚將能復立楚後也梁乃求得

楚懷王孫心立為楚懷王都盱眙後梁與秦將章邦戰敗死懷王號羽為魯公章邯擊趙羽將兵救趙大破秦兵遂以羽為上將軍項籍字羽目重瞳沛今徐州沛縣秦法十里一亭亭置長主督盜賊泗水亭在沛縣東鄭今淮安府海州廣陵今揚州府薛故城在滕縣居鄆今巢縣屬無為州三戶漳水津也在相州溢湯縣界盱眙縣名屬鳳陽府

### 子房公能趁勢復立韓成

初項梁立楚後張良因說梁曰君已立楚後而韓諸公子橫陽君成最賢可立為王益樹黨梁立成為韓王以良為司徒西畧韓地張良字子房其先韓人家禹州封留侯謚文成

### 六戰國惡恨重興舊業

先六國為秦滅至是是始立懷王孫心為楚懷王趙王武臣為將李良所殺張耳陳餘復立趙歇為趙王魏咎為秦敗自殺楚立魏豹為魏王田儋為秦章邯所殺齊人復立田假為王儋弟榮逐假立儋子市為齊王韓廣為韓王王韓成為韓王

### 笑談間齊響應變了民心

彈詞註卷三上

七

時郡縣苦秦法爭殺長吏以應

### 劉沛公入關陝秦降軹道

是王遣沛公伐秦沛公北擊昌邑西過高陽下陳留南取潁川因張良畧韓地良引兵從沛公畧南陽南湯守降遂入武關秦將距嚆關沛公大破之遂至霸上秦子嬰素車白馬繫頸以組降軹道傍昌邑故城在兗州府金鄉縣界高陽里名在開封府杞縣陳留縣名屬開封府潁川秦郡名今屬開封府南陽今南陽府城東軹道在城東一十三里西安府城東軹道在城東一十三里

### 楚項羽過驪宮一火而焚

項羽既定河北率諸侯兵西入關掘始皇塚燒秦宮室火三川不絕

### 殺子嬰屠咸陽冰消瓦解

羽引兵西屠咸陽殺秦降王子嬰擄寶貨婦女而東秦民大失望

老臣夫撞玉斗賭鬪鴻門

初沛公入關或說沛公遣兵守函谷無內諸侯軍沛公從之項羽至攻破之欲擊沛公時羽在鴻門沛公在霸上范增說羽急擊勿失羽季父項伯素善張良夜馳告之欲與俱去良曰有急亡去不義因固邀伯入見沛公沛公曰吾籍吏民封府庫而待將軍所以守關者備他盜耳豈敢反乎伯曰且沛公先破秦入秦還軍霸上以待將軍而將軍聽細人之說欲誅有功之人此亡秦之續耳羽無秦宮室皆已燒殘又思東歸曰富貴不歸故鄉如張繡夜行耳韓生退曰入言楚人沐猴而冠果然曰言晏曰沐猴彌猴也雖著人衣冠心不類人索隱曰言彌猴不任次著衣冠以喻楚人性躁暴關中東有函谷關南有曉關武關西有散關北有蕭關居四關之中故名關中東有函谷關西有散關北有蕭關南有南山及武關曉關西有大隴山及隴山大震烏蘭等關北有黃河南塞是謂四塞

樊驂乘喙斃肩沐猴奪氣

初增目羽殺沛公羽不應增乃使項莊舞劍欲擊沛公項伯亦拔劍舞以身翼蔽沛公張良出謂樊會曰項莊舞劍意在沛公會即帶劍擁盾直入瞋目視羽髮指眦盡

彈詞註卷三

上

羽曰壯士賜之斗酒一生銚有噲立飲啗之噲曰秦有虎狼之心天下皆畔沛公先破秦入咸陽毫毛不取近還軍霸上以待將軍勞苦功高未有封賞之爵而聽細人之說欲誅有功之人此亡秦之續耳羽無以應後韓生說羽曰關中四塞之地可都而霸羽見秦宮室皆已燒殘又思東歸曰富貴不歸故鄉如張繡夜行耳韓生退曰入言楚人沐猴而冠果然曰言晏曰沐猴彌猴也雖著人衣冠心不類人索隱曰言彌猴不任次著衣冠以喻楚人性躁暴關中東有函谷關南有曉關武關西有散關北有蕭關居四關之中故名關中東有函谷關西有散關北有蕭關南有南山及武關曉關西有大隴山及隴山大震烏蘭等關北有黃河南塞是謂四塞

護道龍四猛士疆信侯嬰

先是范增說羽曰沛公其志不小吾使人望其氣皆為龍成五采此天子氣急擊勿失至是沛公從百餘騎見羽鴻門增使項莊舞劍樊噲直入羽賜以酒有項沛公起如廁招樊噲出置軍官屬獨騎與樊噲斬疆滕公紀成步從間道走軍滕公夏侯嬰也晉灼曰紀成紀通父以成死事故封侯張晏曰紀通紀信

子按此則紀成即紀信也  
滕公封汝陰侯紀信廣安人

### 封漢王用賢才築壇拜將

項羽疑沛公業已講解又惡負約因立沛公為漢王  
王巴蜀漢中都南鄭初淮陰人韓信仗劍從項梁  
敗數以策干羽不用亡歸漢為連敖坐法當斬滕公  
救之言於王以為治粟都尉信數與蕭何語何奇之  
王至南鄭將士思歸多道亡者信以王不我用亦亡  
去何聞追之人言於王曰丞相何亡居一二日何來  
謂王曰若亡何也曰臣追亡者韓信曰諸將亡者  
以十數無所追信詐也何曰諸將易得耳將信國  
士無雙王欲長王漢中無所事信必欲爭天下非信  
無可與計事者王曰吾亦欲東耳乃召信拜為大將  
何請設壇具禮諸將皆喜人人以為得大將至拜乃  
信也一軍皆驚禮畢上坐王與語大喜自以為得信  
晚巴今保寧府蜀今成都府南  
鄭縣名屬漢中府淮陰今淮安府

### 蕭丞相書六律約法安民

初蕭何從沛公入關獨取秦相府律令圖書藏之及  
沛公至霸上召父老謂曰父老苦秦苛法久矣諸侯  
彈詞註卷三 上  
約先入關者王之吾當王關中與父老約法三章耳  
殺人者死傷人及盜抵罪餘悉除去吏民安堵如故  
秦民大喜後以蕭何為丞相據撫秦法取其宜於時  
者作律九章何以功第一封鄼侯為開國名相蕭  
何沛之豐人謚文終據君  
去聲撫音職據撫收拾也

### 韓元帥使機謀明修棧道

初張良說漢王燒絕所過棧道以示項羽無東意至  
是以韓信為元帥將兵出定關中故修棧道以示出  
兵之緩路險不容行架木為棚而渡名曰棧  
道在漢中府褒城東北棧音剪又贊上聲

### 度陳倉逞手段席捲三秦

初項羽三分關中以秦降將章邯為雍王司馬欣為  
塞王董翳為翟王距塞漢路謂之三秦至是信明修  
棧道暗度陳倉引兵從故道出襲雍塞王邯戰敗走  
塞王欣翟王翳皆降關中鳳翔縣雍王邯戰敗走  
河南府靈寶縣西至潼關翟王翳今延安府陳倉  
秦縣名今鳳翔府寶雞縣故道今兩當縣屬鞏昌府

### 擄魏豹斬陳餘生擒夏說



先是羽徙魏王豹為西魏王徙趙王歇為代王立張耳為常山王徙齊王市為膠東王齊將田都為齊王以田榮不從楚擊秦故不封榮聞羽徙市而立都為齊王大怒擊都走之擊殺市遂并王三齊羽又以陳餘不從入關封餘三縣餘怒使人說齊王榮資餘兵擊常山復趙王齊與代共襲常山耳亡走漢餘迎代王歇復守代至是漢王使韓信擊魏魏王豹使成蒲君夏說守代是漢王使韓信擊魏魏王豹使成蒲君夏以塞臨晉信乃益為疑兵陳船渡臨晉而伏兵從夏陽以木罌渡軍襲虜遂定魏地信使人請兵三萬願以木罌渡軍襲虜遂定魏地信使人請兵三於滎陽漢王乃遣張耳與俱進擊代兵破之擒代相夏說引兵左車曰井陘之道車不得方軌騎不得成列願假臣兵從間道絕其輜重足下高壘勿戰不得十日而兩將之頭可致麾下不聽信乃引兵下未至井陘道望趙軍三十里止舍夜選騎二千令人持一赤幟趙壁拔趙幟立漢赤幟乃出背水陣趙軍望見大笑信鼓兵出井陘口趙開壁擊之信佯走水上軍趙果空壁逐之水上軍皆死戰不可敗信所出奇兵馳入趙壁皆拔趙幟立漢赤幟趙軍歸見幟大驚遂亂遁

彈詞註卷三

五

### 燕書囊沙計四海馳名

走漢兵夾擊斬代王陳餘擒趙王歇  
屬平陽府臨晉縣名屬蒲州夏陽今韓城縣屬西安府滎陽縣名屬鄭州井陘縣名屬真定府所背之水  
左車行  
唐入

信既破趙以千金募生得李左車解其縛師事之問曰僕欲北攻燕東伐齊若何左車曰將軍擄魏王豹誅成安君威震天下然欲舉倦敵之兵頓之燕堅城之下曠日持久糧食單竭燕必自強為將軍計莫若按甲休兵遣辯士奉書於燕燕必不敢不從燕從而東臨齊雖有智者亦不能為齊計矣信從其策燕從風而靡信遂東擊齊楚使龍且救之且與信夾淮水而陣信夜令人囊沙壅水上流且引兵半渡擊且佯敗走還且喜曰吾固知信怯也遂追之信使人決壅囊水大至且軍大半不得渡急擊殺且擄齊王廣 淮水源出青州府莒州 且音沮

### 追霸王至烏江奇謀妙算

初項羽自立為西楚霸王至是楚與漢約中分天下羽解而東歸漢王追羽至固陵韓信彭越皆引兵來羽至垓下兵少食盡信等以軍乘之圍羽數重羽夜乘駿馬從八百餘騎潰圍南出馳至陰陵迷失道田父給曰左乃陷大澤中漢追及之至東城止有二十八騎羽謂其騎曰吾起兵非戰之罪也十餘戰未嘗敗北今卒困於此此天亡我非戰之罪也於羽曰天之亡我我何渡為且籍與江東子弟八千入渡江而西今無一人還縱江東父兄憐而王我我何面目見之乃自刎而死楚地遂定 固陵今光州固始縣垓垓名在鳳陽府虹縣西陰陵今無為州東城在濠州烏江浦名在和州東四里西楚孟康曰舊名江陵為南楚吳為東楚彭城為西楚 垓音該

### 起田橫歸海島許大功勳

初信破齊擄齊王廣田橫後自立為齊王聞項羽已滅橫懼誅與其徒五百餘人入居海島中後漢召橫橫與二客乘傳降漢未至三十里自刎橫既葬二客亦自刎島中五百餘人亦自殺 海島在萊州府即墨縣西北

彈詞註卷三 上

六

### 扶助起漢高皇獨稱赤帝

天下既定漢王始即帝位是為太祖高皇帝初帝嘗被酒夜經澤中有大蛇當徑帝拔劍斬蛇有老嫗夜哭曰吾子白帝子也化為蛇當道今赤帝子斬之秦居西屬金金色白故曰白帝子劉堯後堯火德故稱赤帝子澤中在徐州豐縣西今名斬蛇溝

瑣按升菴稱韓元帥使機謀逞手段席捲生擒四海馳名奇謀妙算許大功勳等語皆感贊韓信之功之大也又云扶助漢高獨稱赤帝蓋因項羽曾使武涉說信欲與連和三分天下信謝之曰漢重雖我不將軍印言聽計用夫人親信我我倍之今兩主之命懸於足下莫若兩利而俱存之三分天下信曰漢王遇我厚吾豈可以鄉利而倍義乎徹曰足下必漢王之不忍倍漢又自以功多漢終不奪我信遂謝徹此升菴扶助獨稱四字不持贊信功且原信心而深有憾於三族之夸也 崩徹字通涿郡人

### 仗三傑鋤暴楚嫚語分羹

帝西都洛陽置酒南宮門諸將曰吾所以有天下項氏所以失天下者何王陵等對曰陛下使人攻城畧地因以與之項羽有功者害之賢者疑之此所以失天下也帝曰公知其一未知其二夫運籌帷幄之中決勝千里之外吾不如子房鎮國家撫百姓給餽餉不絕糧道吾不如蕭何連百萬之衆戰必勝攻必取吾不如韓信三者皆人傑吾能用之此所以取天下也項羽有一范增而不能用所以爲我擒也初帝爲漢王將兵伐楚入彭城爲羽所破與數十騎遁去太公呂后爲楚軍所獲羽置軍中爲質後楚漢俱軍廣武羽爲高祖置太公王曰今不急下吾烹太公王曰吾與若俱受命懷王約爲兄弟弟翁翁即若翁必欲烹而翁幸分我一杯羹羽怒欲殺之項伯曰爲天下者不顧家殺之何益祇益禍耳得免彭城今徐州廣武城名在開封府河陰縣北史載高祖父曰太公母曰媪皇甫謐曰太公名執嘉又名端媪姓王索隱曰母媪氏打得班固泗上亭長古石碑可據

### 印銷鑄霎時間轉環借箸

初楚數敗漢漢王與酈食其謀捷楚懼食其曰秦伐諸侯滅其社稷大王誠能立六國後其君臣百姓必

彈詞註卷三 上

皆戴德慕義楚必斂衽而朝王曰善趣刻印欲行張良來謁王方食具以告良良曰臣請借前箸爲大王籌之天下遊士離親戚棄墳墓從大王遊者徒欲望咫尺之地今復立六國後遊士各歸事其主大王誰與取天下乎正輟食吐哺罵曰豎儒幾敗乃與事令趣銷印酈音歷食音異其音基

### 斬丁公赦季布賞罰分明

初楚入季布爲項羽將數窘辱帝帝以千金購布匿者罪三族布乃髡鉗身爲奴自鬻於魯宋家布心知其季布也買置田舍身爲之洛陽見滕公曰季布何罪臣各爲其主且今上始得天下而以私怨求一人何示不廣也滕公言於帝乃赦布召拜郎中朱家遂不復見之布母弟丁公亦爲羽將逐窘帝於彭城西短兵相接帝急顧曰兩賢豈相厄哉丁公乃還至是來謁帝以徇軍中曰丁公無效丁斬之曰使後世爲人危音厄公也丁公名固薛人危音厄

### 太疑心老相國自汚田宅

陳豨初反帝往擊之呂后與蕭何以計誅韓信上聞使使拜何爲相國益封五千戶人皆賀召平獨弔曰

上暴露於外而君守於內非被石矢之難而益封君置衛非以寵君也以今者淮陰新反有疑君心願君讓封勿受悉以家財佐軍何從之上說其秋黥布反帝自將擊之數使使問相國何爲客又說何曰君臧畏君傾動關中今君胡不多買田地賤賞貨以自污上心必安何從之帝還百姓道訴相國帝大悅

### 因乘勝擊冒頓幾困平城

帝封韓王孫信爲韓王都馬邑匈奴寇邊信以馬邑降帝自將擊信破其軍信亡走匈奴帝聞冒頓居代谷使人覘之冒頓匿其壯士肥馬使者皆言可擊復使劉敬往敬還報曰兩國相擊此宜矜夸今臣徒見羸瘠老弱此必欲見短伏奇兵以爭利愚以爲不可擊帝怒以敬妄言沮軍械敬廣武帝先至平城兵未盡到冒頓縱精兵四萬騎圍帝於白登十日帝用陳平計使畫工圖美女間遣人說單于妻閼氏云漢有美女欲獻之閼氏畏奪已寵謂單于曰漢天子亦有神靈得其土地非能有于是單于開其一角得突出帝至廣武赦封爲建信侯一書於漢高祖平城之圍其城一面即冒頓妻閼氏兵強於三面陳平

彈詞註卷三

大

訪知關氏妬忌造木偶人運機關舞埤間關氏望見謂是生人慮下城冒頓必納之遂退兵乃得出此傀儡之始也匈奴單于頭曼有太子曰冒頓自立爲單于馬邑縣名屬大同城代古今大同府東白登山名上故城在太原府城東閼氏音烟支匈奴皇后號有臺在大同府城東閼氏音烟支匈奴皇后號按韓主名信都今史止云封信爲韓王而遺去都字使其名姓全同淮陰前輩謂史公疎漏此也冒頓音默

### 用陳平出奇計僞遊雲夢

初帝破楚更立齊王韓信爲楚王人有告信反者帝問陳平乎曰古者天子巡狩會諸侯陛下第出僞遊雲夢會諸侯於陳陳楚之西界信必遊雲夢帝及至特一力士事耳帝告諸侯會陳南遊雲夢帝及至陳信謁帝帝令武士縛信侯曰果若人言狡免死走狗烹高鳥盡良弓藏敵國破謀臣亡天下已定我固當烹帝曰人告反遂械繫信以歸至洛陽赦信封淮陰侯平佐帝凡六出奇計請捐金行反間一也以惡草具進楚使二也夜出女子二千人解榮陽圍登也躡足請封齊王信四也請僞遊雲夢五也解白登

之圍六也 雲夢澤名在湖廣安陸府南 陳平字  
孺子封曲逆侯謚曰獻陽武戶牖鄉人曲逆今保定  
府完 縣

### 信呂后誅大將蒞醢功臣

帝以陽夏侯陳豨為代相國監趙代邊兵豨遂反帝  
自擊之韓信稱病不從擊豨其舍人得罪於信信欲  
殺之其弟上變告信陰與豨通謀呂后與蕭何謀詐  
言豨已敗死給信入賀信入后使武士縛信斬之遂  
滅三族帝初擊豨徵兵於梁梁王彭越稱走漢告讓  
之其將扈輒勸王反王不聽梁太僕得罪走漢告越  
輒謀反帝使使掩王囚之洛陽太僕得反形已具赦  
為庶人傳處蜀至鄭呂后從長安來王涕泣自言無  
罪后與俱至洛陽白帝曰彭王壯士今徒之蜀此自  
遺患不如誅之遂滅三族梟越首洛陽醢其肉以賜  
諸侯淮南王英布聞信越被誅大懼亦反帝自將擊  
敗之布走江南長沙王臣使人誘與走越殺之 淮  
南故城在廬州  
府舒城縣東南

瑛按高帝追羽至固陵與信越期會擊羽信越不至  
帝大敗退守張良說帝捐關以東棄之二人信越始

彈詞註卷三

上

九

引兵來是時帝猜忌之心已生矣觀其項羽方擒即  
馳入信壁奪其軍帝之急於制信可知呂后私審食  
其帝知之而不能制后亟欲竊柄惟信越是憚故乘  
猜忌之素心肆蒞醢之慘毒而帝直信之而不以為  
非使信越與布三人而在后其敢王諸呂乎逮帝自  
將擊布致中流矢遂以病亡后與信越謀盡族諸將  
故不發喪使非酈商連兵還鄉之言則鋤劉王呂不  
待七年垂拱後矣然則后之醢信越由於帝之忌功  
臣也忌功臣所以信呂后也信呂后適以滅劉宗也  
然韓信雖云族滅考外史當信誅時有客匿其三歲  
兒知蕭何與信善謀於何作書與南粵趙佗遺書  
子封之海濱姓韋韓之半也今其族字鄭均淮陰舍  
受封所賜詔勒之鼎器 呂后名雉字娥姁淮陰舍  
人名樂說告信欲詐赦諸官徒襲呂后太子信誅樂  
說封侯英布臣名 賁赫告布亦封侯

### 未央宮萬歲呼賈陳新語

未央宮帝命蕭何所治帝見其壯麗怒曰天下匈匈  
數歲成敗未可知何治宮室過度也何曰天子以四  
海為家非壯麗無以重威且無令後世有以加也上  
悅陸賈時為帝稱說詩書帝罵曰乃公居馬上得之

安事詩書賈曰馬上得之寧可馬上治之乎帝曰試  
爲我著秦所以失天下吾所以得之者及古成敗之  
國陸生乃祖述存亡之徵凡著十二篇每奏一篇帝  
未嘗不稱善左右呼萬歲號其書曰新語 未央宮  
在西安府西北一十四里內有  
東關北關前殿武庫遺址尚存

### 商雒間四老出黃綺功成

呂后生太子盈戚姬有寵生趙王如意帝以太子仁  
弱如意類已欲廢太子而立如意呂后使呂澤劫張  
良盡計良曰此難以口舌爭也顧上所不能致者四  
人曰東園公綺季夏黃公角里先生宜請來令四  
見之固一助也呂后使太子爲書卑辭安車迎此四  
人四人至會宴置酒太子侍四老從年皆八十餘鬚  
眉皓白衣冠甚偉帝怪問之四人各言姓名帝驚曰  
吾求公數歲公逃避我今何自從吾兒遊乎四老曰  
陛下輕士善罵臣等來帝曰煩公幸卒調護太子太  
下莫不延頸故臣等來帝曰煩公幸卒調護太子太  
子竟不易皆留侯招此四人之力也四皓隱於商洛  
山中故謂之商山四皓 東園公姓袁名秉又一書  
云姓唐名宣明綺里季姓朱名暉字文季夏黃公姓  
翟名廓又一書云姓翟名廣字少通角里先生姓周

彈詞註卷三

上

三

名術字元道綱目以綺里季夏一人黃公一人蓋社  
甫詩有黃綺終辭漢之句以黃爲氏也 角音六

### 大風歌思故鄉歎悲慨

帝擊誅英布還過沛置酒沛宮悉召故人父老諸母  
子弟佐酒道舊故爲笑樂酒酣帝擊筑歌曰大風起  
兮雲飛揚威加海內兮思故鄉安得猛士兮守四方  
於是起舞慷慨傷懷泣下數行謂沛父兄曰吾雖都  
關中千秋萬歲後吾魂魄猶思沛其以  
沛爲湯沐邑復其民世世無有所與

### 鴻鵠飛羽翼成愛子傷心

四皓侍太子宴出帝召戚夫人指視之曰我欲易之  
彼四人者輔之羽翼已成難動搖矣戚夫人泣上曰  
爲我楚舞吾爲若楚歌歌曰鴻鵠高飛一舉千里羽  
翼已就橫絕四海橫絕四海當可奈何雖有矰繳尚  
安所施歌數闕戚夫人  
嗷啼流涕上去罷酒

### 皇帝貴都長安叔孫婁敬

叔孫通說帝起朝儀采古禮與秦儀雜就之帝從之  
通遂徵魯諸生及帝左右與其弟子百餘人爲錦

野外習之月餘帝觀之曰吾能為此令羣臣肄習長樂宮成諸侯羣臣皆朝賀莫不振恐肅敬禮畢置法酒諸侍坐者無敢喧嘩失禮帝曰吾乃今日知為皇帝之貴也拜通為太常齊人妻敬成隴西過洛陽求見上曰洛邑天下之中有德易以王無德易以亡秦地披山帶河四塞以為固卒然有急百萬之眾可具此扼天下之吭而拊其背也帝即日車駕西都長安拜敬郎中賜姓劉氏綿葦置設綿索為習肄處葦謂以茅剪樹地為葦位尊卑之次葦乃蒹之俗寫音最

### 去賓天付社稷平勃王陵

上擊布時為流矢所中歸疾甚呂后問曰陛下百歲後蕭相國死誰令代之曰曹參問其次曰王陵可然少艱陳平可以助之平智有餘然難獨任周勃厚重少文然安劉氏者必勃也呂后復問其次曰此後亦非乃所知也遂崩在王位四年即帝位八年壽五十三葬長陵周勃封絳侯王陵安國侯

### 廿一史彈詞註卷之三上

彈詞註卷三上

三

第三段下

漢惠帝相曹參七年垂拱

惠帝名盈高帝太子相國蕭何卒帝以曹參為相國參舉事無所變更一遵何約東日夜飲醇酒參子窋為中大夫帝怪參不治事使窋私問之參怒答窋曰天下事非若所當言也至朝時帝讓參參曰陛下自察聖武孰與高帝帝曰朕安敢望先帝臣孰與蕭何賢帝曰君似不及也參曰高帝與蕭何定天下法令既明今陛下垂拱參等守職遵而勿失不亦可乎帝曰善參相三年百姓歌之曰蕭何為法較若畫一曹參代之守而勿失載其清淨民以寧一帝在位止七年 謚法柔質慈民曰惠窋音竹曹參封平陽侯謚

恰昇平遭母后柔輒寬仁

班固曰孝惠可謂寬仁之主遭呂太后虧損至德顧氏曰惠帝仁柔之資童年嗣統一以清淨為治是時

彈詞註卷三下

呂后召帝觀人彘遂病歲餘不起使人請於太后曰此非人所為臣為太后子終不能治天下以此日飲為淫樂不聽政

輒即俗軟字

投鴆酒暗傷殘趙王如意

呂后最怨戚夫人與子趙王如意乃囚戚夫人而召趙王使者三反趙相周昌不奉詔太后怒復召趙王來帝自迎入宮挾與起居飲食太后欲殺之不得間帝晨出射趙王少不能早起太后使人持燭飲之

逞淫刑人彘了戚氏夫人

呂后斷戚夫人手足去眼燻耳飲瘡藥使居廁中號曰人彘召帝觀之帝問知為戚夫人大哭遂病

雌太歲自臨朝鋤劉王呂

惠帝無子初呂后命張皇后取他人子養之而殺其母以為太子至是惠帝崩太子即位太后臨朝稱制女主當陽故謂雌太歲綱目以少帝非孝惠子於歲首註高皇后呂氏元年以其無統也太后欲立諸呂為王王陵曰高帝刑白馬盟曰非劉氏而王天下共擊之陳平周勃曰高帝定天下王子弟今太后稱制



王諸呂無所可陵退讓平勃平勃曰今面折廷爭臣不如君全社稷定劉氏後君亦不如臣呂后乃立呂台為呂王台弟產為梁王后兄子祿為趙王先太后酖殺趙王如意徙淮陽王友為趙王復又幽殺趙王友徙梁王恢為趙王又酖殺恢娶姬恢曰殺廢其嗣燕王建卒太后殺其子國侯後昭帝宴為謂曰諸呂陰謀大逆劉氏不絕如髮朱虛侯章侍宴為謂曰歌曰深耕溉種立苗欲稀非其種者鋤而去之

### 賴北軍齊左袒撥轉人心

太后病甚令呂祿為上將軍居北軍產居南軍戒曰我崩大臣恐為變必據兵衛宮毋為人所制后崩諸呂欲為亂朱虛侯章以祿女為妻知其謀告其兄齊王襄遂發兵陳諸呂罪產等遣灌嬰擊之嬰與齊連和欲待諸呂變共誅之時太尉周勃不得主兵酈商老病子寄與祿善平勃使人劫商令寄給祿將以灌嬰與齊合告產且趣產入宮平陽侯曹窋聞之馳告平勃勃欲入北軍不得乃令襄平侯紀通持節矯內太尉復令寄說呂祿曰帝使太尉守北軍急歸印不然禍且起祿遂解印授勃勃入軍門令曰為呂氏右袒為劉氏左袒軍中皆左袒產不知祿已去北軍

彈劄註卷二下

迺入未央宮欲為亂勃與章逐產殺之因悉捕諸呂斬之遣章告齊王罷兵嬰亦罷歸昔人頗有以絳侯右袒之令為失計者按儀禮凡事無問吉凶皆左袒惟受刑則袒右故觀禮呂氏則有刑故以右袒於之是也以此知勃蓋以為呂氏則有刑故以右袒於之耳朱虛漢縣名故城在青州府臨朐縣東平陽府名屬山西酈商封曲周侯

### 漢文帝德化民受言止輦

文帝名恒高帝中子薄姬所生初封代王惠帝無嗣大臣迎而立之帝恭儉仁慈專務以德化民每朝郎從官上書疏必止輦受其言未嘗不稱善謚法慈惠愛人曰文

### 禦匈奴軍細柳按轡徐行

匈奴寇上郡雲中帝以將軍周亞夫次細柳劉禮次霸上徐厲次棘門以備之帝自勞軍至霸上及棘門軍直馳入已而之細柳軍軍士披甲銳兵毅弩帝先驅不得入曰天子且至軍門都尉曰軍中聞將軍令不聞天子詔帝至又不得開壁門門士請車騎曰將軍欲入勞軍亞夫乃傳言開壁門門士請車騎曰將軍

曰軍中不得馳驅帝乃按轡徐行至營亞夫持兵揖  
謝皇帝敬勞軍成禮而去羣臣皆驚容曰此真將軍  
矣曩者霸上棘門軍若兒戲耳其將固可襲而擄也  
拜亞夫為中尉上郡今陝西綏德州雲中今大同  
府細柳霸上棘門皆地名細柳在西安府城西霸上  
在長安縣東棘門在咸陽縣東

### 惜露臺除肉刑痼瘼百姓

帝嘗欲作露臺召匠計之直百金帝曰百金中八十  
家之產吾奉先帝宮室尚恐羞之何以臺為齊太倉  
令淳于意有罪當刑其少女緹縈上書曰妾父坐法  
當刑妾思刑者不可復屬雖欲改過自新其道無由  
妾願沒為官婢以贖父罪帝憐之詔除肉刑帝詔丞  
相列侯吏二千石博士議有可以佐百姓者率意遠  
思無有所隱

緹音啼

### 賜几杖却獻馬紅朽因陳

時吳王濞詐病不朝帝賜以几杖老不朝有獻千里  
馬者帝曰鸞旗在前屬車在後吉行日五十里師行

彈詞註卷三

下

三

三十里朕乘千里馬獨先安之不受班固曰文帝清  
淨恭儉安養天下人給家足都鄙廩庾皆滿府庫餘  
賞財京師之錢累鉅萬貫朽而不可較太倉之  
粟陳陳相因充溢露積於外至腐敗不可食

### 漢景帝賴條侯剗平七國

景帝名啓文帝太子御史大夫鼂錯數言吳王濞有  
反謀宜削其地又言楚趙有罪皆削一郡膠西以賣  
爵事削六縣廷臣方議削吳吳遂反聞膠西王卬勇  
好兵面約之又發使約菑川王賢膠東王雄濰濟南  
王辟光楚王戊趙王遂皆反吳王罪狀鼂錯欲誅之  
因并楚兵攻梁梁城守睢陽初文帝戒太子曰即有  
緩急周亞夫真可任將至是帝拜亞夫為太尉將兵  
擊吳楚屯滎陽時吳攻梁急帝使告救梁亞夫不奉  
詔而以輕騎絕吳楚兵後塞其饗道吳兵欲西梁城  
守不敢西即走漢軍亞夫堅壁不出吳楚士卒多飢  
諸王皆伏誅膠西今山東膠州菑川縣名故城在  
青州府壽光縣西南膠東今萊州府即墨縣濟南府  
名睢陽屬開封府謚法布義行剛曰景亞夫周勃  
次沛人

服朝衣斬東市鼂錯冤魂

初七國反以誅鼂錯為名錯與吳相袁盎不善盎因竇嬰入見於帝帝方與錯調兵食問之盎曰願屏左右帝屏人獨錯在盎曰臣所言人臣不得知乃屏錯諸侯削奪其地以故反欲共誅錯復故地而罷今獨有斬錯復其故地則兵可無血刃而俱罷帝默然良久曰吾不愛一人以謝天下乃使中尉召錯給載行市錯衣朝衣斬東市僕射鄧公為校尉以言軍事見帝帝曰鼂錯死吳楚罷罷否鄧公曰吳為反數十歲矣以誅錯為名其意不在錯也夫鼂錯忠諸侯強大故請削之計畫始行卒受大戮內杜忠臣之口外為諸侯報仇竊為陛下不取也帝謂然曰公言善吾亦恨之 鼂錯音朝曆史記註錯如字讀潁川人 號智囊袁盎字絲高陵人適音捕鄧公名先

貶中宮廢太子存心刻薄

皇后薄氏帝廢之太子名榮栗姬所生膠東王 王夫人所生初長公主嫖欲以女嫁太子栗姬不許公主欲子徹王夫人許之由是公主曰讒栗姬而譽徹之美帝亦賢之遂廢太子為臨江王栗姬志恨而死

臨江府名屬 彈詞註卷二下 四

置大戡顧尚席終害功臣

帝召周亞夫賜食獨置大戡無切肉又不置箸亞夫心不平顧謂尚席取箸帝曰此非不足君所乎亞夫免冠謝因趨出帝目送之曰此鞞鞞非少主臣也居無何亞夫子為父買工官尚方甲楯可葬者為人所告事連汗亞夫召請廷尉亞夫曰臣所買器乃葬器也何謂反乎吏曰君縱不欲反地上即欲反地下耳 戡音恣

漢武帝仗雄才改元建號

武帝名徹景帝太子帝雄才大畧聰明善斷即位始創年號為建元元年 謚法威彊睿德曰武

喜功名務廣地黷武窮兵

帝好大喜功開疆拓地北却胡南平粵朝夜郎降羌 焚兵連不已饋運不休故財用奢靡而海內虛耗 苗之別裔焚古燹侯國今馬湖府屬四川

興禮樂舉孝廉明經策士

帝罷黜百家表章六經與太學正郊祀作音樂尚文  
章首策賢良方正之士即得廣川董仲舒為一代大  
儒從仲舒言令郡國舉孝廉各一人又定二千石不  
舉孝廉罪法更詔曰蓋聞導民以禮風之以樂其不  
禮官勸學興禮以為天下先於是公孫宏等請為博  
士置弟子五十人誥太常受業能通一藝以上補文  
學掌故秀才異等輒以名聞於時彬彬多文學之士  
矣掌故治禮之士主故事者以有文學習禮儀者  
為之漢太常博士弟子試射策中甲科補郎中乙科  
補掌故廣川今河間府景州 仲舒為江都膠西二  
相公孫宏字季淄  
州人封平津侯

任衛霍奪天山空了王庭

帝嘗過姊平陽公主家悅詎者衛子夫送入宮立為  
夫人尋立為皇后子夫同母弟衛青本姓鄭父季為  
縣吏給事平陽侯曹壽家與侯妾衛媼通而生青冒  
姓衛為侯家騎奴旋召為建章監侍中既而為大中  
大夫會匈奴右賢王侵擾朔方帝令青將兵擊之右  
賢王飲醉青夜至圍之右賢王潰圍北去得裨王十  
餘人眾萬五千畜數十百萬帝拜青為大將軍青  
姊子霍去病年十八為驃騎校尉斬捕虜過當帝  
以去病為驃騎將軍使將萬騎擊匈奴轉戰六日過  
焉支山千餘里至祁連山祁連山王殺休屠王降帝又  
令青與去病各將五萬騎擊匈奴青出塞千餘里度  
幕至真顏山去病出塞西北平二千餘里後匈奴遠  
山登臨瀚海兩軍出塞所殺匈奴九萬是後匈奴  
遁而幕南無王庭矣青七擊匈奴大司馬大將軍  
長平侯去病六擊匈奴大司馬驃騎大將軍冠軍軍  
侯祁連山本名天山匈奴呼天為祁連故名王庭  
單于所都處無城郭宮廬前地若庭也焉支山在陝  
西行都司東南出騰石後失之歌曰畜我焉支山使  
我婦女無顏色奪我祁連山使我六畜不蕃息慕單  
于置廬帳地實顏山即單于築城以居漢降將趙信  
處在鞬鞞國中右北平今直隸永平府狼居胥山在  
沙漠北瀚海大海名在火州柳陳城東沙漠之北羣  
鳥解羽伏乳於此 休屠音朽諸衛青  
字仲卿謚曰烈去病謚景桓俱平陽人

彈詞註卷三下

求善馬任貳師遠征大宛

初帝使張騫通月氏歸言西域大宛多善馬因命使  
者相望於道以求之使言宛有善馬在貳師城匿不

肯與帝拜寵姬李夫人兄廣利為貳師將軍伐宛塞宛圍其城宛殺其王毋寡以降得善馬數十疋封廣利海西侯月氏匈奴號大宛西域國名貳師城在

### 泛樓船破南越疆督將軍

初南越相呂嘉殺漢使及其王興更立建德為王發兵反帝遣伏波將軍路博德出桂陽樓船將軍楊僕出豫章擊之僕入越地先陷尋樞破石門待博德至俱進至番禺南越城守會暮僕攻越人縱火燒城博德追得之以其地為南海珠崖等九郡博德後拜疆督將軍南越是時兼廣東西貴州之地桂陽今郴州豫章今江西南昌府尋樞史記樞作陝地名在始興郡西石門山名在廣州府城西番禺縣名屬廣州府九郡南海蒼梧鬱林合浦交趾九真日南珠崖儋耳浦縣今屬廉州府梧州府鬱林州名屬安南珠崖今瓊州府崖州府儋耳今儋州屬瓊州府

### 只可惜不封侯數奇李廣

彈詞註卷三下

文帝時李廣為武騎常侍嘗衝陷折關及格猛獸文帝曰惜乎子不遇時如當高帝時萬戶侯豈足道哉後為右北平太守匈奴號廣曰漢之飛將軍衛青北伐廣以前將軍自請居前青陰受帝誡以為廣老數奇毋令當軍于不聽廣失道後期青使長史急責廣哭幕府對籌廣謂不能復對刀筆吏遂自刎一軍皆數不偶李廣隴西成紀人

### 孫李陵陷虜庭太史官刑

李廣孫李陵為侍中善騎射愛入下士帝以為有廣之人至浚稽山與單于值擊殺數千人會陵軍侯管敢為校尉所辱亡降匈奴具言陵軍無後救射矢且盡單于遂急攻陵陵曰無面目報陛下遂降帝怒問太史令司馬遷遷盛言陵提步卒不滿五千深踐戎馬之地却數萬之師雖古名將不過彼之不深宜欲得當以報漢也帝以遷為誣因欲沮貳師為陵遊說下遷腐刑後蘇武歸陵語武曰陵雖為怯令漢賈陵罪全其老母使得奮犬辱之積志庶幾乎曹柯之盟此陵宿昔之所不忘也收族陵家為世大戮陵尚復何顧乎已矣令子卿知吾心耳陵泣下數行因與武訣

蘇子卿牧羝羊上林鴈帛

天漢元年帝遣中郎將蘇武與常惠使匈奴單于使漢降人衛律召武欲降之武不應律曰不聽吾計後雖欲復見我尚可知武終不可撓白單于乃幽武置大窖中絕飲食天雨雪武卧齧雪與旃毛并咽之數日不死匈奴以為神乃徙武北海無人處蘇武牧羊節牧羊卧起操持節旄盡落至昭帝元始六年壺衍觀單于立國內乖離謀與漢和親漢使至求武等匈奴詭言武死常惠私教武等在某澤中使者如惠語中得鴈足有繫帛書言武等在李陵置酒賀武曰足下以讓單于單于驚謝乃歸武李陵置酒賀武曰足下揚名匈奴功顯漢室雖古竹帛所載丹青所畫何以過子卿武留匈奴凡一十九年始以強壯出及還鬚髮盡白 蘇武字子卿 杜陵人賜爵關內侯

汲黯始為謁者以數切諫遷為東海太守東海大治召

為主爵都尉黯為人性格少禮面折不能容人之過

彈詞註卷二下

七

時帝方招文學黯曰陛下內多欲而外施仁義奈何欲效唐虞之治乎帝怒罷朝謂左右曰甚矣汲黯之戇也後民多鑄錢楚地尤甚上召拜黯為淮陽太守黯泣曰臣病不能任邪事臣願為中郎出入禁闥補過拾遺帝曰君蒲淮陽耶顧淮陽吏民不相得吾徒得君之重卧而治之黯居淮陽十歲而卒 淮陽今陳州屬開封府東海今海州屬 淮安府 汲黯字長孺濮陽人

尊異起李少君文成五利

方士李少君匿其年及生長善為巧發奇中言祠竈則致物丹砂可化為黃金壽可益蓬萊仙人可見帝信之始親祠竈遣方士入海求蓬萊安期生之屬齊人少翁以鬼神方見帝帝所幸王夫人卒少翁以方夜致鬼如王夫人貌帝自帷中望焉乃拜為文成將軍方士樂大見帝曰臣常往來海上見安期羹門可致陛下必欲致之則貴其使者令為親屬以容禮待之則可使通言也乃拜大為五利將軍以衛長公主妻之 蓬萊山相傳在東海中四面環以弱水乃仙人遊息之所安期生秦時賣藥海邊人言其下歲李少君遇之食以棗大如瓜 少君字雲萇

樂巡遊募封禪耗費殃民

初司馬相如死遺書勸帝封泰山會得寶鼎乃令諸儒草封禪儀數年不成帝自制儀頗采儒術以文之  
以古者先振兵釋旅然後封禪乃於元封元年行自雲陽歷五原出長城北登單于臺至朔方臨北河勒兵十八萬騎旌旗徑千餘里還祭黃帝塚而釋兵又幸緱氏禮祭中嶽從官在山下聞若有言萬歲者三遂東巡海上祠入神還至奉高封泰山禮畢獨上泰山明日下陰道禪泰山下趾東北肅然山祠夜若有光晝有白雲出封中帝還坐明堂孫卿言見神人東元凡周行萬八千里二年方士公孫卿言見神人東萊山若云欲見天子於是幸東萊宿留數日無所見乃還祠泰山五年冬南巡江漢望祀虞舜又至泰山增封祀還郊泰時太初元年如泰山禪蒿里望祀蓬萊元王太始三年東巡幸泰山修封禪祀明堂還祀常山過賞賜用帛百餘萬貳錢金以鉅萬計司馬公曰孝武窮奢極欲巡遊無度使百姓疲敝起為盜賊其異於泰始皇無幾矣 緱氏漢縣故址在河南偃師縣南中嶽嵩山八神 一天二地三兵四陰五陽 六月七日入四時 相如字長卿成都人

雜詞注卷二下

遣方士求神仙法行沈命

帝發船求蓬萊與方士傳車及間使求神仙者千數至是封泰山無風兩方士更言蓬萊諸神若將可得方欣然庶幾遇之復東至海上欲自浮海求蓬萊東芝藥以于數太初元年自秦山東至海上考入海及方士求神仙者莫驗然益遣冀遇其真後帝對羣臣自歎鄉時愚惑為方士所欺天下豈有仙人盡妖妄耳時帝專用酷吏吏民益輕犯法盜賊滋起帝使光祿大夫范昆等衣繡衣持節符發兵擊之數歲乃頗得其渠率然散亡聚黨無可奈何於是作沈命法曰盜起不發覺發覺而捕弗滿品二千石以下至小吏主者皆死其後小吏畏誅有盜不敢發上下相匿以文辭避法焉 沈沒也敢避匿盜賊者沒其命 東方朔字曼倩平原人率音帥

巫蠱與輪臺悔堯母名門

時方士及諸神巫多聚京師女巫往來宮中教美人度厄理木人祭祀之更相告訐以為咒詛帝體不平江充與太子有隙因言帝疾祟在巫蠱帝以充治巫蠱獄充入宮云於太子宮得木人尤多太子懼遂收

充斬之因白皇后出武庫兵發長樂宮衛卒帝詔丞相劉屈氂收捕反者與太子戰太子敗南奔皇后自殺後太子自經死桑宏羊言輪臺東有溉田五千頃可遣屯田卒詣田所墾田築亭帝下詔深陳既往之悔曰前有司奏欲益民賦助邊用是重困老弱孤獨也今又請遣卒田輪臺輪臺西於車師千餘里前擊車師以遼遠乏食死者尚數千於益西乎乃者或師敗軍士死畧離散悲痛常在朕心今又請遠田輪臺欲起亭隧是擾勞天下也朕不忍聞趙婕妤居鉤弋宮任身十四月生皇子弗陵帝曰堯母門曰堯母而生今鉤弋亦然乃命其所生門曰堯母門輪臺在車師國西千餘里鉤弋宮婕妤雙手反曲如鉤武帝親自披之遂伸故以名宮 麓音離婕音接好音于女官名婕言接幸於上好美稱

### 漢昭帝儘聰明堪憐命夭

昭帝名弗陵武帝少子武帝以霍光為大司馬大將軍上官桀為左將軍受遺詔輔政桀為丁外人求封侯光不許桀怨之以燕王旦為帝兄不得立怨望遂與旦通謀詐令人為旦上書言光出都肄郎羽林道上稱蹕擅調益莫府校尉疑有非常侯光出沐日奏之桀欲從中下其事共執退光書奏帝不肯下明日

彈詞註卷三下

九

光聞之止畫室中詔召光入帝曰朕知是書詐也將軍調校尉未十日燕王何以知之且將軍為非何須校尉時帝年十四尚書左右皆驚而上書者果亡李德裕曰人君之德莫大於至明明以昭奸則百邪不能蔽矣漢昭帝是也使天假之不以年而得伊呂之佐則成康不足侔矣惜乎享國不永壽二十二崩出都肄郎羽林都大也肄習也郎與羽林皆宿衛之士言光出大閱試肄習郎羽林武備於道上稱蹕也畫室集覽曰先武帝畫周公負成王朝諸侯圖賜霍光今光止畫室有所倚也正誤曰謂疑畫之室非以賜光之圖又畫於室中也陳仁錫曰疑是漢大臣待罪之所即古畫地為牢之義伏青蒲詣請室可類推也 謚法聖聞周達曰昭霍光字子孟去病異母弟謚宣成

### 昌邑王無德行不似人君

昭帝無嗣霍光迎武帝孫昌邑王名賀即位賀淫戲無度諫多不聽光憂懣以問大司農田延年延年曰將軍為國柱石審此人不可何不建白太后更選而立之光曰於古曾有此事否延年曰將軍若能行此尚書令讀奏曰昌邑王典喪服斬衰無悲哀之



樂府樂器擊鼓詩吹作俳倡與孝昭宮人蒙等播亂  
太后曰倖亂如是耶復讀曰受璽二十七事荒淫迷惑失帝王禮  
誼恐危社稷不可以奉宗廟當廢太后詔曰可光脫  
其璽組扶王下殿送至昌邑邸光謝曰王行自絕於  
天臣寧負王不敢負社稷涕泣而去 昌邑縣名屬  
萊州府 延

### 漢宣帝尚刑名兼王雜霸

宣帝初名病已更名詢武帝曾孫霍光等迎立之帝  
所用多文法吏以刑名繩天下太子仁柔好儒嘗待  
宴言陛下持刑太深宜用儒生帝作色曰漢家自有  
制度本以霸王道兼之奈何純任德教用周政乎  
謚法聖善 周開曰宣

### 立中宮求故劔忠厚存心

公卿議立皇后皆心擬霍光女帝乃詔求微時故  
劔大臣知指白立許婕仔為皇后 光女名成君

### 霍禹雲覆宗祀禍基驂乘

彈詞註卷三 下

帝初立霍光子禹及兄孫雲山諸婿外孫根據於朝  
光妻顯復令女醫淳于衍毒皇后許氏而內已女為  
后及光卒帝拜子禹為右將軍封光兄孫山為樂平  
侯後霍氏驕侈縱橫帝頗聞殺許后事乃徙光諸婿  
收其印綬諸領羽林及兩宮衛將屯兵悉易以所親  
代之顯及禹雲山見日侵削怨望謀廢天后事覺雲  
山自殺禹腰斬顯及諸女昆弟皆棄市皇后霍氏廢  
處昭臺宮初帝謁見高廟霍光驂乘帝嚴憚之若有  
芒刺在背後張安世代光驂乘上從容肆體甚安近  
焉及光身死而宗族誅俗傳霍氏之禍始於驂乘

安世字子孺

封富平侯

璜按司馬公曰顯禹雲山之罪雖應奪滅而光之忠  
勳不可不祀遂使家無噍類孝宣亦少恩哉朱青巖  
曰霍光為魏相飲恨光在不能報光死即為遺一孤  
中之顯禹母子輩又不肖使相之言禍竟遺一孤  
以奉丞相也其獄辭云宣寡恩而不知禍由給事中魏  
相然後廢天子則霍氏之狀豈非與魏相為終始者  
哉乃謂禍始驂乘不亦鑿乎前人無為此論者並錄  
以資論古

之識云

楊惲誅寬饒劾太刻威刑

平通侯楊惲以太僕戴長樂告惲怨望免為庶人惲既失位家居治產業其友安定太守孫會宗以書戒之惲有材能少顯朝廷一朝見廢內懷不服報會宗臘烹羊魚羔斗酒為勞後耳熱仰天擊落而呼烏人生行樂耳須富貴何時誠荒淫無度不知其不可也帝惡而斬之司隸校尉蓋寬饒剛直公清數犯上書帝惡而用刑罰任中書官寬饒奏封事曰方今意時帝為周召以法律為詩書又引易傳言五帝官天下三王家天下家以傳子孫官以傳賢聖書奏帝以寬饒怨謗下其書執金吾議以為寬饒意欲求禪天逆不道下寬饒吏饒引佩刀自剄北闕下衆莫不憐之司馬公曰以孝宣之明而趙蓋韓楊之死其漢善政之累大矣周官司寇之法有議賢議能若廣漢延壽之治民寬饒惲之剛直雖有死罪猶將宥之况罪不足以死不亦甚哉

廣漢字子都昆吾人趙

增戶口集鳳凰循良奏效

膠東相王成勞來不倦流民自占八萬餘口賜爵關內侯潁川太守黃霸力行教化戶口歲增治為天下第一徵守京兆尹是時鳳凰集潁東集北海集魯集京師徵守四年鳳凰數集潁東尤多又集杜陵集新蔡胡氏曰宣帝之世鳳凰何為數來豈臣下窺見其微意故爭言祥瑞以侈耀之而帝亦以此自欺也歎以張敞所論鵲者觀之亦可見矣帝起於閭閻稔知民瘼慎刺史守相之任重良二千石之寄凡良吏於是為盛稱中興焉 黃霸字次公陽夏人封建成侯

致中興思輔佐圖像麒麟

帝思股肱之美乃圖畫其人於麒麟閣法其形貌署其官爵姓名惟霍光不名曰大司馬大將軍博陸侯姓霍氏其次衛將軍富平侯張安世前將軍龍誰侯韓增後將軍營平侯趙充國丞相高平侯魏相丞相博陽侯丙吉太僕建平侯杜延年宗正陽城侯劉德少府梁邱賀太子太傅蕭望之典屬國蘇武凡小大

人皆以功德知名當世明著中興輔佐列於方叔召  
虎仲山甫焉博陸今平陸縣屬山西平陽府麒麟  
閣在西安府城內未央宮之左蕭何造以藏秘書宣  
帝圖畫功臣於此充國字翁孫上邽人謚曰壯魏  
相字弱翁定陶人丙吉字于陽又字少卿魯人  
梁邱賀字長翁瑯琊人望之字長倩蘭陵人

### 漢元帝重名儒優柔不斷

元帝名奭宣帝太子宣帝以蕭望之為前將軍周堪  
為光祿大夫受遺詔輔政宣帝崩太子即位是為元  
帝班彪曰元帝少而好便及即位徵用儒生委之以  
政貢薛韋匡迭為丞相而牽制文義優游不斷孝宣  
之業衰焉尹起莘曰元帝繼統之初雖文景初政未  
有是也然反為基禍之主何哉優柔不斷戚宦用權  
也貢薛韋匡貢禹薛廣德韋元成匡衡謚法行  
義悅民曰元周堪字少卿貢禹字少翁瑯琊人廣德  
俱長卿沛人元成字少翁丞相扶陽侯賢之子父子  
俱拜相封侯匡衡字稚圭東海人拜相封樂呂侯

### 遣王嬙嫁胡虜短見和親

齊國王穰女王嬙字昭君獻之元帝帝后宮多不得  
常見乃使畫工圖其形按圖召幸宮人多賂畫工昭

彈詞註卷三下

君自恃容貌獨不肯與工人乃醜圖之後匈奴呼韓  
邪單于入朝自言願婚漢氏以自親帝以昭君行召  
見貌為后宮第一帝悔之而名籍已定遂不復更乃  
按畫工毛延壽樊青等俱棄市單于歸號昭君為寧  
胡閼氏

### 漢成帝志荒淫溺情飛燕

成帝名驁元帝太子帝時以好色闕及即位  
溺於酒色與張放等宴樂禁中荒淫嫖黷嘗微行過  
陽阿公主家悅歌舞者趙飛燕召入大幸廢  
許后立飛燕為皇后謚法安民立政曰成

### 忽天災眚禍水委棄宗祚

帝時災異迭見靡歲不有而天地變具有他時所絕  
無者八事兩月相承食震同日地震殿中隕石同時  
四月雪再桃李秋實雉集宮殿三日江竭杜欽谷永  
上言以為女寵太盛嫉妬專上將害繼嗣之咎王章  
劉向等上封事以為王氏外戚專政所致帝皆知而  
不能用惟溺於酒色自飛燕入宮嘖嘖嗟賞披香博  
士淖方成在帝後唾曰此禍水也滅火必矣劉向以

王氏愈盛上封事極諫曰陛下持宗廟而令國祚  
移於外戚縱不為身奈宗廟何披香殿名宗祊一  
書易祊為臣指劉向為宗臣棄向言而不用也谷  
永字子雲王章字仲卿為京兆尹劉向字子政本名  
更生楚元王四世孫唐貞觀中  
配享文廟宋祥符中封彭城伯

### 憂外戚勢逼君上書梅福

故南昌尉梅福上書曰方今君命犯而主威奪外戚  
之權日以益隆陛下不察其形願察其景自霍光之  
賢不能為子孫慮故權臣易世則危勢陵於君權隆  
於主然後防之亦亡及矣帝不納南昌今江西南  
昌府福上書後及王莽專政一朝棄妻子去人傳以  
為仙後有見福於會稽者變姓名為吳市門卒梅  
福字子真九  
江壽春人

### 請尚方斬馬劍折檻朱雲

太史安昌侯張禹雖家居每有大政必與定議時吏  
民上書言災異多切譏王氏帝至禹第示禹禹恐為  
所怨對曰災異深遠難見祈學小生亂道宜無信用  
帝因此不疑王氏故裡令朱雲上書求見曰願賜

彈詞註卷三下

尚方斬馬劍斷佞臣一人頭帝問誰也對曰張禹帝  
大怒曰小臣廷辱師傅罪死不赦御史將雲下雲攀  
殿檻折雲呼曰臣從龍逢比于遊於地下足矣未  
知聖朝何如耳左將軍辛慶忌力救得免及後治檻  
帝曰勿易因而輯之以旌直臣安昌今懷慶府河  
內縣裡故城在西安府興平縣東南張禹字子  
文河內軹人朱  
雲字游平耳人

### 漢哀帝建平初天星屢隕

哀帝名欣定陶王康子成帝無嗣立為皇太子即位  
改元建平元年正月隕石北地十六九月隕石於虞  
二北地今寧州屬鞏昌府虞今虞城  
縣屬歸德府 謚法恭仁短折曰哀

### 嬖斷袖疎正言漢德頹傾

侍中董賢為人美麗和柔便辟得幸於帝常與帝臥  
起晝寢偏藉帝袖帝欲起賢未覺不欲動賢乃斷袖  
而起其恩愛至此帝為賢起大第北闕下窮極技巧  
賜東園秘器珠襦玉押無不備具貴震朝廷僕射鄭  
崇極諫帝遂數以職事責崇竟殺之欲賜賢爵關內  
侯丞相王嘉與御史大夫賈延切諫帝詔切責之竟

到賢高安侯欲發武庫兵送賢及乳母王阿舍執金  
吾母將隆奏言便辟弄臣而以天下公器給其私門  
非所以示四方帝不悅左遷為沛郡都尉帝又託傳  
太后遺詔益封賢二千戶丞相新甫侯王嘉封還詔  
書切諫帝大怒下嘉獄殺之時賢年二十二帝以為  
大司馬衛將軍百官皆因賢奏事權倖人主朝野側  
目

### 漢平帝莽專權三綱絕矣

平帝名衍元帝庶孫中山王興之子哀帝無嗣召入  
為太子即位時年九歲以王莽為太傅號安漢公莽  
恐帝外家衛氏奪其權白太后拜帝母衛姬為中山  
孝王后賜帝舅寶鉉爵關內侯皆留中山不得至京  
師莽長子宇非莽隔絕衛氏私與衛寶通書教衛后  
上書求至京師莽不聽令歸政衛氏於是夜灑血莽  
神可為變怪驚懼之因令歸政衛氏於是夜灑血莽  
第門吏發覺莽執宇送獄欲藥死盡滅衛氏支屬章  
腰斬莽因是獄連引素所惡者悉誅之元帝女弟敬  
武長公主素非議莽亦殺之漢忠直臣不附莽者何  
武鮑宣等皆坐死凡數百人北海逢萌謂友人曰三  
綱絕矣不去禍將及人即挂冠東都城門歸將家屬

彈詞註卷三下

浮海客於遼東 北海郡名今青州府  
謚法布網治紀曰平逢萌字子慶昌邑人

### 酒杯中置毒藥矯假金滕

帝益壯以衛后故不悅莽因臘日上椒酒置毒酒中  
帝有疾莽作策請命於泰時願以身代藏策金滕救  
諸公莫敢言帝尋崩

### 擁立著漢嬰兒名為孺子

太后議立嗣時元帝世絕宣帝曾孫有見王五人列  
侯四十八人莽惡其長大曰兄弟不得相為後乃悉  
徵宣帝元孫選立廣戚侯顯之子嬰為皇太子號為  
孺子時嬰年二歲託以為卜相最吉故立之 廣戚  
漢縣名故城在徐州西北沛縣縣境內

### 攝皇帝陳符命篡了龍廷

前輝光謝囂奏武功長孟通浚井得白石有丹書文  
曰告安漢公莽為皇帝於是羣臣奏請安漢公踐作  
服天子款冕南面朝羣臣車服警蹕皆如天子制  
之攝皇帝自稱曰予平決朝事以皇帝之詔稱制

攝元年太后詔葬朝見稱假皇帝三年履雲言巴郡  
石牛臧鴻言扶風雍石莽皆迎到未央殿前莽奏臣  
與太保舜等視得銅符帛圖於石前文曰天告帝符  
臣莽敢不承用請號令天下奏事毋言攝以居攝三  
年爲初始元年用應天命梓潼人哀章作銅匱爲兩  
簡一署曰天地行璽一署曰赤帝行璽劉邦傳子黃  
帝金策昏時衣黃衣持璽至高廟付僕射以聞莽至  
高廟拜受金匱神澤還至未央宮前殿下書曰皇天  
上帝屬子以天下兆民赤帝漢高皇之靈承天命傳  
國金策之書予敢不欽受已御王冠卽眞天子位建  
有天下之號曰新以十二月朔爲始建國元年使王  
舜請璽太后罵曰若自以金匱符命爲新皇帝亦當  
自更作璽傳之萬世何用此亡國不祥璽爲我漢家  
老寡婦且暮且死欲以此璽俱葬舜言莽必欲得璽  
太后寧能終不與耶太后出璽投之地莽欲改太后  
漢家舊號張永獻符命言定公讀策單莽親執孺子手  
莽從之策命孺子爲安得復子明辟今子獨迫皇天  
獻歛曰昔周公攝位終復下殿北面稱臣凡與謀篡爲  
威命不得如意將孺子下殿北面稱臣凡與謀篡爲  
符命者皆得封侯按金匱封拜其黨與爲四輔三公  
四將凡十一公遣五威將王奇等十二人班符命四  
十二篇於天下王侯官吏皆授新印綬漢諸王爲公

彈詞註卷三

五

者悉上璽綬爲民綬統至是中絕前輝光莽分京  
師置前輝光後承烈二郡梓潼縣名屬保寧府安定  
漢縣名故城  
在延安府

### 王莽亂十八年落頭威斗

王莽居攝二年初始一年篡位始建國五年天鳳六  
年地皇四年共十八年初莽以五石銅鑄爲威斗若  
此斗欲以厭勝衆兵司命負之出在前入在旁後更  
始遣王匡攻洛陽申屠建符武關折人鄧尋開關迎  
建莽率頭諸臣至南郊陳具符命本末仰天大哭盡  
伏而叩頭諸生小民旦夕會哭哀者除爲郎時諸縣  
大姓各起兵稱漢將長安旁兵四會城下爭欲先入  
城莽赦囚徒授兵殺穉與誓曰有不爲新室者社鬼  
記之使史諶將之度渭橋皆散走衆兵發掘莽妻子  
父祖塚燒其棺槨及掖庭承明殿火宣室中城中火  
少年燒作室門火及掖庭承明殿火宣室中城中火  
輒隨之莽細衲服持虞帝七首旋席隨斗柄而坐曰  
天生德於子漢兵其於子何羣臣扶莽至漸臺衆兵  
上臺商人杜吳殺莽取其綬校尉公賓就斬其首軍  
人分裂莽身支解縣分之居二日鄧尋申屠建入長  
安傳莽首詣宛縣於市百姓共提擲之或切食其舌

五石銅以五色藥石及銅爲之長二尺五寸折今  
析川縣屬南陽府臺在池中水浸之故名漸臺宛今  
南陽府宣室木央宮前殿正室也齋則居之承明殿  
名紺深青而揚赤色杓通作均戎事上下同服避  
暑錄載韓玉汝家有王莽銅斗狀如勺今三尺長一尺  
三寸其柄有銘曰大官乘興斗凍銅斗重三尺九兩  
新始建國天鳳上戊六年十二月工遵造第二十九  
料食器又南史載開元武湖於古塚得一銅斗有柄  
一在塚內必甄邯之墓俄啓塚又得一斗有石銘大  
司徒甄邯墓則當時威  
斗有以賜大臣者矣

### 淮陽王號更始委柄庸人

春陵戴侯曾孫劉元在平林兵中號更始將軍時漢  
兵欲立劉氏以從人望南陽豪傑皆欲立劉續續光  
武之兄也新市平林將軍鄧演更始元元懦弱先共  
定策立元爲皇帝大赦改元更始元元納右大司  
馬趙萌女爲夫人遂委政於萌日夜讌飲萌專權自  
恣羣小膳夫皆濫受官爵由是關中離心後光武即  
位詔封更始爲淮陽王春陵城名在襄陽府棗陽  
縣南平林漢縣名故城在湖廣隨州東北新市在德

安府孝  
感縣

彈詞註卷三下

### 漢光武起南陽二十八宿

光武皇帝名秀長沙定封於南陽白水鄉改白水爲春  
陵節侯買買三世徙封於南陽白水鄉改白水爲春  
陵買少子外生回回生欽欽生秀至是與宛人李通  
等定謀起兵後得二十八將以定天下世謂之上應  
二十八宿角木蛟太傅高密侯鄧禹胃土雉中山太  
守全椒侯馬成亢金龍大司馬廣平侯吳漢昂日雞  
河南尹阜成侯王梁侯陳俊房日兔建威大將軍  
月烏瑯琊太守祝阿侯陳後房日兔建威大將軍  
時侯耿弇參水陸驃騎大將軍參護侯杜茂心月狐  
執金吾雍奴侯寇恂背火積弩將軍昆陽侯傅俊  
尾火虎征南大將軍舞陽侯岑彭危月燕左曹合肥  
侯堅鐔箕水豹征西大將軍陽夏侯馮異鬼金羊十  
公太守淮陵侯王霸斗木牛建義大將軍虜將軍  
柳太守信都太守阿陵侯任光牛金牛征虜將軍  
騎侯祭遵星日馬豫章太守中水侯李忠女土蝠驃  
騎大將軍樂陽侯景丹張月鹿大將軍槐里侯萬壽  
虛日鼠虎牙大將軍安平侯蓋延翌火輪大常靈壽  
侯祁彤井木犴衛尉安成侯姚軫水蚓驍騎將軍

昌成侯劉苗室火猪東郡太守東光侯耿純壁水渝城門校尉所陵侯臧宮奎木狼捕虜將軍陽虛侯馬武婁金狗驃騎將軍慎侯劉隆范蔚宗曰中興二十八將前世以為上應二十八宿未之詳也然威能感會風雲奮其智勇稱為佐命亦各智能之士也長沙府名 謚法能紹前業曰光克定禍亂曰武鄧禹字仲華新野人吳漢字子顏伯昭寇恂字子翼昌平人傅俊字子衛襄陽人耿弇字子昭寇恂字子翼昌平人及襄陽人馮異字公孫父城人王霸字元伯潁陽人李忠字仲都景丹字孫卿棘陽人萬修茂林人蓋延字巨卿漁陽人耿純字伯山臧宮字君翁馬武字張子湖陽人祭遵字弟孫潁陽人

### 戰昆陽誅王尋際會風雲

更始拜劉秀為偏將軍狗比陽定陵鄧皆下之王莽遣王尋王邑發兵平山東以長人巨無霸為壘尉又擊諸猛獸以助威武漢兵皆走入昆陽惶怖欲散歸諸城劉秀曰如欲分散勢無俱全時城中惟八九千人秀使王鳳王常守昆陽夜與李軾出城收兵尋邑縱兵圍昆陽秀至鄧定陵悉發諸營兵俱進自將步

彈詞註卷三下

七

騎千餘為前鋒尋邑遣兵合戰秀敗之諸將喜曰劉將軍見小敵怯今見大敵勇甚可怪也秀復進尋邑兵却諸部乘之秀從城西衝其中堅漢兵乘銳崩之遂殺尋莽兵大潰會大雷風屋瓦皆飛雨下如注淫川盛溢虎豹皆股戰士卒赴水溺死者萬數自稱去盡獲其軍輜重於是豪傑響應皆殺其牧守邑稱將軍用漢年號以待詔命 昆陽故城在葉縣定陵在舞陽縣淩水在葉縣今因以名驛俱屬南陽鄧城屬開封府

### 痛親兄被傷殘獨居涕泣

新市乎林諸將以劉縯兄弟威名益盛陰勸更始誅之縯步將劉稷勇冠三軍聞更始立怒曰本起兵圖大事者伯升兄弟也今更始何為者耶更始收稷誅之縯固爭並殺縯秀自父城馳詣宛謝縯官昆陽中秀秀不與交私語惟深引過而已未嘗自伐縯迎之御酒肉枕席有涕泣處 伯升縯字父城漢縣名故城在南陽汝州東南

### 漢官儀幸再觀三輔巡行



更始將都洛陽以劉秀行司隸校尉使前修宮秀乃置僚屬作文移從事司察一如舊章時三輔吏士東迎更始見諸將過皆冠憤而服婦人衣莫不笑之及見司隸僚屬皆喜不自勝老吏或垂涕曰不圖今日復見漢官威儀由是識者皆屬心焉漢武以京兆馮翊扶風爲三輔取輔車相依之意

### 滹沱河險些兒乘冰得渡

### 蕪葦亭麥豆粥患難君臣

更始以劉秀行大司馬事北狗薊會薊反應王郎秀趣駕而出至蕪葦亭時天寒冽馮異上豆粥晨夜兼行傳聞王郎兵在後至滹沱河候吏還白河水流斯無船不可濟秀使王霸視之恐驚衆乃詭曰水堅可渡遂前至河河水亦合乃渡未畢數騎而水解至南宮入道旁空舍馮異抱薪鄧禹煮火秀對竈燎衣馮異復進麥飯馳赴信都後異治關中人上章言異威權日重百姓歸心帝以章示吳異惶謝詔報曰將軍之於國家義爲君臣恩猶父子何嫌何疑而有懼意至入朝帝謂公卿曰是我起兵時主簿也賜珍寶錢帛詔曰倉卒蕪葦亭豆粥滹沱河麥飯厚意久不報異謝曰願君無忘河北之難臣不敢忘中車之恩

彈詞註卷三下

蕪葦亭在真定府饒陽縣北亭亦在焉滹沱河源出太原府自鹵城縣從真定過霸州文安入海南宮縣名信都今蕪州已上俱屬真定府中車鄉在汝州蕪音樓

### 擊銅馬推赤心關西投死

更始立秀爲蕭王王擊銅馬諸賊於鄴銅馬食盡夜遁王追擊降之降者不自安王敕令各歸營勸兵自乘輕騎按行鄴陳降者更相語曰蕭王推赤心置人腹中安得不投死乎由是皆服悉以降人分配諸將衆遂數十萬故關西號帝爲銅馬帝銅馬賊之號蕭今徐州蕭縣鄆縣今省地理志鉅鹿有鄆縣

### 斬王郎燒文牒反側安心

莽時有自稱成帝子子真者莽殺之邯鄲卜者王郎詐稱真子真人多信之立郎爲天子於邯鄲王將兵拔邯鄲斬王郎收郎文牒得史民與郎交關謗毀者數千章會諸將燒之曰令反側子自安邯鄲今廣平府王郎名昌

### 豁達度重循良褒封卓茂

平府

初隄戢起兵應更始徵至長安逃歸天水聚眾自稱  
西州上將軍至是使馬援奉書洛陽見帝援曰今  
陛下恢廓大度同符高祖乃知帝王自有真也歸  
謂曰才明勇略非人敵也且開心見誠無所隱伏  
達多大節與高帝同宛人卓茂恬淡樂道哀平間  
為令吏民親愛之及莽居攝免歸帝即位先訪求  
茂時七十餘詔曰名冠天下當受天下重賞今  
為太傅封褒德侯司馬公曰先武即位之初羣  
逐彼摧堅陷敵權畧之士方見重於世而獨能  
厚之臣旌循良之吏置諸羣公之首其光復舊物  
祿久長蓋由知所先務也  
秦州密縣名今屬開封府 天水今鞏昌府

### 嚴子陵同夜臥警動星文

帝少與嚴光同遊學及即位光變姓名隱遁帝以物  
色訪之齊國上言有一男子披羊裘釣澤中帝疑是  
先遣使聘之既至光卧不起帝乃張目曰昔堯堯著  
咄咄父洗耳士固有志何至相逼乎帝曰子陵我竟  
不能下汝耶歎息而去復引光入論道舊故因共偃  
臥光以足加帝腹上明日太史奏客星犯御坐甚急  
帝笑曰朕故人嚴子陵共卧耳除為諫議大夫不屈

彈詞註卷三

下

充

乃耕富春山後人名釣處為嚴陵瀨焉  
先字子陵  
本姓莊後避明帝諱史記作嚴富春山在嚴州府桐  
廬縣西三十里號錦峰繡嶺前臨大江上有東西二  
釣臺 咄音啜子陵小字狂奴新野人其妻梅福季  
女世傳子陵為餘姚  
人謬矣有古碣可考

### 三十萬青銅錢賞旌強項

董宣為雒陽令帝姊湖陽公主蒼頭白日殺人因匿  
主家及主出行以奴驂乘宣叱如下車殺之主誦帝  
帝怒召宣欲箠殺之宣叩頭曰陛下聖德中興而血  
奴殺人將何以治天下臣請自殺即以頭擊輿流血  
被面帝令小黄門持之使宣叩頭謝主宣不從強使  
頓之宣兩手據地終不肯俯主曰文叔為白衣時藏  
亡匿死吏不敢至門今為天子威不能行一令乎帝  
曰天子不與白衣同因敕強項令出賜錢三十萬  
文叔光武字維本作洛先武以漢火德思水改為維  
漢名奴為蒼頭 董宣字少平陳留人湖陽公主名  
黃

### 百束匹郵幘布加貶東門

帝嘗出獵夜還上東門侯鄧恽拒關不開帝令從者見面於門問鄧曰火明燎遠遂不受詔帝乃回從中東門入明日恽上書諫曰陛下遠獵山林夜以繼晷如社稷宗廟何書奏賜輝布百疋貶中東門侯為參封尉 雒陽城十二門按十二支每門侯一人司啓閉上東門者寅方門中東門者卯方門參封縣名 鄧恽字君 章西平人

### 只可惜蕙涉讒伏波藁葬

交趾女子徵側徵貳反帝以新息侯馬援為伏波將軍討之斬側徵立銅柱為界後遺新息侯印綬卒於軍虎賁中郎將梁松構陷之帝復遣征武凌擊綏初援在交趾常餌蕙苡寔能輕身勝瘴氣軍還載之一車及卒後有上書譖之者以為前所載還皆明珠文犀帝益怒援妻孥惶懼不敢以喪還舊塋藁葬城西息縣武陵今常德府雲陽故城在涇陽縣西北 新息今河南 接字文淵 茂陵人

### 談時政太激切枉殺韓歆

大司徒韓歆好直言帝每不能容歆於帝前證歲將凶指天畫地言甚剛切免歸復遣使宣詔責之歆自殺歆素有重名死非其罪衆多不厭帝乃追賜錢穀以成禮葬之

彈詞註卷三下

三

### 廢郭后寵麗華皇儲易位

帝微時嘗曰任官當作執金吾娶妻當得陰麗華後竟得之至是以皇后郭氏寵衰廢之立陰氏為皇后太子疆以母廢意自不安鄧恽說太子辭位願備藩國至是詔曰春秋之義立子以貴東海王陽皇后之子宜承大統皇太子疆崇執謙退願備藩國父子之情重久違之其以疆為東海王陽為皇太子改名莊 郭后名聖通 廢為沛太后

### 易妻諷事不諧調笑朝廷

湖陽公主新寡帝與共論朝臣微觀其意主曰宋公威容德器羣臣莫及後大司空宏引見帝令主坐屏風後因謂宋曰諺云貴易交富易妻人情乎宏曰臣聞貧賤之交不可忘糟糠之妻不下堂帝顧謂主曰事不諧矣 宋宏字 付子長安人封宣平侯

信圖識諫桓譚不無遺議

帝以赤伏符即位由是信用讖文多以決定嫌疑給事中桓譚諫曰凡人忽於見事而貴於異聞蓋諸巧慧伎數之人矯稱讖記以欺人主其事雖有時合譬猶卜數隻偶之類陛下宜屏斥之疏奏帝不悅會議靈臺所處帝謂譚曰吾欲以讖決之譚叩頭流血非經帝怒曰桓譚非聖無法將下斬之譚曰符流血良久乃解出為六安丞道病卒讖記之書曰符漢德尚火赤火色伏藏也赤伏符之名曰劉秀發兵捕不道四夸雲集龍鬪野四七之際火為主六安州名屬廬州府桓譚字君山宿州人

保功臣謝西域終是賢君

帝欲完功臣爵土不令以吏職為過時列侯惟鄧禹李通賈復三侯與公卿參議國事餘俱以列侯就第故皆保其福祿無誅譴者先是西域苦匈奴重斂皆願屬漢莎車王賢鄯善王安皆遣使奉獻請置都護帝以中國新定不許後莎車王賢欲兼并西域諸國諸國懼車師等十八國俱遣子入侍願得都護帝以北邊未服皆還其侍子厚賞賜之西域諸國上書再請都護帝報曰今大兵未能得出如諸國力不從心

彈詞註卷三下

東西南北自在也尹氏曰西域數請都護不許則帝不勤遠畧之意見矣漢業鼎安宜哉莎車本西域之城名初單于別種呼屠萬年據之而自立後遂以莎車名國車師即姑師其國有前王後王

漢明帝念勳勞雲臺圖畫

明帝名莊原名陽光武太子帝思中興功臣乃圖二十八將於南宮雲臺又益以勳臣四人橫野大將軍山桑侯王常大司空固始侯李通大司空安豐侯竇融太傅宣德侯卓茂合三十二人馬援以椒房之親獨不與焉皇后所居以椒和泥塗壁取其温煖而芳故名椒房雲臺在河南府洛陽縣東水南堡王常字頽卿舞陽人

幸橋門拜更老偃武修文

帝幸辟雍初行養老禮以李躬為三老桓榮為五更禮畢引桓榮及弟子升堂帝自為辨說諸儒執經問難於前冠帶縮紳圍橋門而觀聽者蓋億萬計時帝崇尚儒學自皇太子諸王侯及大臣子弟莫不受經學期門羽林之士悉令通孝經章句單于亦遣子入

學知天地人三才曰三老知五行代謝者為五更

碎雍四門外水圍繞皆有橋觀者在水  
外故曰園橋門 桓榮字春卿懷遠人

### 佛法像入中原金仙托夢

明帝夢見金人長大頂有日月光以問羣臣或曰西  
方有神其名曰佛陛下所夢得無是乎於是遣博士  
蔡愔等之天竺求佛法迎其書及沙門攝摩騰至京  
師得佛經四十二章緘之蘭臺石室以佛像繪之清  
涼臺顯節陵於是中國始傳其術而圖其形像焉此  
佛法入中原之始也 天竺西域國名在大夏東南  
清涼臺在北鴈門郡 外顯節陵即帝壽陵

### 取哀牢懷鄯善率土歸心

哀牢王柳貌率其民五萬餘戶內附其地置哀牢博  
南二縣帝遣耿秉竇固伐北匈奴因使假司馬班超  
使西域超行到鄯善鄯善王廣奉詔禮敬甚備後忽  
疎懈超曰此必有北虜使來乃詔侍胡詎之侍胡曰  
到已三日去此三十里超會其吏士因夜以火攻虜  
營斬其使召鄯善王廣以虜使首示之一國震怖廣  
叩頭願屬漢無二志遂納子為質 哀牢國名今雲  
南永昌府鄯善即樓蘭國也去陽關千六百里漢昭  
彈詞註卷三 下

帝遣傅介子往刺其王更名其國為鄯善  
耿秉字伯初封義陽侯班超字仲升

### 班虎頭通西域三十六國

班超起自書生家貧為官傭書以養母嘗投筆有萬  
里封侯之志有相者謂曰生燕頰虎頭飛而食肉萬  
里侯相也至是立功西域帝以超為軍司馬令遂前  
功復以超使于寘其王廣德亦殺匈奴使者以降諸  
國皆遣子入侍西域與漢絕者六十五載至是  
通者三十六國 于真西域國名 寘音田

### 耿校尉困疏勒拜井泉生

奉車都尉竇固奏復置西域都護及戊巳校尉遂以  
司馬耿恭為戊巳校尉屯金蒲城北單于率二萬騎  
擊殺車師後王安得遂攻金蒲恭以疏勒城旁有澗  
水可固引兵據之北單于擁絕澗水城中穿井十五  
丈不得水吏士渴乏恭整衣服于井再拜有頃水泉  
湧出乃令吏士揚水以示單于單于以為神引去  
疏勒西域國名在莎車 東北 耿恭字伯宗

### 漢章帝尚寬仁慈祥長者

章帝名坦明帝太子時政尚嚴切尚書陳寵疏請濟之以寬帝納其言至事務於寬厚賀氏曰章帝書詔十六為受民恤刑而發者十貞仁慈之主哉范曄曰魏文帝稱明帝察察章帝長者章帝厭苛切事從寬厚平徭簡賦而又體之以忠恕文之以禮樂謂之長者不亦宜乎 謚法溫克令儀曰章

### 命曹褒修漢禮獎諭儒臣

博士曹褒請定文制著成漢禮太常巢堪言一世大典非褒所能定司馬班固以為宜廣集諸儒共議得失帝曰詭言作舍道旁三年不成章禮之家名為聚訟五生疑異筆不得下昔堯作大章一變足矣乃拜褒侍中授以叔孫通漢儀十二篇曰此制散畧多不合經宜依禮條正使可施行褒依準舊典雜以五經讖記之文撰次天子至於庶人冠婚吉凶終始制度凡百五十篇奏之帝以衆論難一故但納之不復令有司平奏

### 馬太后慎滿盈停封諸舅

馬太后伏波將軍馬援之女帝欲封爵諸舅太后不許時大旱言事者以為不封爵諸舅之故太后詔曰

彈詞註卷三下

重

昔王氏五侯同日俱封黃霧四塞不聞澍雨之應先帝防慎舅氏不令在樞機之位帝省詔悲歎復重請之太后報曰嘗觀富貴之家福祿重疊其根必傷夫至孝之行安親為上今數遭變異而欲先營外家之封達慈母之倦倦乎後三年帝封馬援為順陽侯防為穎陽侯光為許陽侯三年帝封馬援之子馬騰為得故日夜惕厲思自降損何意老志不從萬年之日長恨矣廖等辭讓帝不許乃受爵辭位皆以待進就第

### 除誹謗納正諫赦罪崔駰

魯國孔僖涿郡崔駰同遊太學相與論武帝始崇聖道號勝文景及後恣已忘其前善鄰房生梁郁上書告駰僖誹謗先帝事下有司僖等以書自訟曰凡言之美惡顯在漢史是為虛說書傳實事非虛謗也今陛下乃欲為十世之武帝遠諱實事豈不異哉書奏詔勿問拜僖

蘭臺令史

### 漢和帝禮賢才承家柔善

和帝諱肇章帝第四子胡致堂曰和帝幼冲即位誅  
鋤竇憲威權不失後十六七年間無大過舉尊信儒  
術友愛兄弟禮賢納諫中外又安方諸  
章帝實過之矣 謚法不剛不柔曰和

### 任中官尊外戚消長因循

時帝年十歲竇太后臨朝后兄竇憲以大將軍位在  
三公上專權僭逼遂生逆謀帝與宦官鄭眾謀誅之  
徐昭文曰夫害政亂國者非外戚則宦官也竇憲伏  
誅鄭眾因而封侯東漢之亂實基於此外戚宦官迭  
為消長馴致桓靈卒以亡漢可  
勝歎哉 中官外戚詳見下文

### 任竇憲擊匈奴燕然勒石

都鄉侯暢來弔國憂太后數召見竇憲恐分權遣容  
刺殺之太后怒憲懼因求擊北匈奴以贖罪戰於稽  
落山大破之出塞三千餘里登燕然山命中護軍班  
固刻石勒功紀漢威德匈奴曰鐃王師兮征荒裔勦  
兇虐兮截海外奠其邈兮巨地界封神兮建隆勦  
熙帝載兮振萬世 都鄉縣名故城在涿州西北稽  
落山在燕然山南燕然  
山在單于速里烏地中

彈詞註卷三

西

### 倚鄭眾芟大憝虎殪狼興

竇憲自北伐有功之後擅權自恣與鄧疊鄧禹及憲  
婿郭舉之父墳共為謀逆帝以朝廷上下莫不附憲  
獨中常侍鄭眾謹敏有心機遂與眾定議誅憲詔執  
金吾勒兵屯衛南北宮閉城門收璫舉疊誅之收  
憲大將軍印綬迫令自殺帝封眾為鄉侯宦者封  
侯始此胡致堂曰和帝平纒乃選用私臣勒兵  
收捕朝廷肅清足以遠繼孝昭之烈矣所可恨者鄭  
眾以有大功於是開宦官用權之漸生中常侍亡漢  
之階諺曰前門拒虎後門進狼此之謂與顧氏曰和  
帝幼冲權在竇氏獨起宸斷殲厥大憝但鄭眾封侯  
似乎拒虎進狼耳

鄭鄉在南陽

### 班孟堅人物志縱橫九等

班固字孟堅著漢書撰古今人物表曰譬如堯舜禹  
稷禹與之為善則行敵讎此欲與為惡則誅可與為  
善不可與為惡是謂上智桀紂龍逢比干欲與為善  
則誅于莘崇侯與之為惡則行可與為惡不可與為  
善是謂下愚齊桓公管仲相之則霸豎貂輔之則亂  
可與為善可與為惡是謂中人因茲分聖人仁人智

人下愚為上上中上下中上下中下下上下中  
下下縱橫以列九等之序究極經傳繼世相次總備  
古今之畧要用修曰固作漢書紀漢事也洪荒以  
來非漢家之字上古羣僭非劉氏之臣乃總古今以  
著人表既以乖其名且表名古今而篇中  
不列漢人尤為不愜 班固扶風安陵人

### 著漢書未得就女弟嗣成

班彪續司馬遷後傳數十篇未成而卒明帝命其子  
固續之固以史遷所記乃以漢氏繼百王之未非其  
義也大漢當可獨立一史故上起高祖下終孝平王  
莽之誅十有二世二百三十年綜其行事撰十二帝  
紀八年表十本志七十列傳凡百篇逮上之志未  
畢竇憲誅以固為竇氏宿客洛陽令种兢舊銜固捕  
擊之遂死獄中所著漢書未就詔固女弟昭踵而成  
之昭字惠姬為曹壽妻壽亡和帝召入宮令皇后貴  
人師事之號大家叔皮  
誠七章 班彪字叔皮

### 漢殤帝襁褓中權歸鄧后

殤帝名隆和帝長子有痼疾少子隆生纔百餘日鄧  
太后臨朝顧氏曰殤帝崩在襁褓鄧后終利幼弱  
襁褓正義曰襁闊八寸長八尺用約小兒而負之行  
襁褓師古曰即今小兒被 謚法短折不成曰殤

### 坐龍牀八箇月葬入康陵

帝即位八月崩壽未二歲葬康陵綱目按質帝紀康  
陵在恭陵上而前漢平帝已名康陵或曰康與庚字  
相似或誤為康章懷註云在慎陵  
坐中庚地合二說觀之當作庚陵

### 漢安帝邸第時頗多祥瑞

安帝名祐章帝廢太子清河孝王慶之子在邸時即  
有神光照室又有赤蛇盤於牀第之間 謚法賓客  
和平 曰安

### 即位後母臨朝長統昌言

帝年十三即位後鄧太后臨朝十五年時以寇賊兩  
水策免太尉徐防司空尹勤仲長統昌言曰光武忿  
強臣之竊命矯枉過直政不任下雖置三公事歸台  
閣三公備員而已至於中世權移外戚寵被近習使  
陰陽失和水旱為災反以策讓三公至於死象豈不  
寃哉統嘗著論曰昌言其畧曰繼體之時貴有常家



乃聘其邪欲荒廢庶政親愛者盡佞諂之人寵貴者盡姬妾之家遂至熬天下之脂膏怨毒侵叛土崩瓦解至於運徙勢去猶不覺悟豈非富貴生不仁沈溺致愚疾耶治亂周復天道常然之大數也後獻帝朝苟或舉為尚書令仲長姓統名 統字公理鉅野人

### 楊伯起慎四知却金暮夜

宏農楊震字伯起孤貧好學諸儒為之語曰關西孔子楊伯起大將軍鄧騭辟之累遷荊州刺史東萊太守道經昌邑故所舉荊州茂才王密為昌邑令夜懷金十觔以遺震震曰天知地知我知子知何謂無密曰暮夜無知者震曰天知地知我知子知何謂無密密愧而出 宏農今河南陝州荊州府名 屬湖廣東萊今萊州府昌邑縣名屬萊州

### 虞武都破西羌增竈行兵

諸羌反亂殘破并涼鄧太后聞虞詡有將帥畧以為武都太守擊羌衆數千遮詡於陳倉嶓谷詡停不進宣言上書請兵羌聞之乃分鈔傍縣詡因其兵散日夜進道兼行百餘里令吏士各作兩窟日增倍之

彈詞註卷三

下

兵

或問曰孫臑滅竈而君增之兵法日行不過三十里今行二百里何也詡曰羌衆多吾兵少徐行則易為所及速進則彼所不測羌見吾竈日增必謂郡兵來迎孫臑見弱吾今示強勢有不同也既到郡兵不滿三千而羌衆萬餘攻圍赤亭詡令軍中強弩勿發晉發小弩羌以為矢力無不中羌大震圍解詡悉使其兵衆從共射一人發無不中羌大震圍解詡悉使其兵衆從東郭門出北郭門入貿易衣服回轉數周羌不知其數更相恐動詡設伏掩擊大破之賊由是敗散一郡遂安 武都今鞏昌府階州陳倉今鳳翔府寶雞縣嶓谷在河南永寧縣北赤亭在隴西縣 虞詡字升卿武平人

### 親政事奉和熹尊崇乳媪

鄧太后號和熹皇后帝少聰明及長多不德不可太后意太后徵河間王子翼為平原王勝後留京師帝乳母王聖常與中黃門李鳳為平原王弟毀短太后帝忿懼及太后崩宮人誣告太后兄弟謀立平原王帝怒太后宗族俱免官沒入貲產太后兄鄧騭等皆自殺天下冤之尹氏曰帝親政之後追怒鄧氏誣責竄戮至於沒入貲產而怒猶未息必盡置死地而後已帝可謂少恩矣帝封李閔江京為列侯與乳母王聖

聖女伯榮出入宮掖傳通姦路司徒楊震疏請出阿母令居外舍聖等皆忿恚後封王聖為野王君詔遣使者大為王聖起第震又疏曰帑藏匱乏而為阿母起第為費巨億天下謙謙帝不聽眾等遂共搆之夜遣使策收太尉印綬震欲酖而卒道路皆為隕涕胡氏曰安帝三公無出震右者兩妻一乳媪而不能動老稱也和熹后名鄧綬媪音襖璜按安帝親政後追怒太后則不得云奉和熹矣奉當作怒

### 東南巡至葉縣不得回京

延光三年二月帝東巡三月回宮四年二月南巡至葉縣崩於乘輿閭顯江京等以濟陰王在內恐公卿立之乃僞云帝疾甚徙御臥車馳歸四日至洛陽葉縣今屬南陽府

### 閭太后戀垂簾北鄉侯繼

安帝崩尊閭后為皇太后太后欲久專政貪立幼年與閭顯等定策禁中迎章帝孫濟北惠王壽子懿即位懿時為北鄉侯北鄉鄉名在濟南府長清縣安帝后名閭姬

彈詞註卷三

### 襁褓中未七月遘疾而薨

璜按王季延彈詞序云用修間有疎漏漢安之迄漢順中遺北鄉侯是北鄉襁褓中十字當為季延增補矣今查史載北鄉侯是時年十歲在位七月病薨不在襁褓中也即此一事下筆便誤甚矣史學之難不用修之才為不可及也

### 漢順帝十九侯迎來即位

北鄉侯薨閭顯白太后秘不發喪而更徵諸王子于宮門屯兵自守中黃門孫程等十九人共斬江京等迎濟陰王保即位年十一是為順帝收顯誅之遷太后於離宮封孫程王康王國黃龍彭愷孟叔李建王成張賢史梁馬固王道李元楊柁陳子趙封李剛魏猛苞光十九人皆為列侯是為十九侯諡法慈和徧服曰順

### 抑忠良尊后黨地坼山崩

帝立貴人梁氏為皇后寵尊后黨以后父商為大將軍商卒以商子梁冀為大將軍弟不疑為河南尹詩

京師地震洛陽宣德亭地坼長八十五丈李固對策云乳母宋娥封山陽君裂土開國寔乖舊典梁氏子弟宜令權去外戚改歸國家帝以固為議郎阿母宜者皆疾之諍為飛章陷其罪出為洛令大尉龐參最為忠息數為左右所毀以災異免皇甫規對策曰災異不息殆以姦臣權重所致大將軍董弟兄操檄者董如其急弛將謙節夫君者舟也將軍弟兄操檄者董如其急弛將淪波濤冀念之免歸凡忠良之士有恨於冀者皆中傷之是時年地地震金城隴西山崩涼州地自九月至十一月地百八十震山谷拆裂壞敗城寺民壓死甚眾

### 枉却了能直言埋輪風節

帝遣杜喬張綱等八使分行州郡表賢良顯忠勤其貪污有罪者刺史二千石驛馬上之墨綬以下便輒收舉喬等受命之部綱獨埋其車輪於雒陽都亭曰豺狼當道安問狐狸遂劾奏冀不疑以外戚蒙恩專肆貪饕仇害忠良書奏帝師震竦帝雖知綱言直不能用張綱字文紀

### 聽中官養子襲爵賞何輕

帝德中官立已之功聽中官得以養子襲爵御史張綱上書曰文明二帝中官常侍賞賜裁滿數金頃者無功小人皆有官爵非所以愛民重器也書奏不省尹氏曰開府階諫宜蔭子調者監何由有兒此唐李中敏書判語也而不知其源已始於漢夫天刑之人非有嗣續可傳而順帝乃聽以養子襲爵愛厚宦官欲其流澤蕃衍其如漢祚浸微浸滅何

### 中一載質半年皇親跋扈

冲帝名炳順帝太子在位一年崩冲帝無嗣梁太后立渤海孝王之子贊是為質帝帝少聰慧嘗朝會日梁冀曰此跋扈將軍也冀深惡之使左右置毒於肴餅以進帝苦煩甚召宰輔李固曰朕食肴餅腹悶得水尚可活冀曰恐吐不可飲水語未絕而崩在位半年渤海今滄州屬河間府謚法幼小在位曰冲忠正無邪曰質

### 主威移君壽促敗在桓靈

時梁氏七侯三后六貴人三大將軍尚公主者三卿相尹校五十七人冀專擅威柄幾二十年以

殺人甚多天子拱手劉陶有威柄下移之疏值冲質  
二帝連喪李固欲立清河王蒜冀以蒜嚴重乃迎立  
龔吾侯志是為桓帝帝先為梁冀所制後與中常侍  
單超等定計冀即封超五人為列侯世謂之五侯  
兄弟蠡威宰州臨縣虐徇天下與盜無異桓帝崩無  
譽為宦官所嫉激成黨禍之禍流成更烈且帝崩等  
子立清河王曾孫宏是為靈帝聽宦官曹節王甫等  
殺大將軍竇武太傅陳蕃復治鉤黨錮及五屬一人  
逃死禍及萬家自言張常侍讓是我父趙常侍忠是  
我母以致黃巾作叛漢祚敗亡恒善曰靈帝信宦豎  
殺忠賢不知社稷之將覆新衰齊衰大功靈靈又甚  
於桓也五屬屬族也謂斬衰齊衰大功小功總麻  
梁妯桓帝后商女名梁女瑩鄧猛梁冀以為已女亦  
立為后是為三后

### 處士議秀才風攢成禍黨

自章帝以來有道之士多隱居不仕朝廷以處士徵  
聘多不就士論高尚其風桓帝初受學於甘陵周福  
及即位福為尚書同郡河南尹房植有名當朝鄉人  
語曰天下規矩房伯武因師獲印周仲進二家賓客

彈詞註卷三下

互相譏揣遂各樹朋徒漸成尤隙由是甘陵有南北  
部黨人之議自此始矣汝南太守宗資以范滂為功  
曹南陽太守成瑨以岑晷為功曹二郡語曰汝南太  
守范孟博南陽宗資主畫諾南陽太守岑公孝宏農  
成瑨但坐嘯太學諸生三萬餘人郭泰賈彪為其冠  
與李膺陳蕃王暢更相褒重學中語曰天下模楷李  
承風競以臧否相尚自公卿以下莫不畏其貶議時  
李膺為司隸校尉有張成善風角推占當赦教子殺  
人膺案殺之成素以方技交通宦官宦官教成弟子  
牢修上書告膺等養太震怒逮捕黨入下膺等於黃  
門北寺獄辭連杜密陳翔陳寔范滂之徒二百餘人  
時黨誅所染皆天下名賢陳蕃極諫帝以蕃辟召非  
人策免之賈彪入洛陽說寶武霍諸使訟之帝意少  
解使中常侍王甫就獄訊之傍曰滂欲善善同其清  
惡惡同其污謂王政之所願聞不悟更以為黨甫改  
赦黨人歸田里書名三府禁錮終身伯武房植字  
仲舉周福字孟博范滂字公孝岑晷字元禮李膺字  
南今河南汝寧府郭泰字林宗賈彪字偉節為新

息長實武字游平茂陵人

### 八顧廚八俊及復有三君

初膺等雖廢銅天下皆高尚其道更相標榜為之稱號以郭秦范滂尹勳已肅宗慈夏馥蔡衍羊陟為八顧顧者言能以德行引人也度尚張邈王孝救儒母班秦周蕃向王章為八厨厨者言能以財救人也李膺荀昱杜密王暢劉祐魏朗趙典朱寓為八俊俊者言人之英也張儉翟超岑暉范康劉表陳翔孔昱檀敷為八及及者言其能導人追宗也實武陳蕃劉淑為三君君者言一世所宗也 張儉字元節濟寧人

### 誰得似申屠蟠超然評論

初范滂等非許朝政自公卿以下皆折節下之太學生爭慕其風以為文學將興處士復用申屠蟠獨駮曰昔戰國之世處士橫議列國之主至為擁篲先驅卒有坑儒焚書之禍今之謂矣乃絕跡於梁碭間因樹為屋自同傭人後滂等果罹黨禍惟蟠超然免於評論 梁碭今徐州碭山縣 蟠字子龍陳留人

彈詞卷三下

### 生殺權憑宦寺鬪起黃巾

桓帝崩陳蕃實武用事復舉用李膺等及陳實被殺宦官疾惡膺等每下詔書輒申黨人之禁侯覽怨張儉尤甚覽鄉人朱竝承覽意旨上書告儉與同鄉二儉四人共為部黨圖危社稷詔捕儉等儉與同鄉司奏諸黨者李膺等請下州郡考治時帝年十四問節等曰黨人何用為惡而欲誅之對曰欲為不軌帝曰不軌欲何如曰欲圖社稷帝乃可其奏凡黨人死者百餘人妻子皆徙邊天下豪傑及儒學有行義者宦官一切指為黨人睚眦之忿濫入黨中死徒衛尉楊球惡節等放縱節誣以交通書疏謀議不軌皆禁者又六七百人劉陶前司徒陳耽皆誣陷死下獄死又怨諫議大夫張鈞上書曰張角所以作亂民所以附者皆由十常侍宗親曲據州郡侵掠百姓故聚為盜賊宜斬十常侍以謝百姓大寇自消帝以章示十常侍皆免冠徒跣頓首詔皆冠履視事如故帝怒鈞曰此真狂子也因誣奏鈞學黃巾道收掠死獄中時宦者封諂徐泰等密與賊角為內應約以三月五日內外俱起角弟子唐周告之詔下冀州逐捕角初以妖術教授弟子轉相誑誘徒眾數十萬角

置三十六方大萬餘人小方六七千人各立渠帥  
詛言歲在甲子天下大吉角知事靈教諸方俱起皆  
著黃巾為識角自稱天公將軍弟寶稱地公將軍梁  
稱人公將軍所在燭劫天下響應後中郎將盧植討  
破張角角死豫州刺史王允破黃巾得張讓賓客與  
黃巾交通書上之帝怒責讓而不能罪北地太守皇  
甫嵩討角與角弟梁寶戰皆破斬之帝以檻車詔植  
還徵王允下獄滅死論罷嵩收還印綬以討張角功  
封張讓等十三人為列侯  
皇甫嵩字義真安定人

### 何國舅召外兵草來千里

靈帝崩皇子辨即位尊何后為皇太后以后兄進為  
大將軍中常侍蹇碩與趙忠等謀誅進中常侍郭勝  
進同郡人以告進進收碩誅之校尉袁紹因說進悉  
誅宦官進白太后不許紹又為畫策召四方猛將使  
並引兵向京城以脅太后進然之召董卓卓時討羌  
賊即時就道上書請收張讓等讓知進召外兵圖已  
與段珪等率其黨數十人詐以太后詔誘進入嘉德  
殿伏兵斬進紹聞進被害引兵屯闕下閉北宮門捕  
諸宦者無少長皆殺之讓等遂將帝與陳留王協出  
穀門公卿無從者惟尚書盧植及中部掾閔貢夜至

彈詞註卷三下

### 廢宏農扶獻帝逼劫咸秦

卓迎帝與帝語語不可了更與陳留王協語無所遺  
失卓以協雖王美人所生為董太后所養自以與太  
后同族遂有廢立之意及帝還宮以卓為司空卓大  
會百僚曰皇帝闇弱不可奉宗廟遂廢帝為宏農王  
立陳留王協為帝是為獻帝卓自領前將軍欲節鉞  
更封卻侯旋自為相國東山卓前將軍卓放使鉞  
關中以避之時洛中貴戚室第相望卓放兵剽擄更  
收諸富室誅之沒入其財物驅徙餘民數百萬口於  
長安步騎驅蹙感積屍盈路悉燒洛陽官廟官府居家  
二百里內無復雜犬又使呂布發諸帝陵及公卿塚  
墓收其珍寶逼劫車駕西還  
長安謚法聰明睿智曰獻

### 袁本初抗虎威關東亡命

初董卓謀廢立謂袁紹曰天下之主宜得賢明董侯  
似可今欲立之紹曰今上富於春秋末有不善宜於

天下今欲廢嫡立庶恐衆不從卓拔劍叱紹曰豎子敢然爾謂我刀不利乎紹勃然曰天下健者豈惟重公引佩刀橫揖徑出逃奔冀州卓購求紹急周諮曰恐懼出奔今急購之勢必爲變袁氏門生故吏徧天下若收聚徒衆山東非公有也卓即拜紹渤海太守紹在渤海是時豪傑欲起兵討卓者多歸心於紹焉素紹

### 曹孟德散家財起義連盟

卓以曹操爲驍騎校尉操謀誅卓被覺操變易姓名間行東歸至陳留散家財合兵得五千人與關東州郡之義討卓推表紹爲盟主曹操字孟德本姓夏侯父嵩爲中常侍曹騰養子其不復姓者因當時有以讖道者云古官職不言曹自漢名官盡爲曹至吏亦言屬曹卒亦言侍曹非天意乎遂不復姓

### 十八路衆諸侯無能討賊

曹操素術孔紳韓馥劉岱王匡張逸喬瑁袁遺鮑信孔融張超陶謙馬騰公孫瓚張揚孫堅袁紹是爲十八路諸侯共起兵討賊卓遜駕長安諸侯忌嫉離心俱各解散惟曹操追卓於滎陽敗還孫堅擊卓卓走

彈詞註卷三下

聖至洛陽修塞諸陵引還魯陽

### 王司徒連環計膏火臍燈

卓以王允爲司徒允外相彌縫內謀王室屈意承卓中郎將呂布奮力過人卓愛之誓爲父子然卓性剛褊嘗小失卓意拔手戟擲布布拳捷避免允素善待布布見允言狀允因以誅卓之謀告之布曰如父子何允曰君自姓呂本非骨肉擲戟之時豈有父子情耶布遂許之允使僕射士孫瑞書詔授布及卓入朝卓傷臂墜車大呼呂布何在布曰有詔討賊臣應聲持矛刺卓起兵斬之即出懷中詔以令吏士曰詔討卓耳餘皆不問置卓屍通衢卓體肥軍士以柱置卓臍中爲燈光明照達宵流滿地百姓歌舞於道傳奇有玉連環記王允有義女貂蟬也環舞於道陽許呂布暗獻董卓布不平乘間入鳳儀亭與蟬語卓見之奪戟擲布史所不載

### 董卓死氾傪來長安再亂

董卓既誅卓部將李傪郭汜還至陝遣使求救之得乃相與結盟率軍西行與卓故部曲樊稠等舉兵入

長安呂布軍內反引催衆入城呂布戰不勝招王允  
同去允曰蒙社稷之靈上安國家允之願也如不獲  
則奉身以死誓力謝開東諸公勤以國家爲念催等  
也南宮掖門王允扶帝上宣平門催於城門下伏地  
曰董卓無故爲呂布所殺臣等爲卓報讐非敢爲逆  
也表請王允出問太師何罪允下見之催等收允殺  
之催汜稠及張濟自爲將軍

### 兩猜疑私戰鬪劫質公卿

催與汜稠矜功爭權催以稠勇而得衆忌之請稠會  
議於坐殺之由是諸將轉相疑貳催各治兵掠攻  
人御物放火燒宮殿官府居民悉盡帝使公卿和催  
汜汜留太尉楊彪等十人爲質彪曰羣臣共鬪一人  
劫天子一人質公卿可乎汜將兵夜攻催門矢及帝  
惟催復移乘輿幸北塢催汜相攻連月張濟自陝西  
至豐汜黨謀脅帝西行楊彪董承將京東濟東出西  
營至華陰濟與承奉不相平復與催汜合帝幸宏農  
催等共追帝大戰於東澗承奉軍敗百官士卒死者  
無算承奉詭與催連和而密遣使招故白波帥李樂  
韓暹率衆來共擊催奉等復大敗乃奉渡河幸李  
樂營御牛車至安邑乘輿在棘籬中門戶無關閉帝  
又遣太僕韓融與催汜連和催乃放百官歸宮人奉  
還奉帝東還雒陽時宮室燒盡百官披荆棘依牆壁  
門

彈高註卷三下

### 操救駕效桓文移都入許

曹操在許謀迎天子衆以爲山東未定韓暹等負功  
恣睢未可卒制苟或曰昔晉文公納周襄王而諸侯  
景從今驚輿旋軫東兵掠洛陽既至此時議郎董昭問  
計昭曰此中諸將人殊意見惟有移車駕幸許耳操  
曰此孤本志也乃奉車駕東遷始立宗廟社稷於許  
自是政歸曹氏天子守位而已許今開封府許州

### 自加官自進爵亂世奸雄

帝遷許昌操自爲大將軍封武平侯尋自爲丞相未  
幾復自立爲魏公加九錫進位諸侯王上後自爵爲  
王用天子車服出入警蹕初曹問汝南許劭曰我何  
如劭曰子治世之能臣亂世之奸雄操喜而去



武平故城在開封府鹿邑縣東北九錫一輿馬二衣服三樂則四朱戶五納陸六虎賁七弓矢八鈇鉞九

### 挾天子令諸侯垂涎漢鼎

初曹辟毛玠為治中從軍玠曰夫兵義者勝宜奉天子以令不臣則霸王之業可成苟或亦謂操因此時秦天子以從人望操從其策諸葛亮謂先主曰曹操接百萬之眾挾天子以令諸侯誠不可與爭鋒捷錄曰曹操晚年用天子車服儼然與至尊無二乃至終身彘顧羊鼎曾不得染指焉豈其畏名義而不欲速哉

### 弒中宮殺皇子側目無君

董承女為貴人操誅承求貴人殺之帝以有姪請不得皇后伏氏懼與父完書令密圖操事泄操令郗慮持節策收皇后璽綬使尚書令華歆勒兵入宮收后后閉戶藏壁中歆壞戶廢壁就牽后出時帝在外殿后披髮徒跣行泣過詎帝顧謂慮曰天下寧有是耶遂將后下暴室以幽死所生二皇子皆酈殺之司馬

彈詞註卷三下

舌

公曰以魏武之暴戾強仇其蓄無君之心久矣尹氏曰操殘忍桀逆遂至弒天下之母而不顧其兇威虐欲不在莽卓下伏后名壽后弒立操女節為后

### 擒呂布破張超橫行四海

初氾偁之亂呂布自武關奔南陽依秦術又去術而從張揚於河內陳宮說陳留太守張邈與弟廣陵太守超共迎布為兗州牧以拒操時兗州郡縣皆應布布遂據濮陽操還攻之敗布於定陶斬布將薛蘭遂拔定陶布走投劉備於徐州張邈從之留弟超守雍邱操圍之邈為其所殺邈自殺後超守術攻備以爭徐州布襲備下邳取之備困降布布使備屯小沛布旋又攻備備走歸操操益其兵使東至沛收散兵以圖布布復遣高順等攻破沛城備單騎走荀攸勸操自擊布布進至下邳布屢戰皆敗還保城操登白門樓圍急乃下降布見操曰布將騎明公將步天下不足定也操命緩布縛備曰明公不見呂布事丁建陽董卓乎操遂縊殺之史稱其橫行中原芟刈羣雄幾平海內下邳今淮安府邳州雍邱今杞縣屬開封府

走表術定劉表叱咤風雲

表術以揚州牧督帝號於壽春後資實空虛乃歸帝號於兄紹操遣劉備邀擊之術還走壽春歎曰表術乃至是乎憤慨嘔血舉劉降顏氏曰本初覆亡之路野死劉琮獻地張超身亡叱咤風生指顧電掃用軍行師變化若神 壽春今壽州屬鳳陽府新野縣名屬南陽府

戰河北斬尚譚旋臯蹋頓

袁紹為大將軍督河北冀青幽并四州紹三子譚熙尚紹卒眾以譚長欲立之審配矯遺命立尚曹操攻黎陽尚譚敗走保鄴操將欲追之郭嘉曰緩之則相二子莫適立也今權力相侔急之還相保緩之則尚爭變成而后擊之可一舉定也引譚果引兵攻尚尚敗之譚奔平原尚圍之急譚請救於操操遂攻鄴尚還戰敗走幽州操走入鄴譚復背操操進攻平原拔之譚走南皮操復攻克之斬譚熙將焦觸等逐熙以幽州降操熙與尚俱奔遼西烏桓時烏桓畧有漢民十餘萬戶蹋頓尤強為紹所厚欲助尚取故地操

彈詞註卷三下

五

進擊之令田疇為嚮道上徐無山塹山堙谷五百餘里經白檀平岡涉鮮卑庭東指柳城未至一百里虜乃知之尚熙與蹋頓等逆戰操登白狼山縱兵擊敗之斬蹋頓尚熙奔遼東公孫康斬之送首於操冀州屬真定府青州屬今彰德府臨漳縣南皮縣今河間府縣屬今永平府烏桓東胡國名蹋頓遼西烏桓別種遼西今永平府烏桓東胡國名蹋頓遼西烏桓別種名徐無山在順天府玉田縣東北白檀山名在順天府密雲縣南柳城漢縣名故城在永平府城西白狼山在幽州東北烏桓地中遼東今奉天府

爭漢中降張魯兵不留行

益州司馬張魯以劉璋闇弱遂據漢中操擊之至陽平魯弟衛卒眾拒關堅守操攻陽平諸屯山峻難登欲還會前軍夜迷誤入衛別營營中大驚遂退散操進兵攻之衛等夜遁魯奔南山今成中都與雲南皆是魯尋降以為鎮南將軍 益州今成都與雲南皆是漢中府屬陝西陽平關名在漢中府褒城縣西南山在保寧府城南一名跨麓山巴今保寧府

任武勇有能人夏侯張許

操將軍夏侯惇與族弟淵勇銳三軍戰輒屢勝所在  
攻守操悉倚任而淵為尤勇操嘗戒之曰為將當從  
怯弱時不可但恃勇也呂布將張遼布死歸曹從征  
素譚譚破別將破遼東賊還操自出迎引共載封盪  
寇將軍使鎮合肥以八百人先登陷陣斬孫權二將  
幾獲權牛尾軍中以其如虎而癡號曰虎癡曹操曰  
此吾樊噲也從征索紹拜振威將軍嘗與馬超大戰  
諡壯侯

### 用文才多智士賈董荀程

武威人賈詡少時聞忠異之謂有良平之奇先從張  
繡勸繡降曹表為執金吾操領冀州牧以為大中大  
夫軍國大事悉以諮之臨淄侯植有奪適之議操問  
於詡詡不對曰屬有所思問何思答曰思袁本初劉  
景升父子也太子遂定西至長安定陶人董紹說揚  
請河內太守張揚假塗西至長安定陶人董紹說揚  
曰曹今雖弱實天下英雄也宜通其事並表薦之  
詡更為操作書與李傕等致殷勤後操從荀或策西  
迎天子董承拒之詔以楊奉兵強而少援作操書與  
奉奉喜表操為鎮東將軍潛召操操乃將兵詣洛陽

彈詞註卷三

三

引昭問計昭進以都許之策且曰行非常之事乃有  
非常之功操從之自是得肆行無忌操曰公仕才辦  
策畧真世之奇士也拜司徒潁川荀淑孫或舉孝廉  
何顯奇之曰王佐才也聞操有雄畧與從子攸歸之  
操與語大悅曰吾子房也以爲奮武司馬首進奉天  
子之策凡滅袁紹擒呂布定關中下荊州皆其設奇  
制勝算無遺策位侍中光祿大夫叅軍事攸深密有  
智防操與語曰公達非常人也吾得與計事天下尚  
何憂哉以為軍師謀惟懼人莫知其言東阿人程  
昱先依兗州刺史劉岱岱為黃巾所殺昱歸操操令  
守鄆城昱曰鄆城能戰之士不下萬人以將軍神武  
與文若昱等收而用之霸王之業可成也操從其言  
謀無不合初操與紹共起兵紹曰吾西據河北阻燕  
代南向以爭天下庶可濟乎操曰吾任天下之智力  
以善御之無所不可史稱操識拔奇才不拘微賤隨  
達荀攸字景升劉表字文若  
荀或字荀淑字季和許州人

### 好發塚巧立名摸金郎將

操特置發塚中郎將摸金校尉數十員天下塚墓  
無間新舊發掘骸骨暴露草野宛酷殘忍如此

偽爭劉教後代篡竊留心

孫權稱臣於曹陳說天命操以示外侍中陳羣等勸  
操正大位操曰若天命歸吾吾為周文王矣陳明卿  
曰自此文王明使其子篡  
位也又註見彥兒孫句下

西邊有漢中王擁兵蜀郡

劉備據有西蜀擊操助之  
遂取漢中後立為漢中王

東敗與孫討虜赤壁鏖兵

孫權據江東為討虜將軍赤  
壁鏖兵註見四卷赤壁句下

想兼併力難加徘徊顧望

曹操素懷兼併之志軍四十萬攻吳相守月餘操見  
其舟船器械軍伍整肅歎曰生子當如孫仲謀如劉  
景升兒子豚犬耳撤軍還後操取漢中張魯降主簿  
司馬懿曰劉備虜璋蜀人未附今克漢中益州震動  
進兵臨之勢必瓦解操曰人苦無足既得隴復望蜀  
耶引還法正說備曰操不因此時以圖巴蜀而留夏

彈詞評卷三

下

毛

侯淵屯守身遠北還此非其智不逮而力不  
足也舉眾往討必克漢中矣 仲謀孫權字

觀山河不得已鼎足三分

初諸葛亮謂孫權曰將軍與劉豫州破曹則吳之勢  
強鼎足之形成矣顧氏曰元德仗鉞西南與北之魏  
東之吳宰割山  
河三分鼎峙

臨死向銅雀臺分香賣履

操作銅雀臺於鄴令寵妾居及病篤曰吾嬖好妓人  
時時登銅雀臺望吾西陵墓田餘香分與諸夫人諸  
舍中無所為學作履細賣可也操死為疑塚凡七十  
二處 銅雀臺在彰德府臨漳縣治南上鑄大銅雀  
高一丈五天  
置之樓頂

假慈悲將惡擔推與兒孫

司馬公曰操身後事孰大於禪代今操遺令家人婢  
妾無不處置而無一語及禪代事其意若曰禪代自  
是兒孫所為吾未嘗教為之是寔以天下遺子孫而  
身享漢臣之名也捷錄曰操遺令數百語不及禪代

意欲身受漢臣之榮而嫁篡逆之惡於子孫

漢獻帝可憐生一絲殘喘

沒巴鼻無倚靠寄命他人

帝自遷許以求守位而已左右侍御莫非曹氏之人操每以事入見殿中帝不任其懼因曰君若能相輔則厚不爾幸垂恩相捨後操使華歆牽伏后出后徒跣行泣而過執帝手曰不能復相活耶帝曰我亦不知命在何時

恰回首魏曹丕稱王劫禪

操卒子魏王丕立自為丞相冀州牧中郎將李伏太史丞許芝言魏當代漢見於圖緯魏羣臣因表勸丕篡位獻帝乃使御史大夫張音持節奉璽綬詔策禪位於丕

貶山陽流落做小可藩臣

丕廢獻帝為山陽公邑一萬戶自廢至薨又十四年太子早卒孫康立傳三世又七十五年送晉永嘉末

始歿於羌氏國除山陽縣故城在河南懷慶府修武縣西北三十里一名濁鹿城

四百年漢家邦龍樓鳳閣

西漢二百一十年東漢一百九十五年

一場空單剩下兔跡狐塵

漢高祖怎生般五年滅楚

高祖年三十八起兵四十一破秦為王又五年四十六滅楚為帝

楚重瞳齊出力三載亡秦

楚漢共起兵凡三年成秦

秦楚滅漢龍興二十四帝

前漢自高祖至孺子嬰凡十三帝後漢自光武至獻帝凡十二帝

轉回頭翻覆手做了三分

獻帝禪位昭烈即位  
與吳魏三分天下

前人創業非容易

後代無賢總是空

回首漢陵和楚廟

一般瀟灑月明中

落日西飛滾滾大江東去滔滔夜來今日又明朝  
騫地青春過了千古風流人物一時多少英豪  
龍爭虎鬪漫劬勞落得一場談笑西江月

明朝整頓調絃手

再有新文接舊文

廿一史彈詞註卷之三下

彈詞註卷三下

完

廿一史彈詞註卷之四

成都楊 慎用修編著  
漢陽張三異禹木增定

男仲璜別麓註 曾孫任佐較刊

第四段 說三分兩晉 西江月

道德三皇五帝功名夏后商周英雄五伯鬧春秋秦漢  
興亡過手 青史幾行名姓北邙無數荒坵前人田地  
後人收說甚龍爭虎鬪 詩曰

虎鬪龍爭勢若何百年豪傑苦無多將軍老在秋江  
上手撚銀髭作浩歌

一自沙場戰罷歸劔芒生澀馬空肥風穿伏虎蓮花

彈詞註卷四

帳塵鎖蟠龍帥字旗戰策兵書慵再展龍韜虎略有  
誰知昨宵夢到相持處血迸金鎗污鐵衣

詩出大才閒遣興話談今古要分明夜來說到遊春  
處今日還尋載酒人載酒尋花饒意興談今論古費  
評論書中有女顏如玉傅粉塗朱未算真朱粉回頭  
如一夢好書一字價千金千金難買閒風月百歲空  
爭虛利名誰會誰能誰不濟幾行青史見原因功名  
總是虛脾漢成敗誰非錯用心若箇長沙悲賈傅幾  
人楚澤弔靈均勸君莫爲閒愁老漫把新詞聽一巡

早來說秦漢兩朝故事秦始皇併吞六國以來止有二  
十五年至于嬰亡國漢高祖亡秦滅楚至東漢獻帝之

未享國四百十一年天下三分曹丕篡漢稱魏劉備併  
取劉璋孫權自稱吳王各有長短

蜀漢者劉備即位於西蜀自稱漢帝章武 在位三年後謚為  
昭烈皇帝傳其子後主劉禪建興 在位四年通共

四十三年降於魏而漢亡

魏者曹操初封魏王子丕篡漢是為魏世祖文帝黃初 在位七年

傳其子

明帝太和 在位十三年齊王芳正始 嘉平 在位十四年

高貴鄉公髦正元 甘露 在位六年陳留王璜景元 咸熙 在位六年

凡五主共五十六年禪於晉而魏亡

吳者孫權據江東為吳大帝黃武 嘉禾 赤烏 大元 稱帝二十三年

彈詞註卷四

傳其子

會稽王亮建興 五鳳 太 在位六年

景帝休永安 在位六年

烏程侯皓元興 甘露 寶鼎 建衡 鳳皇 天冊 天璽 天紀 在位十七年

凡四主共五十九年降於晉而吳亡蜀魏吳謂之三國

曹魏先滅了蜀漢又五年晉王司馬昭專權其子司馬

炎方篡了曹家又過十六年滅了東吳天下一統俱歸

於晉晉又分東西兩代

西晉者司馬炎有天下是為晉武帝泰始 咸寧 泰 康 在位二十五年

傳之

惠帝永熙 元康 永興 永寧 太 安 光熙 永興 在位十七年



懷帝 永嘉六年 在

愍帝 建興四年 在

凡四主共五十三年懷愍先後蒙塵為劉聰所滅

東晉者瑯琊王司馬睿相傳小吏牛金通其母夏侯妃

所生冒司馬氏之姓渡江南來是為晉元帝 建武永昌 大

在位六年傳之

明帝 大寧三年 在

成帝 咸和咸康 在位十七年

康帝 建元二年 在

穆帝 永和升平 在位十七年

哀帝 隆和興寧 在位四年

廢帝 太和 在位六年

簡文帝 咸安 在位二年

孝武帝 寧康 太元 在位二十四年

安帝 隆安元興義熙 在位二十年

恭帝 元熙 在位二年

凡十一主通共一百零四年宋劉裕篡奪而亡

彈詞註卷四

三

今將三國并西東二晉一百九十九年君臣事要略且

品題少資清聽

三國分事頭多不相統制

賭神通憑手段各用人

覷國勢據中原曹丕篡漢

曹丕篡漢據有中原陳壽三國志以天下之制與魏以列國待漢通鑑因之以魏紀年司馬公曰漢傳於魏而晉受之不得不取其年號以紀其國之事昭烈雖遺中山靖王後然不能紀其世次不敢以紹漢氏之遺統也

論君臣依正理漢主為尊

尹氏曰曹丕篡位漢祚無主昭烈帝室之胄正位於蜀紹漢承統名正言順朱子作綱目以昭烈承獻帝後蓋取春秋之義言天下萬世之正論也

劉先主擅梟雄拊髀人物

按名號例曰凡正統之君秦漢以下曰帝無統之君漢以後稱帝者曰某主陳壽志三國以正統子魏志昭烈稱劉先主綱目草其號曰劉備擅梟雄初烈志諄孫權求都督荆州周瑜說曰劉備擅梟雄之資而有開張熊虎之將恐蛟龍得雲雨終非池中物也備嘗流涕對劉表曰吾嘗身不離鞍髀肉皆消今復不騎髀裏肉生日月如流老將至矣而功業不建是以悲耳梟勇往也仲馬曰謂善鬪也史昭曰猶如陸博得梟者勝雄武備也曰烈

百遭輸志不折新野屯兵

備初依公孫瓚得為平原相陶謙表為豫州刺史謙卒命迎備遂兼領徐州表術爭徐州呂布襲之備諱於布布又攻備敗走歸操以為豫州牧後與操擊殺於汝南奔劉表表令屯新野操下荆州備走夏口蘇子由曰方其奔走於二袁之間困於呂布狼狽於荆州百敗而其志不折

仲大義訪賢才草廬三顧

彈詞註卷四

四

瑯琊諸葛亮寓居襄陽隆中自比管仲樂毅備訪賢士於司馬徽徽告以諸葛孔明龐士元備欲召之徐庶曰此人不可屈致義在駕顧之三往亮始見曹操庶室傾穎孤欲信大義於天下計將出亮曰曹操不可與爭鋒孫權可與為援而不可圖也荆州用武之地而其主不能守益州劉璋闇弱智能之主思得明君將軍信義著於四海若跨有荆益西和諸戎外結孫權天下有變命一上將將荆州之軍以向宛洛將軍率益州之衆出秦川則霸業可成漢室可興性後亮上後主出師表曰臣本布衣躬耕南陽苟全性命於亂世不求聞達於諸侯先帝猥自枉屈三顧臣於草廬之中由是感激遂許先帝以驅馳瑯琊在青州府諸城縣襄陽府名屬湖廣陸中在襄陽府城西北二十五里下有隆中書院益州今四川成都府宛今南陽府洛陽秦川長安正南山名秦嶺水流出秦川又關中別號為秦川司馬徽字德操徐庶字元直諸葛亮字孔明龐統字士元

起臥龍偕雛鳳魚水同心

襄陽龐德公嘗謂孔明為臥龍士元為鳳雛至是司馬徽語備備得亮情好日密關張不悅備曰孤之有孔明猶魚之有水也龐士元初為未陽令魯肅致書云士元非百里才備與語大器之用為治中親待亞亮並為軍師中郎將尹氏曰當漢之末士之隨世就功名者多矣孰謂一世人龍如孔明者方且高卧就中抱膝長吟畧無意於當世使昭烈不垂三顧之勤則將槁死巖穴耳及其一起君臣既合魚水同懼其與聘莘野訪渭濱者如出一轍 未陽縣名屬衡州府

### 敗長坂走江陵人心愈固

初劉表二子琦琮表為琮娶其後妻蔡氏之姪遂愛琮而惡琦出琦為江夏太守表卒琮嗣未幾曹操軍至新野琮舉州降操遂進兵時備屯樊城琮降而不以告備久乃覺則操已在宛背信自濟死何以見劉荆州乎將其衆去荆州人多歸之或曰宜速行保江陵備曰濟大事必以人爲本今人歸吾吾何忍棄去操以江陵有軍實恐爲所據將精騎追及當陽之長坂備棄妻子與孔明等數十騎走張飛拒後隊水斷橋操不敢近趙雲抱備子禪與關羽船會得濟河遇

彈詞註卷四

五

### 結孫權鑿赤壁倮雲蒸

初孫權聞劉表卒遣魯肅說備撫衆同心敵操此肅至南郡而琮已降肅迎備於長坂宣權意且曰孫討虜兵精糧多今爲君計莫若遣心腹自結於東以共濟遂同進住樊口操順江東下權遣諸葛亮瑜見權說之肅請召周瑜計瑜遇於赤壁操引次江北瑜部將黃蓋曰曹軍方連船艦可燒而走也乃取蒙衝闕艦載燥荻枯柴灌油其中裹以帷幕上建旌旗預備走舸繫於幕尾先書遺操詎云欲降時東南風急蓋以十艦著前餘船次進北及岸營內馬燒燭殆烈風猛船往如箭燒盡北船延及岸營內馬燒燭殆盡瑜等率輕銳斷其後雷鼓大進操引軍走備瑜陸並進追至南郡操軍死者大半備遂奔荆州江南諸郡皆降初備訪士於司馬徽徽曰儒生俗士豈識時務識時務者在乎俊傑備自新野南奔荆楚羣士從之如雲 赤壁山名在武昌府東南九十里一說

在蒲圻縣西北二十里北岸烏林與赤壁相對南郡即荊州府樊口在武昌縣西

### 併劉璋馘夏侯跨連荆益

時劉璋為益州牧益州司馬張魯以璋闇懦遂據漢中校尉法正與別駕張松知璋不足有為勸璋迎備討魯璋造正至荊州迎之正與龐統陰說備遠取益州既至璋迎於涪增兵使擊魯備到葭萌厚樹恩德以收衆心適操攻權權呼救備索兵糧於璋璋半給之備怒遂進兵據涪城璋遣吳懿等拒之敗降流克雜城進圍成都璋出降璋還以將軍夏侯淵守之法正說操取漢中備遂進兵操遣曹洪同淵拒之備營於定軍山淵引兵爭之法正曰可擊矣備使黃忠乘高鼓謀攻之遂擊斬淵操聞之自臨漢中備遣趙雲擊敗之操引還遂取廬三顧句下已併有荆益之地跨連荆益又註見草廬三顧句下涪漢縣名今成都府綿州葭萌今保寧府廣元縣雒城今漢州屬成都府公安縣名屬荊州府定軍山在漢中府沔縣東北山有諸葛巖在焉

### 任關張黃趙馬五虎馳名

彈詞註卷四

河東人關羽與備誓同生死曹操擊備敗走操困羽使張遼說之羽降封為漢壽亭侯素紿攻操羽於萬軍中斬其大將顏良立效報操盡封其賜拜書告辭而奔備於袁軍後備取益州使羽鎮荊州羽攻曹仁於樊城擒操將于禁殺龐德威震華夏拜前將軍世號虎臣涿郡張飛少與羽俱事備結義桃園操德備及於長坂飛據水斷橋瞋目橫矛曰身是張翼德可來共決死敵無敢近故得免備入蜀使飛攻巴郡義釋太守嚴顏諸城望風降附封右將軍後進車騎將軍魏謀臣程昱等咸稱飛為萬人敵南陽人黃忠初備南定諸郡忠以長夏侯從入蜀每先登陷陣勇貫三軍擊斬操將夏侯淵以功賜爵關內侯常山人趙雲先誥公孫瓚備見而奇之深加結納雲隨備至平原為備主騎兵後備為操所迫棄妻子走雲抱備子禪保護濟沔及與操爭漢中雲將數十騎前突其陣且鬪且却入營躍門偃旗息鼓操兵引去雲以勁弩尾射魏兵自相蹂踐死者甚多備曰子龍一身都是膽也累遷翊軍將軍封永昌亭侯茂陵人馬超初與關中諸將反據潼關為操所敗奔漢中歸張魯起知魯不足計事亦來請降以功封定西將軍遷左將軍至楚備即漢中王位並以爲五虎將軍關羽東今山西蒲州涿郡今涿州常山公貞定府關羽

字雲長張飛字翼德黃忠字漢升趙雲字子龍馬超字文起

### 建安絕章武興漢中即位

建安獻帝年號建安二十五年冬十月曹丕廢帝篡位蜀中傳言獻帝遇害漢中王發喪制服次年夏四月羣臣勸稱尊號漢中王乃即皇帝位改元章武元年

### 把一隅承大統枝葉彰明

按陳壽志昭烈涿縣人中山靖王勝之後勝子正元狩六年封涿縣陸城亭侯坐酎金失侯因家焉祖雍父宏生昭烈其世次本末甚明建安既絕昭烈正位蜀漢親承大統夫復何疑凡帝王家子孫世謂金枝玉葉陳氏曰詳慎如温公而以昭烈為不能紀其世次寧以正統屬之箕箒之賦魏涑水之論亦偏矣

### 因愛將討孫權虎亭失利

帝令關羽取襄陽水滄曹軍自許以南往往遙應威震華夏操議徙許都以避其銳後用司馬懿之計遣使約孫權躡其後權以陸遜代呂蒙將其軍蒙陰以計入江陵羽還將吏無關心羽走兵散僅十餘騎權

彈詞注卷四

先使潘璋斷其徑路馬忠獲羽及子平俱被害帝聞羽沒自將計權張飛自關中率萬餘人會江州臨發為帳下張達范疆所殺以其首奔權帝進兵自江南緣山截嶺軍於虎亭為吳陸遜所敗 虎亭即今荆州府宜都縣也關中縣名今屬保寧 虎音效

### 一把火被折辱陸遜書生

孫權以陸遜為大都督拒帝諸將各矜恃不聽遜按劍曰彼曹操所憚今在境界乃強對也僕雖書生然國家屈諸君使相將者乃服帝自巫喚建平數營至彝陵界立數十屯與吳相拒數月遣吳班將數千人於平地立營遜度帝兵疲意沮乃進擊漢軍先攻一營不利遜曰吾已曉破之術較各持一把茅以火攻拔之遂率諸軍同時俱攻破四十餘營土崩瓦解舟械軍資略盡帝夜遁吳忠曰吾乃為陸遜所辱豈非天耶又象山集曰陸遜吳中年少書生耳巫峽在夔州府巫山縣東即巫山也與西陵歸峽並稱三峽連山七百里建平今歸州夔陵州名屬荆州府陸遜字伯言吳郡人

白帝城駐御營幽憂病篤

帝敗遁僅得入白帝城病篤白帝城在夔州府公孫述據蜀自稱白帝曰名

永安宮託孤詔地慘天昏

諸葛亮至永安帝病篤命亮輔太子謂亮曰君才十倍曹丕必能安國終定大事嗣子可輔輔之如不才君可自取亮泣曰臣敢不竭股肱之力效忠貞之節繼之以死帝又詔敕禪曰勿以惡小而為之勿以善小而不為惟賢惟德可以服人汝父德薄不足效也汝與丞相從事事之如父遂崩於永安宮亮奉喪還成都永安縣名公孫述更名白帝城有永安宮先主改永安縣

劉後主信阿衡通吳報使

昭烈崩太子禪即位考異曰帝禪綱目仍書後主與齊高緯陳叔寶同稱則為無統之主而非正統之帝也陳壽志昭烈稱先主綱目已改稱昭烈皇帝而後主未革其號蓋當時錄者因史舊文而朱子偶未及改也禪封諸葛亮為武鄉侯領益州牧遣尚書鄧芝使吳初吳為昭烈所攻權降魏魏封權為吳王至是

彈詞註卷四

鄧芝使吳權不見芝曰臣來亦為吳非但為蜀也權見之芝曰大王命世之英諸葛亮一時之傑蜀有重險吳有三江共為唇齒進可兼併退可鼎足若委質於魏魏必求太子入侍不從則奉辭伐叛蜀亦乘之不絕武鄉縣名 鄧芝字伯苗新野人

乘閒暇征瀘水孟獲南擒

初益州郡者帥雍閬等殺太守附吳又使郡人孟獲誘崩諸蠻將牴越舊皆叛亮以新遭大喪撫而不討務農殖穀閉門息民三年始率眾征之至南中所在戰捷由越嵩入斬閬等孟獲素為蠻漢所服收餘眾拒亮亮募生致之既得使觀營陣獲曰向不知虛實故敗今祇如此即易勝耳乃縱使更戰七縱七擒亮猶遣獲獲止不去曰公天威也南人不復反矣常熱其源可竭雖豚武侯渡此為文以祭陣亡者犍犒古西夸地越嵩漢郡名今俱屬四川南中西南夸之中也

前後次出師表木牛流馬

建興五年亮出屯漢中以圖中原臨發上疏曰先帝創業未半中道崩殂今益州疲敝此誠危急存亡之秋也然侍衛之臣不懈於內忠志之士志身於外者蓋追先帝之殊遇欲報之於陛下也宜開張聖聽以光先帝遺德恢宏志士之氣宮中府中俱為一體侍郎郭攸之費禕董允等志慮忠純宮中之事悉以咨之將軍向寵曠錫軍事營中之事悉以咨之臣本布衣先帝三顧草廬奉命於危難之間邇來二十有一年矣先帝知臣謹慎故臨崩寄臣以大事也夙夜憂懼恐托付不效以傷先帝之明故五月渡瀘深入不毛今南方已定當獎率三軍北定中原庶竭驂鉞攘除奸凶興復漢室此臣報先帝而忠於陛下之職分也陛下亦宜咨諏善道深追先帝遺詔今當遠臨表涕零遂率兵出祁山參軍馬謖與魏將張郃戰於街亭達亮節度敗績而還十二月亮復伐魏羣臣難之亮又表曰先帝才弱敵強不立王業不偏安故託臣以討賊固知臣才弱敵強不立王業不偏安故託臣而待亡孰與伐之是故託臣而弗疑也臣思惟北征宜先入南故渡瀘深入非不自惜也願王業不可偏安於蜀都故冒危難以奉先帝之遺意也今賊適疲計取勝坐定天下此臣未解也臣到漢中期年已喪

彈詞註卷四

突將武騎一千餘人皆數十年糾合四方之精銳非一州之所有若復數年則損三分之二當何以圖敵乎臣鞠躬盡力死而後已至於成敗利鈍非臣之明所能逆覩也引兵出散關圍陳倉糧盡引還魏將軍王雙追亮亮擊斬之亮勸農講武作木牛流馬運米集斜谷口治郿關息民休士三年而後約吳同舉伐魏出軍至祁山始以木牛運後出斜谷以流馬運牛御雙轅人行六尺牛行四步人不大勞牛不飲食流馬形制如象皆以機為行止進軍渭南屯五丈原魏司馬懿拒守不出亮為行田為久駐計祁山在鞏昌府西和縣北街亭在隴西縣散關在鳳翔府寶雞縣南大散嶺下有關通褒斜大路陳倉即寶雞縣斜谷在漢中府褒城縣北谷中路連南北故名渭水名在寶雞縣治南五丈原在鳳翔府郿縣西王圻曰木牛即今小車之有前轆者流馬即今獨推者是武侯造以運餉便於登陟民間謂之江州車子

狼狽甘中愴只不交兵

魏遣司馬懿禦亮亮數挑戰懿斂軍依險兵不得交亮乃遣以中愴婦人之服懿怒上表請戰亮曰彼本無戰情所以固請者故示武於眾耳將在軍君命有所不受豈千里而請戰哉中愴婦人喪冠也懿

字仲達

### 葫蘆谷用奇謀天燒不着

懿久不出亮使司馬懿延誘之引懿入葫蘆谷亮遣將馬岱壘斷谷口縱火燒之藥砲齊發懿及于師昭俱聚哭受死忽大雨如注火滅懿出走還保營亮歎曰謀事在人成事在天此出三國演義正史不載

### 五丈原長星落漢火消沉

亮屯五丈原病篤有大星赤而芒墜營中三投再還俄而亮卒王荆公武侯篇崎嶇巴漢間屢以弱擊強暉暉若長庚孤出照一方亮既卒長史楊儀整軍而出懿追之儀反旗鳴鼓若將向懿者懿不敢逼諸軍還成都諡亮曰忠武年五十四漢以火德王亮死則漢必亡矣

### 姜車騎繼祁山中原九伐

亮初出祁山天水參軍姜維諸亮降亮美其膽智使典軍事亮卒維以監軍拜車騎將軍旋為衛將軍與費禕并錄尚書事禕卒以維為大將軍初維負其才武每欲大舉禕常裁制不從曰丞相猶不能定中夏

彈詞註卷四

十

况吾等乎及禕死維得行其志先亮伐魏六出祁山至是維繼亮出師凡九伐中原每為魏安西將軍鄧艾所敗祁山在鞏昌府西和縣北七里山上有城姜維字伯約天水人

### 老譙周雙國論還欠公平

時維數出兵蜀人愁苦光祿大夫譙周作雙國論諷之畧曰既非秦末鼎沸之時實有六國並據之勢可為文王難為漢祖夫民之疲勞則騷擾之兆生上慢下暴則瓦解之形起時可而後動數合而後舉故湯武黷征不幸遇難雖有智者不能謀之矣尹氏曰姜維屢舉伐魏進寸退尺而用兵不已當時譙周輩皆為隱憂然用兵以討讐賊固非貪忿之舉雖敗猶榮也譙周字允南廣安人

### 寵黃皓疎忠謀陰平失守

### 懸崖寇來鄧艾無計支撐

宦官黃皓便佞有寵遷中常侍操弄威柄與右大將軍閻宇親善欲廢姜維而樹宇維知言於帝曰皓奸



巧專恣請殺之帝曰皓趨走小臣耳何足介意敕皓  
詣維謝維見皓技附葉連由是疑懼因求種麥沓中  
不敢歸成都後魏以鍾會大舉入寇姜維表請遣左  
右車騎張翼廖化分護陽安關口及陰平之橋頭黃  
皓信巫鬼謂敵終不以綴鍾會從斜谷趨漢中使兵  
徑趨陽安口守將傅僉鬪死會長驅而前鍾聞會已  
入漢中含衆欲赴關城聞其已破乃退守劍閣會進  
攻劍閣不克欲引還艾言賊已摧折宜遂乘之乃自  
陰平行無入之地七百餘里鑿山通道造作橋閣山  
高谷深艾以毡自裹推轉而下將士乃攀木援崖魚  
貫而進艾已入平地漢人不知魏兵卒至不為城守  
或勸帝奔吳或勸帝入南中譙周請降乃率羣臣面  
縛輿櫬詣艾降陽安關口在成都府簡州劍閣在  
保寧府劍州陰平道在陝西鞏昌府

### 諸葛瞻北地王身殉社稷

瞻亮子也初鄧艾自陰平入衛將軍瞻督軍拒艾於  
綿竹戰死瞻子尚曰父子荷國重恩不早斬黃皓使  
賊國殄民用生何為亦冒陳死帝出降帝子北地王  
謹怒曰便當父子君臣背城一戰同死社稷以見先  
帝可也奈何降乎帝不聽謹哭於昭烈廟先殺妻  
子後自殺綿竹縣名屬成都府 瞻字思遠

彈詞註卷四

### 如斗膽空割裂天日終沉

鄧艾入成都頗矜伐鍾會有異志姜維知之欲搆成  
擾亂說會使反情好懼甚因艾承制專事乃與監軍  
衛瓘密白艾反狀詔以檻車徵之瓘即夜至成都收  
艾及子忠艾既就擒會遂決意謀反會郭太后卒會  
悉召諸將為太后發哀稱遺詔使起兵廢司馬昭使  
所親信代領諸軍所請諸將悉閉益州諸曹屋中姜  
維欲使會盡殺北來諸將已因殺會復立故漢帝密  
書與帝曰願陛下忍數日之辱臣欲使社稷危而復  
安日月幽而復明會欲從維言誅諸將猶豫未決護  
軍胡烈子淵率父兵鼓譟赴城所開諸人皆緣屋出  
共斬會及維割維腹膽大如斗艾將士  
欲追還艾瓘遣田續襲艾父子斬之

### 此間樂佯不思先人墳墓

帝禪降魏舉家遷洛陽惟秘書令郤正及殿中督張  
通舍妻子單身從行他日與宴作蜀技人皆感愴而  
禪喜笑自若晉王昭問曰頗思蜀否對曰此間樂不  
思蜀也正聞之謂曰若王復問宜泣答曰先人墳友

遠在岷蜀乃心西悲無日不思因聞其目會昭復問  
禪對如正言昭曰何乃似卻正語也禪驚視曰誠如  
尊命左右皆笑之  
岷山在  
成都府茂州 郤正字令先

### 安樂公傳數祀諒有深心

劉祥曰此間樂晉武以為大愚雖諸葛亮不能輔况  
姜維乎獨楊升庵以為佯狂自保得長為安樂公此  
乃阿斗知己 魏封禪為安  
樂公至晉武帝泰始七年卒

### 中原地魏曹丕承其父業

魏都洛陽為中原地建安二十五年  
卒太子丕自為丞相冀州牧是年

### 篡炎劉即帝位國運初興

漢帝姓劉以火德王外史載有老者祭古墳祝曰炎  
炎之靈其棟將賴田為戰場奸雄啼人訊其故化為  
鴻丕篡漢即皇帝  
位是為魏文帝

### 改年號為黃初建都西洛

丕改獻帝建安二十五年為黃  
初元年營洛陽宮室都於洛

彈詞註卷四

三

### 要吞吳無計策幾度勞心

初丕問賈詡曰吾欲伐不從命者以一天下吳蜀何  
先詡曰臣料羣臣無備權之對雖以天威臨之未見  
萬全之勢也不不納於昭烈章武二年自將擊吳進  
攻濡須不克引還至建興二年丕復以舟師擊吳御  
龍舟至廣陵吳將軍徐盛列舟艦於江植木衣葦為  
疑城假樓不望歎曰雖有武騎千羣無所用之會暴  
風至龍舟幾覆乃還三年復伐吳丕臨江觀兵吳嚴  
兵固守丕見波濤洶湧歎曰固天所以限南北也仍  
還 濡須水名在廬州  
府巢縣南廣陵今揚州

### 貶陳思燃荳萁同根煎逼

操死子陳王植不奔喪丕縛至欲罪之植作詩曰煮  
荳燃荳萁在釜中泣本是同根生相煎何太急植  
母卞氏出口何逼弟太急耶丕貶陳思王為安鄉侯  
楷植字子建操次子十歲能文才敏七步世目為  
繡虎封陳  
王謚曰思

蔑天倫禽獸行廣肆淫恣

曹操諸姬不淫烝殆盡無一免者丕偶病母下太后往問見左右皆昔年侍者不入而罵曰狗鼠不食汝餘死固應爾

違父言寵司馬養留禍種

狼顧相同槽夢怪兆先徵

曹操察懿有雄豪志聞有狼顧相欲驗之乃召使前行反顧面正向後而身不動又嘗夢三馬同食一槽甚惡焉因謂丕曰司馬懿非人臣也必預汝家事丕素與懿善每相全佑故免懿及操卒丕寵任懿為尚書僕射鎮許昌後以懿同曹爽受遺詔輔政卒之勅兵武庫廢篡相仍于孫蒙禍迹其猜忍符於狼顧之多言其恣食曰狼餐亂走曰狼竄專復曰狼喻最曰狼戾恣取曰狼貪威顧曰狼顧不檢曰狼藉乖謬曰狼狼

寵其妾殺其妻幾乎害子

彈詞註卷四

主

丕先從操入鄴悅表熙妻甄氏操為聘焉生子敞為平原王後納郭永女為貴嬪有寵適丕病郭氏讒甄后有鎮魔之謀遂殺甄后后死故敞未建為嗣丕立郭氏為后敞事不謹后亦愛之郭后無子丕使郭母養敞丕后名郭女王

獵園中聞泣諫改念全恩

敞母被誅適丕與敞獵見子母鹿丕射其母命敞射其子敞泣曰陛下已殺其母臣不忍復殺其子丕側然遂立為太子

魏明帝料功能容言納諫

丕卒太子敞即位是為明帝敞沈毅明敏任心而行簡功能屏浮偽雖犯言極諫皆優容之無所摧戮嘗卒至尚書門司空陳矯問曰陛下何之曰欲案行文書耳矯曰此自臣職分非陛下所宜臨敞慙而反

作都官考課法黜陟群臣

敞深疾浮華之士吏部尚書盧毓曰考績之法廢而此毀譽為進退故真偽混雜虛實相蒙敞納其言詔

散騎常侍劉邵作考課法邵作都官考課七十二條  
下百官議黃門侍郎杜恕曰明試以功三考黜陟帝  
王之威制也然世有亂入而無亂法今欲使州郡考  
士必由四科皆有事效然後察舉試時公府爲親民  
長吏轉以功次補郡守或就增秩賜金  
此最考課之急務也議久不決事竟不行

### 更可借薄宗藩維城無衛

魏自黃初以來諸侯王皆寄地空名國不聽朝聘設  
防輔監察之官以伺察之雖有王侯之號儕比匹夫  
法禁嚴切吏察之急親姻皆不相通問宗室曹叅上  
書曰古王者建同姓以明親樹異姓以明賢賢親  
疎并用故能保其社稷今州郡牧守皆跨有千里而  
宗室子弟主虛空之地非所以強幹弱枝備萬一之  
虞也不聽東阿王桂疏曰今陛下惠洽板房思昭一  
族至於不聽禁錮明時婚媾不通兄弟乖隔又以一  
切之制永無朝覲之期顯陛下使諸國慶問四節得  
展妃妾之家膏沐之遺歲得再通乃令諸王及宗室  
公侯朝明年正月後如先帝令孫盛曰魏明帝政自  
已出優禮大臣君人之量偉矣然不思建德垂風以  
固維城之基至使大權  
偏據社稷無衛悲夫

晉書卷四

四

### 侈宮室空帑藏鑄造銅人

廠好土功先作許昌宮又治洛陽宮起昭陽太極殿  
築總章觀高十餘丈復立崇華殿更名九龍通引穀  
水過殿前爲王井跨欄瞻蝓舍受神龍吐出使博士  
馬鈞作司南車水轉百戲作者三四萬人起土山於  
芳林園使公卿皆負土樹榦木善草捕禽獸實其中  
又徙長安鍾籠素佗銅人承露盤於洛陽盤折聲聞  
數十里銅人重不可鑄黃龍鳳置內殿前尚書仲  
列坐於司馬門外又鑄大龍鳳置內殿前尚書仲  
觀上疏曰武皇帝之時後宮食不過一肉衣不過錦  
繡用能平定天下今宜計較府庫豈入爲出而工役  
不休侈靡日崇帑藏日竭昔漢武信神仙之道立仙  
寧以承高露陛下每所非笑今無求於露而空設之  
靡費宜裁制也不聽  
芳林園在河南府城北隅

### 立養子齊王芳爽懿共政

廠無子養芳詢爲己子宮省事秘人莫知其由來立  
芳爲齊王詢爲泰王廠病篤司馬懿入見廠執其手  
曰吾以後事屬君君與曹二王示懿別指芳曰此是  
死侍君得相見無恨矣曹二王示懿別指芳曰此是

也君諦視之又教芳前抱懿項獻卒芳嗣位年八歲或云芳任城王楷之子也

### 伏獸睡突時發何鄧駢刑

何晏鄧颺素與曹爽善爽輔政引為心腹時爽懿各更宿殿內何鄧謂爽曰重權不可委人爽從之懿為太傅懿遂謝病屏居爽所親李勝出刺荆州過辭懿懿令兩婢持衣落婢進粥懿不持杯而飲粥流沾胸語多錯亂誤以荆為并者再勝退告爽曰懿尸居餘氣不足慮也爽不復設備時傅女韓與晏不睦求為繼室憲許之或曰何鄧執權必為女害亦猶排山壓卵以湯沃雪耳憲曰晏等驕侈必當自敗司馬太傅跌驕耳吾恐卵破雪消行自有在後芳謁高平陵爽等皆從懿與子師昭謀以皇太后令閉諸城門勒兵據武庫奏爽棄領命亂國典宜罷吏令侯就第爽得奏疑不決投刀於地曰我亦不失你富家翁司農桓範勸爽以天子詣許昌發四方兵自輔爽不從奉駕還宮懿奏爽與何晏鄧颺桓範等謀逆族誅之 高平陵魏明帝墓在孟津縣界 何晏字平叔 奕韓音委

輿詞註卷四

主

### 殺王凌等曹彪悉夸三族

魏王凌以將軍督揚州其甥令狐愚為兗州刺史甥舅並典重兵陰謀以魏主制於強臣楚王彪有智勇欲立之迎都許昌會愚卒凌遣將軍楊宏以廢立事告兗州刺史黃華華宏連名白司馬懿率軍乘水道討凌凌勢窮面縛被殺懿窮治其事諸相連悉夸三族發凌愚塚剖棺暴尸賜楚王彪死

### 司馬師奪印綬貶主藩臣

懿卒以子師為撫軍大將軍錄尚書事李豐為中書令魏王芳數獨召豐語師知其議已以刀環築殺之芳意不平師以太后令召羣臣議以芳荒淫無度棄近侍優不可以承天緒奏收璽綬歸藩於齊還之河內河南懷慶府

### 迎立起高貴公扶持六載

師欲立彭城王據太后曰彭城王季叔也今來我當何之高貴鄉公文帝長孫明帝弟子於禮小宗有後太宗之義師乃迎高貴鄉公髦於元城師使請璽綬迎之太后曰我見高貴鄉公小時識之欲以璽綬手

授之髦至見太后其日即位髦明帝弟東海定王霖之子也在位六年 高貴鄉今元城縣屬大名府

慮時危行戰討志珍權臣

機不密事無成登車用劍

血淋漓成濟刃做了冤魂

師卒弟昭自爲大都督髦見威權日去不勝其忿召尚書王經侍中王沈散騎常侍王業謂曰司馬昭之經路人所知也吾不能坐受廢辱今日當自出討之

曰行今權在其門爲日久矣且宿衛寡弱陛下何所資用而一旦如此禍殆不測髦出懷中黃素詔投地曰行之決矣朕復死何懼况不必死也於是入曰太后沈業奔走告昭呼經欲與俱經不從髦遂拔劍升輦率殿中宿衛蒼頭官僅鼓譟而出中護官賈充與髦戰南闕下髦自用劍衆欲退太子舍人成濟問充曰事急矣當云何充曰司馬公畜養汝等正爲今日今日之事無所問也濟即抽戈刺髦殞於車下昭入殿收經及家屬殺之昭言成濟大逆滅三族

常道公平西蜀纔方二載

彈詞註卷四

六

司馬炎求禪位孤寡欺凌

常道卿公名奕燕王宇之子也年十五司馬昭迎立之遣鍾會鄧艾寇蜀後主降後二年昭卒子炎立魏主禪位於晉遷於金墉城炎廢奕爲陳留王奕至惠帝大安元年始卒後趙石勒曰曹孟德司馬仲達欺人寡婦孤兒孤媚以取天下 常道卿故城在河南府東安縣西北陳留縣名屬開封府金墉城在河南府洛陽故城西 北角魏明帝所築

算曹氏占中原慌慌四紀

魏自曹丕篡漢傳至陳留王奐凡五主共五十六年

敗將來撐不住付與他人

奐禪位於炎而魏祚絕

思往日逞英雄興風作浪

轉回頭如一夢滅影潛形

東吳主孫仲謀聰明智勇

吳主孫權字仲謀堅之子策之弟也自策以來據有江東策死權代領其衆操伐吳權禦守月餘操見其軍伍嚴肅數曰生子當如孫仲謀禦守還後權降曹丕封權為吳王權遣中大夫趙咨謝丕丕問曰吳王何等主也咨曰聰明仁智雄畧之主也丕問其狀咨曰納魯肅於凡品聰也拔呂蒙於行陳明也獲于禁而不害仁也取荊州兵不血刃智也據三州虎視天下雄也屈身於陛下畧也 趙咨字文楚胙城人

父虎將兄獅兒奮起江東

權父堅初討董卓卓求懼於袁術或謂術曰孫堅江東虎將若克董卓猶除狼而得虎也術使堅擊劉表為表軍射殺之堅子策年十七見術術以堅餘兵還術說術曰家有舊術曰策行收兵進攻橫江拔之旋渡浙取會稽太守王朗降詔以策為討逆將軍封吳侯策復襲廬江敗之狗豫章太守華歆降曹操聞策強盛歆曰獅兒難與爭鋒矣後操聞策死即表權為討虜將軍領會稽太守 橫江在廬州城東南直采石 渡處廬江縣名在廬州 華歆字子魚

彈詞註卷四

父兄死自軒昂報讐黃祖

初堅擊劉表表將黃祖戰敗令呂公設伏峴山射堅擊死子策立欲乘虛襲召張昭等曰客因其出獵伏篁竹中射之中類劍甚召張昭等曰客等善相吾弟呼權佩以印綬至是權西擊黃祖橫兩蒙衝夾守河口大絕繫可千弩交射軍不得前將軍董襲司馬凌統各將敢死士百人人被兩鎧乘大舸突入蒙衝裏以刀斷絕蒙衝乃橫流大兵水陸並進遂屠其城祖走追斬之 峴山在襄陽府 張昭字子布有音釘鎮舟石也

奄荆揚溥南海霸據金陵

權霸據江東操表為討虜將軍責權任子周瑜曰楚國初封不滿百里繼嗣賢能遂據荆揚至於南海今將軍承父兄餘資兼六州之衆有何逼迫而欲送質耶權先自公安徙都於鄂更名鄂曰武昌後因張紘言秣陵山川形勝勸權以為治所權於是作石頭城徙治秣陵改號建業金陵今江南上元江寧二縣昔楚威王以此地王氣埋金以鎮之名曰金陵秦始皇改秣陵吳建業宋建康即今江寧府

納魯肅任周瑜同心戮力

魯肅周瑜先依袁術知術無成乃棄官渡江從策策  
卒瑜自巴邱將兵赴襄權留與張昭共掌眾事時雖  
有江東諸郡然流寓之士皆以安危去就為意瑜權  
權可與共成大業遂委心而服事焉因薦肅於權謂  
引肅合榻對飲問計大悅會劉表卒二子不協肅請  
奉命說劉備撫表眾同心一意共治曹操操已下荆  
州引兵東下昭等請迎之獨肅勸毋迎操權歎息曰  
諸人持議甚失孤望今卿肅開大計正與孤同肅曰  
召周瑜定計瑜至謂權曰將軍當為漢除殘人去穢况  
操自送死而可迎之耶是夜瑜復見權言人去穢况  
步八十里萬俱各恐懼甚不足畏願將軍勿慮權撫其  
背曰公瑾卿言至此甚合孤心獨卿與子敬與孤同  
耳此天以二人贊孤也魯肅字子敬定遠人周瑜字公瑾廬江舒人

戰三江屯夏口斫案擘磔

時召周瑜會議瑜謂擒操正在今日瑜請得精兵數  
萬進住夏口保為將軍破之權因拔刀斫前奏案曰  
諸將吏敢復言迎操者與此案同乃罷會以瑜督三  
萬人出定水寨於三江口與操遇於赤壁大破之

彈詞註卷二

大

將親妹鎖蛟龍錦囊計拙

權既破操權以備領荆州牧瑜分南岸地以給備備  
立營於公安權稍畏之以妹妻備妹入心常凜凜後  
兄風待婢百餘人皆執刀侍立備每入心常凜凜後  
備以瑜所給地少自詣權求都督荆州瑜上疏曰劉  
備非久屈為人用者宜從備置吳盛其宮室美女娛  
其耳目分羽飛各置一方今猥割地以資之恐蛟龍  
得雲雨終非池中物也三國演義載孔明以錦囊  
三個密授趙雲臨期次第開囊依計而行備與吳夫  
人俱馳歸荆州瑜引兵追之有周郎妙計高天下賄  
了夫人又折兵之誚世謂之三氣周瑜此正史所不  
載

爭荆州白衣櫓壞了同盟

周瑜卒魯肅代瑜領兵勸權以荆州借備共拒曹操  
及備得益州權令諸葛瑾求荆州備不許會聞操攻  
漢中備使求和於權遂分荆州以湘水為界長沙江  
更桂陽以東屬權南零武陵以西南屬備初魯肅  
勸權以曹操尚存宜且撫輯關羽與之同盟詎病以陸  
也及呂蒙代肅勸權取荆州以襲羽蒙遂託病以陸



遜代蒙遜至陸口為書與羽深自謙抑羽意大安撤  
兵赴樊遜啓陳形狀權遂發兵以蒙為大督蒙至得  
陽盡伏其精兵鱗艦中使白衣搖櫓作商賈人服書  
夜兼行羽將糜芳傅士仁開門出降蒙入江陵得羽  
將士家屬皆撫慰之遂定荆州初權使至荆州備承  
曰曹操方欲觀兵吳會而同盟無故自相攻伐使報  
其隙非長計也權不聽李舜臣曰荆州吳蜀之衝孫  
劉爭之固也然當爭於赤壁未戰之先奈何赤壁既  
勝今日借荆州明自相攻而中原國賊置之度外此  
州以一州之地內自相攻而中原國賊置之度外此  
果何為者哉桂陽州名屬衡州南郡即荆州府零  
陵縣名屬永州府武陵縣名屬常德府陸口水之  
口在武昌府通城縣北潯陽今九  
江府德化縣 構艘音溝鹿船名

### 呂蒙死陸遜承支吾元德

呂蒙既入江陵未及受封即發疾卒權以陸遜代之  
備痛羽沒自將伐權遣遜督兵拒守戰於猗亭大破  
之 呂蒙  
字子明

### 孔明相費禕來吳蜀重親

彈詞註卷四

九

漢昭烈帝卒丞相諸葛亮遣鄧芝使吳吳絕魏和漢  
及權稱帝亮遣陳震賀吳權與盟約中分天下亮卒  
以費禕為尚書令遣宗預使吳  
權折箭為誓 費禕字文禕

### 不觀濤歎天限屈身雄略

觀濤註見本卷要吞吳句下雄  
畧註見本卷聰明智勇句下

### 自稱尊大皇帝烈烈轟轟

漢帝禪建興七年吳王權稱皇帝改  
元黃龍後子亮嗣位謚權為大皇帝

### 傳其子會稽王年方十六

權先立太子和後潘夫人有寵生少子亮權愛之全  
公主與和有隙欲豫自結數稱亮美權遂廢和為庶  
人後封為南陽王居長沙立亮為太子權卒亮嗣位  
年方十六後孫琳廢為會稽王 全公主全琮妻權  
女也 全公  
主名魯班

### 假惺惺好問難取怒孫琳

亮親政事大將軍孫琳表奏多見問難數出中書視  
大帝時舊事問左右曰先帝數有特制今大將軍問  
事但令我書可耶琳於是稱疾不朝亮惡之陰與全  
公主將軍劉承謀誅之全后父尚為衛將軍亮使尚  
子紀語尚嚴整兵馬且曰勿令卿母知女語琳怒  
事且琳姊也紀告尚尚語紀毋使出入密語琳怒  
遂圍宮亮大怒上馬帶韃執弓欲出曰孤大皇帝適  
子在位已五年誰敢不從者近臣牽止之不得出琳  
使光祿勳孟宗告太廟廢亮會稽諛言亮當還為天  
子吳主黜亮為侯官侯亮自殺 侯官縣名屬福州  
府

### 吳景帝逼其亡不能廢子

琳廢亮立瑯琊王休休權中子也立子暉為太子休  
寢疾口不能言手書呼丞相濮陽興入以蜀初亡欲  
把興臂指暉託之而卒諡曰景帝吳人以蜀初亡欲  
立長君左典軍萬或常為烏程令與烏程侯皓相善  
稱皓於興及左將軍張布與布  
遂說朱太后迎立皓 暉音灣

### 烏程侯頑且暴怎保長存

彈詞註卷四

休先封兄南陽王和子皓為烏程侯休卒皓即位皓  
麤暴驕盈多忌諱好酒色大開苑囿起土山樓觀窮  
極伎巧使諸將各上御犬一犬直鍊數十匹纒絕直  
錢一萬以捕兔供厨有勝已者殺之見惡者燒鋸斷  
其頭晉羊祜曰孫皓之暴過於劉禪將疑士困一入  
其境則長江非復所保也晉主使張華問策祜曰孫  
皓暴虐已甚於今可不戰而克  
烏程縣名今屬浙江湖州府

### 料難敵陸闔羊交懽邊境

晉以羊祜都督荊州吳以陸抗為大司馬荊州牧督  
軍樂鄉祜與抗對境使命常通抗遺祜酒祜飲之不  
疑抗疾求藥於祜祜以成藥與之抗即服人諫之抗  
曰豈有甌人羊叔子哉抗告其邊戍曰彼專為德我  
專為暴是不戰而自服也各保分界而已無求細利  
樂鄉城名在荊州府松滋縣 羊祜字叔子泰山  
南城人陸抗字  
幼節遜之子

### 更添着鑿鼻眼何等淫刑

皓惡人視之羣臣莫敢舉目每宴咸令沉醉又置黃  
門郎十人為司過宴後各奏闕失或剝人面或鑿人

眼由是上下離心後皓降晉賈充問曰聞君在南方  
鑿入目劍入面此何刑也皓曰人臣有弑其君及姦  
回不忠者則加  
此刑充默然

### 晉武帝大興師樓船直下

晉武帝炎與羊祜謀伐吳祜表王濬加龍驤將軍大  
作舟艦濬遣別駕何攀作大艦長百二十步受二千  
餘人以木爲城起樓櫓開四出門其上可馳馬往來  
炎大舉兵遣王渾杜預濬等分道伐吳預遣牙門周  
旨夜渡江襲樂鄉吳都督孫歆懼曰北來諸軍乃飛  
渡江也預進克江陵之遂自武昌順流而下  
皆望風送印綬濬攻武昌降之武昌順流而下  
徑造建業舟艦戰船也四方施板以禦矢樓櫓城  
上守禦望樓也櫓露也上無屋覆王濬字士治宏  
農人王渾字元冲晉陽人杜預字元凱封富陽侯朝  
野號曰杜武庫  
京兆杜陵人

### 石頭城風威利束手降臣

濬兵順流而下皓遣將軍張象帥舟師禦之望旗而  
降又遣陶濬乘大船以戰未發而潰初晉主詔濬至  
建業受王渾節度濬舟師過三山渾遣信要與論事  
濬舉帆直指建業報曰風利不得泊也是日濬率八  
萬方舟百里鼓譟入於石頭皓面縛輿櫬詣軍門降  
晉封爲歸命侯石頭城孫權所築在江寧府西二  
里三山磯名在太平府繁昌縣  
東北下流去蕪湖二十五里

### 五十載王氣銷江沉鐵鎖

吳自權至皓凡四主共五十九年初吳人於江噴要  
害處並以鐵錐長丈餘暗置江中逆拒舟艦王濬作  
大筏數十方百餘步縛置江中逆拒舟艦王濬作  
以筏先行遇鐵錐輒著筏而去又作大炬長十餘  
丈大數十圍灌以麻油在船前遇鐵炬燒之須臾  
融液斷絕船無所礙昔楚威王以金陵有王氣吳建  
都改稱建業今濬至  
建業皓降而吳亡矣

### 盼黃旗瞻紫蓋識兆成塵

初吳入刀元許增識文云黃旗紫蓋見於東南終有  
天下者荆揚之君皓喜遂有兼併之心舉兵出華里  
遇雪引還至是降晉而吳  
亡華里在江寧府西

勞攘攘幾千場將軍戰馬

絮叨叨三國志故紙遺文

三國志註見總說三國志句下

司馬氏總收拾江山一統

魏篡漢滅蜀晉篡魏滅吳至太康元年天下一統

啓封疆稱武帝晉室龍興

司馬炎昭之子嗣位為晉王廢魏主為陳留王稱皇帝是為武帝國號晉 謚法剛強直理曰武

火焚了雉頭裘留心儉約

太醫司馬程據獻雉頭裘帝焚於殿前詔毋得獻奇技具服帝承魏刻薄奢侈之後欲矯以仁儉有言御牛青絲紉斷詔以青蘇代之

駕羊車遊內苑遽作荒淫

彈詞註卷四

三

帝既平吳頗事游宴急於政事選吳放妾五千人入宮掖庭殆將萬人常乘羊車恣其所之至便寢寢宮人競以竹葉插戶鹽

汁灑地以引帝車

最失策銷兵備養戎不徙

帝平吳後悉罷州郡兵詔曰昔在漢末四海分崩刺史內親民事外領兵馬今天下為一當輜戰于戈刺史分職當如漢氏故事悉去州郡兵大郡置武吏百人小郡五十人交州牧陶璜上言州武未置約損以示單虛僕射山濤極言不宜去州郡武備帝稱之曰天下名言也而不聽及永寧以後盜賊羣起州郡無備天下遂亂漢魏以來羌胡鮮卑降者多處塞內諸郡其後數因忿恨殺害長吏漸為民害侍郎郭欽疏曰西北諸郡皆為戎居及平吳之威漸徙內郡襟黨於邊地峻四夷出入之防明先王荒服之制此萬世長策也不聽太子洗馬江統作徙戎論以警朝廷不聽 山濤字巨源河內人 江統字應元陳留人

賣官錢入私室反遜桓靈

帝問司隸校尉劉毅曰朕可方漢何帝對曰桓靈帝曰何至於此曰桓靈賣官錢入官庫陛下賣官錢入私門以此言之殆不如也帝大笑曰桓靈之世不聞此言今朕有直臣固為勝之

### 傳授與不才兒南風穢烈

帝立子衷為太子時朝野咸以太子昏愚不堪為嗣帝亦知太子不才然恃太子生子通明慧故無廢立意初欲為太子娶衛權女賈充妻郭槐賂楊后左右使后說納其女帝曰衛氏種賢而多子美而長白賈氏種妬而少子醜而短黑后因請遂納賈氏為太子妃妃妬忌多權詐太子嬖而畏之帝崩衷即位是為惠帝立賈氏為皇后諱南風與太醫程璜等亂時洛中有南風烈烈吹黃沙之語外史載郊外有輓小車者導一美少年入車中閉之輓而行出則一曲房也陳設非人間一主婦人年二十餘身矮面黑淫勝三晝夜少年精力疲憊婦人曰君雖有貌而無濟勝之具奈何多納金珠仍令臥車中送故處少年不解為何豪室也歸與人言狀有識者驚曰此賈后也其淫亂如此揚后名豔字瓊芝

### 肉糜癡蝦蟆蠢木偶為心

彈詞註卷四

三

帝齷齪時天下饑饉帝曰何不食肉糜常在華林園聞蝦蟆鳴問左右曰此鳴者為官乎為私乎左右戲曰在官地為官在私地為私尹氏曰晉惠之為君動輒制於他人之手特一木偶人而已魏明帝建芳林園齊王芳改為華林園在河南府城東北隅

### 大臣宰尚清談人無遠慮

魏嘉平中何晏好老莊書與夏侯元荀粲王弼之徒競為清談相尚虛無謂六經為聖人之糟粕由是為下士大夫慕效之遂成風流不可復制帝以弼為司徒王衍為尚書令樂廣為河南尹皆善清談衍弟澄及阮咸咸從子修胡毋輔之謝鯉王尼畢卓皆以任放為曠達當時爭尚浮誕廢職業呂東萊曰永嘉之際清言者滿朝一簞一詠傲睨萬物南山子曰高枕茅廬百無留念肆志竹窗一無用情元字太初王弼字輔嗣王戎字濬仲衍字夸甫戎之從弟澄字平子衍之弟樂廣字彥輔阮咸字仲容修字宣子輔之字彥博謝鯉字幼輿畢卓字茂世

### 衆親王興禍亂骨肉兵爭

初武帝懲曹氏孤立之敝大封宗室各擁重兵至永康元年趙王倫謀篡位遣齊王同將百人排門西入廢賈后自為相國淮南王允討倫不克而死倫遷帝於金墉自稱皇帝同及成都王穎河間王顥舉兵討倫誅之迎帝復位以同為大司馬輔政同驕奢專權顥表陳同罪使長沙王又討同斬之穎將張方所敗又奉帝討張方不克穎進逼京師東海王越潛與殿中諸將夜收置金墉城使方家殺又顥表穎為皇太弟越徵顥為司徒南陽王模邀殺之顥即太守執穎送鄴范陽王虓幽之會墟卒長史劉輿以穎素為鄴人所附殺穎後漢主劉聰問懷帝曰卿家骨肉何相殘如此帝曰大漢將應天命故自相驅除

### 嵇侍中血淋漓蕩陰死節

初皇太弟穎僭修日甚大失眾望東海王越奉帝征穎穎遣石超拒戰蕩陰帝類中三矢百官侍御皆散侍中嵇紹朝服登輦以身衛帝超遂殺紹血濺帝衣帝墮於草中亡六璽左右欲浣帝衣帝曰嵇侍中血勿浣也蕩陰縣名屬彰德府嵇紹字延祖父康字叔夜先本上虞人姓奚以避怨徙家嵇山因氏焉

彈詞註卷四

語

### 東則東西則西中毒亡身

穎迎帝入鄴幽州都督王浚并州刺史東瀛公騰起兵討穎穎奉帝還洛陽顯將張方在洛久剽掠殆竭逼帝西遷長安帝泣從之顯廢穎東海王越以還方劫遷車駕傳檄討之遣祁宏等入長安奉帝東遷以越為太傅帝食餅中毒崩或曰太傅越之鴆也尹氏曰晉惠制於他人之手如嬰兒玩弄於股掌之上欲東而東欲西而西一木偶人夫以漢質帝之幼沖食餅中毒尚能急召大臣了了言之今晉惠乃莫能一言故雖或曰越之所鴆然綱目不明其故直以中毒書之

### 懷帝立志有為傳餐親政

懷帝名熾武帝第二十五子惠帝無嗣立熾為皇太弟至是即位帝始遵舊制於東堂聽政每至宴會輒與羣臣論衆務考經籍黃門侍郎傳宣數曰今日復見武帝之世矣謚法慈仁短折曰懷

### 痛銅鉞委荆棘受縛華林

惠帝時關內侯索靖知天下將亂指洛陽宮門外鉞歎曰會見汝在荆棘中耳漢主劉聰使前軍大

呼延寔寇洛陽石勒劉曜皆引兵會寔先克宣陽門  
入帝出華林園門欲奔長安漢兵追執之曜自西明  
陽封平阿公後聰宴羣臣於光極殿使帝著青衣行  
酒庾珉王雋等號泣聰殺珉雋等十餘人並  
弑帝 索靖字幼安燉煌人羊后名獻容

### 愍帝立勢難支接踵繫擄

愍帝名業吳王宴之子武帝之孫初封秦王及懷帝  
被擄賈疋奉為太子懷帝退守小城内外斷絕城中  
攻陷長安外城麴允索緝允如此外無救援當忍恥出降以  
活士民使侍中宗敞送賤帝乘羊車肉袒出降曜送  
帝於平陽 謚法在國遭憂曰愍麴允金城人索緝  
靖之子

### 捧杯盤執傘蓋頌命胡廷

聰以帝為光祿大夫封懷安侯後聰出畝使帝戎服  
執戰前導見者指之曰此故長安天子也故老有垂  
泣者聰響羣臣使帝行酒洗爵已而又使更衣執蓋  
尚書郎辛賓抱帝大哭聰命引出斬之帝遂遇害

彈詞註卷四

五

### 劉元海亂倡先五胡雲擾

劉淵字元海匈奴人武帝時為左部帥後稱漢王尋  
稱帝邱濬曰晉之亡大率中原半為匈奴居劉淵匈奴  
也而居晉陽石勒羯也而居上黨姚氏羌也而居扶  
風苻氏氐也而居臨渭慕容容鮮卑也而居昌黎種類  
日繁樂鬪喜亂是以劉淵一倡而并雍之胡乘時四  
起長淮之北無復晉土而為戰爭之場者幾二百年

### 瑯琊王走江左六代瓜分

瑯琊王司馬睿懷帝時以為安東將軍都督揚州軍  
鎮建業後廢即位由晉歷宋齊梁陳俱都江左與北  
魏共六代南北  
瓜分不能混一

### 想西晉創根基謀心不善

司馬懿染指曹鼎垂涎三世至孫炎篡魏晉論曰懿  
受遺輔政屢遇寶置是其創基立本異於前代者也

### 老仲達無比賽詭詐兇心

懿字仲達小學史斷曰晉之興始於懿自以兵動若  
神謀無再計弱寡欺孤恣行誅戮脅制之威同於秦

### 螳後雀躡前踪曹瞞篡漢

曹操小名阿瞞史斷云自曹操肇謀迄於亡國五六十年間與司馬氏相終始所謂黃雀利於螳螂而不已隨其後也

### 馬中牛循往事呂政承秦

元帝睿乃瑯琊王觀妃夏侯氏所生史載妃與小吏牛金通生睿魏明帝青龍三年張液郡谷口水涌寶石負圖有七馬七及犧牛之象晉時又有牛繼馬後之謠自懿啓封於晉傳至愍帝而七帝之數終睿以牛吏子承晉祚而司馬之裔絕秦始皇名政乃陽翟大賈呂不韋之子冒姓嬴王妃夏侯光姬字銅環璜按升菴外傳載晉書云初元石圓有牛繼馬後故宣帝深忌牛氏遂為二樁共一口以貯酒帝先飲其住者以毒酒鳩其將牛金而恭王妃夏侯氏竟通小吏牛氏生元帝今通鑑省其文竟云通小吏牛金而生元帝可笑也又按唐元行沖元魏之後著魏典三十卷云瑞石有牛繼馬之像舊謂元帝本出牛氏誣

彈詞註卷四

矣

辭也魏主健之孫道武帝繼晉受命此其應也

### 不隄防天眼轉果報相尋

尹氏曰懿自殺爽之後魏國在其掌握又殺彪而盡幽置諸曹於鄴甚於操之所為自曹丕篡漢至是纔三十載天道好還豈不昭昭哉陳氏曰司馬氏入王相繼屠戮四十八王同時殲於排牆皆所以報其逼害曹氏也

### 翻滾滾擁將來雨摧黃潦

### 渺茫茫消散去風捲殘雲

### 從此後洛陽天無綠再覩

### 割江東半塊土小小乾坤

元帝即位江東為東晉五胡割裂中原而晉卒不能恢復洛陽舊都



東晉主瑯琊王白板天子

帝名睿宣帝曾孫瑯琊恭王觀之子懷帝時受詔鎮建業建興五年劉聰弒愍帝於平陽凶問至遂即位為元帝帝不由太子承襲劉曜石勒謂晉為白板天子以無璽也自洛陽視建康在東故為東晉 謚法始建國 都曰元

化龍後賴人望建業登宸

帝先同西陽王羨等五王渡江童謠有五馬浮渡江一馬化為龍之語帝初鎮建業以安東司馬王導為謀主帝名譽素輕吳人不附導忠之語帝曰賀循顧榮皆吳人之望宜引以結人心後二子應徵歸附者衆帝業遂成 以避愍帝諱改建業為建康 賀循字彥先山陰人顧榮亦字彥先吳人

劉越石枕干戈聞雞起舞

司空劉琨字越石少與祖逖俱為司州主簿同寢中夜聞雞鳴逖蹴琨覺曰此非惡聲也因起舞嗣琨為并州刺史聞逖為豫州刺史移書親故曰吾枕戈待旦志氣逆虜常恐祖生先吾著鞭 司州今河南府

雅詞註卷四

三

祖士雅渡江楫誓掃烟塵

鎮西將軍祖逖字士雅范陽人元帝徵為軍咨祭酒勸帝復中原帝以為豫州刺史將部曲渡江中流擊楫而誓曰祖逖不能清中原而復濟者有如大江歎破石勒北地遂乎黃河以南盡為晉土 范陽今涿州

逆天理害無辜輕誅督運

帝為丞相時聞長安不守出師露次刻日北征然帝本無北伐之志以漕運稽期斬督運令史淳于伯刑者以刀拭柱血流上至柱末二丈餘而下觀者咸以為冤直司劉隗上言伯罪不至死王導等引咎請解職脣曰刑政失中皆吾 開塞所致一無所問

徒灑却新亭淚玩愒因循

江東名士遊宴新亭司徒周顛中坐歎曰風景不殊舉目有江河之異相視流涕王導變色曰當共戮力後克復神州何至作楚囚對泣耶顧氏曰化龍之後宴安東南玩日愒歲迄不聞有勤王之舉 新亭

在江寧府南一十五里神州中國名曰赤縣神州又一書曰王者所居吉地也 周顛字伯仁

### 兼吳會不能復侵疆咫尺

陳止齋曰晉元撫江東之勝兼吳會之饒而沒齒不能歸侵疆咫尺一統志曰世稱英門為吳會以其地本吳會二郡今按為吳東南一都會即蘇州府正義曰吳地為荆揚交廣之都會

### 王與馬共天下反了王敦

帝始鎮江東王敦與從弟導帝推心任之敦總征討導專機政子弟布列顯要時人語曰王與馬共天下後敦恃功驕恣帝惡之乃引劉隗刁協為心腹稍抑王氏權敦不平遂舉兵反 刁協字景純滄洲人

### 憂成病喪身軀傳之明帝

帝因敦反憂憤成疾崩司空王導受遺詔輔政太子紹即位是為明帝 謚法諧翹不行曰明

### 親決戰除大慙果斷剛明

帝加王導大都督討敦導聞敦疾篤帥子弟為敦發哀衆以敦信死咸有奮志乃騰詔列敦罪惡敦怒病

彈詞註卷四

壬天

轉篤使王含錢鳳帥衆向京師含奄至江寧帝親率諸軍襲擊破之敦尋卒鳳伏誅乃取敦屍斬之書法曰明帝奮發剛斷躬殄

大慙可謂明也已矣

### 恰三年傳成帝蘇峻稱亂

明帝在位三年崩太子衍即位是為成帝庾亮王導卞壺同受顧命亮以蘇峻在歷陽終為亂下詔徵峻峻不應命知祖約怨朝廷乃請共討亮約以兵會峻詔亮督軍討之卞壺戰死亮奔陽陽峻入臺城自為驃騎錄尚書事以約為太尉 歷陽今江南和州臺城在上元縣 謚法安民立政曰成卞壺字望之

### 元規塵挑強賊國母憂崩

尹氏曰晉氏南渡王蘇相繼內叛幾不能使當時處之以理峻亦未敢違反夫何亮輕淺無謀橫挑強賊自速其變峻豈肯束手自請耶峻平後亮求出為豫州刺史然雖居外鎮而遙執朝權王導不平嘗遇西風塵起舉扇自蔽徐曰元規塵汚人皇太后庾氏以兄亮違衆議首生厲階及督軍討峻兵敗身竄恐禍及族憂慮而崩謚曰明穆皇后庾亮字元規謚文康鄱陵人明帝后庾文君

絕裾溫運甃陶入平禍難

溫嶠初詣建康母崔氏固止之嶠絕裾而去陶侃以錢鳳疾侃功王敦左轉侃廣州刺史在州無事輒朝運百襲於齋外暮逆於齋內人問之侃曰吾方致力中原過爾優逸恐不堪事故習勞耳及蘇峻亂嶠督江州軍侃都督荆襄軍嶠聞建康不守號痛遣督護王愨期詣荆州邀侃赴難侃戎服登舟晝夜趨進侃督水軍向石頭嶠率步兵從白石南上峻逆戰破石頭獲逸斬之亂遂平  
嶠字太真封始安公陶侃字士行封長沙公覽平八聲

王茂宏求故節見笑豪英

峻逸既誅滕舍步將曹據抱帝奔溫嶠船羣臣見帝號泣請罪司徒導入石頭令取故節陶侃笑曰蘇武節似不如是導有慚色  
王導字茂宏封始興公

十七禎康帝立恩惠二載

彈詞註卷四

无

成帝在位十七年崩二子丕奕俱幼庾冰說帝以國有強敵宜立長君以同母弟瑯琊王岳為嗣是為康帝在位二年崩  
諡法溫柔好樂曰康

晉穆帝襁褓立無嗣相承

帝名聃康帝太子三歲即位是為穆帝在位十七年卒無嗣  
諡法布德執義曰穆

殷深源負虛名書空管葛

殷浩屏居十年屢辭徵辟時人擬之管葛謝尚王濛伺其出處以卜江左興亡相謂曰深源不起如蒼生何後會稽王昱遺浩書浩乃出為揚州刺史尋督揚豫等州與桓溫疑貳護軍王羲之勸不聽浩又疏請北伐亦勸不聽屢至覆敗桓溫請廢為庶人徙信安浩既廢黜常書空作咄咄怪事字  
信安今衢州府西安縣  
殷浩字深源尚字仁祖王濛太原人  
羲之字逸少官右軍將軍會稽內史導從子也

桓元子總強兵劫制朝廷

桓溫初都督荆梁等州軍事帥師伐漢拜表即行朝廷以蜀道險遠為憂丹陽尹劉惔曰溫善搏者也

必得則不為但恐克蜀之後轉制朝廷耳温兵至成都漢主李勢降論平蜀功加温為征西大將軍封臨賀郡公威名大振朝廷憚之會稽王昱以殷浩有盛名引為心膂欲以抗温為國用屢表北伐不聽至是而已三州士眾資軍武昌朝廷大懼浩欲去位避温是部尚書王彪之曰且靜以待之令相王手書為陳成敗彼必旋師司馬高崧為昱草書致温温上疏致謝曰軍還鎮後温上疏廢浩內外大權一歸於温矣臨賀縣名属平樂府温字元子生未期温橋見之曰真英物也父彝以温所賞故名温劉惔字真長宿州人彪之字叔武

### 晉哀帝病纏身四年彈指

穆帝無子立成帝長子瑯琊王丕是為哀帝帝寢疾褚太后攝政在位四年崩諡法早孤短折曰哀

### 海西公剛六載貶做藩臣

哀帝崩瑯琊王奕即位是為帝奕哀帝同母弟也大司馬桓温素蓄不臣之志欲先立功河朔還受九錫及帥師征燕敗於枋頭威名頓挫參軍都起謂温曰明公不為伊霍之舉無以立大威權温遂與定議以

彈詞註卷四

手

帝素謹無過而牀第易誣乃揚言帝早有痲疾發人朱靈寶等參侍內寢褚太后請廢帝為東海主帝著白袷皇基温入朝諷褚太后請廢帝為東海主帝著白袷單衣乘犢車出神虎門兵衛送東海第温又奏廢放之人不可以在位六年廢後至武帝太元十一年薨封海西縣公在位六年廢後至武帝太元十一年薨

都起字嘉賓  
康太后褚蒜子

### 簡文帝報獻流清談差勝

桓温廢帝奕迎會稽王昱即位是為簡文帝帝美風儀善容止神識恬暢然無經濟大畧謝靈運以為報獻之輩謝安以為惠帝之流但清談差勝耳諡法平易不訾曰簡慈惠愛民曰文靈運任宋為永嘉太守襲祖父元康樂縣公爵故世稱謝康樂

### 二年來交付與幼子儲君

簡文帝在位二年崩傳位大子曜年十一歲褚太后攝位

### 孝武帝相謝安圍碁破敵

昭即位是為孝武帝以謝安總中書安薦兄子元監  
江北軍太元八年苻堅入寇發長安兵八十七萬旗  
鼓相望千里都下震恐詔謝石謝元督軍八萬出遊山  
野入問計安曰已別有旨既而寂然安命駕出遊山  
野親朋畢集與元圍碁賭墅安碁常劣於元是日元  
懼便為敵手元又不勝安固陟至夜乃還桓冲以根  
本為憂遣精銳三千入授安固却之時衆心危懼安  
置牀上和靖後秦兵敗安得驛書方與客圍碁揮書  
遂已破賊既罷還內過户限不覺屐齒之折按與  
安圍碁是張元晉書去一張字讀者誤為折元張與  
謝元同名號南北二元 謚文靖太康人寓越之上  
安字安石封太保建昌公謚文靖太康人寓越之上  
虞東山元字幼度謚獻武安兄子石安弟封南康郡  
公墅音樹田盧也桓  
冲字子幼封豐城公

### 八公山風鶴唳草木皆兵

初堅大舉入寇將軍梁成屯於洛澗陽平公苻融遣  
朱序說謝石謝元降序私與石約為內應元遣廣陵  
相劉牢之直前渡水擊成大破斬之石等水陸繼進  
秦王堅與融登壽陽城望之見晉兵部陳嚴整又望

彈詞註卷四

三

見八公山草木皆謂晉兵顧謂融曰此亦勁敵何謂  
弱也有懼色秦兵逼淝水而陳元等引兵渡水擊之  
融馳騎畧陳馬倒為晉兵所殺秦兵小却朱序在陳  
後大呼秦兵敗矣衆遂大奔元等乘勝追擊秦兵大  
敗自相蹈籍而死者蔽川野走者聞風聲鶴唳皆以  
為晉兵死者十七八初會稽王道子以威儀鼓吹求  
助於鍾山之神及秦人望草木如人狀神有力焉  
八公山在壽州淝水北淮水南淮南王安與其賓客  
八公登此山學仙故名洛澗二水名壽陽今壽州淝  
水在廬州府城南七十五里水出雞鳴山今壽州淝  
里分為二一入巢湖一流入淮水出雞鳴山今壽州淝  
姓名高誘以為蘇飛李尚左吳田由雷被毛被伍被  
晉昌  
八人

### 苻能勾倖免得苻氏僕射

苻堅本姓蒲堅祖蒲洪改姓苻畧陽臨渭氏人也初  
堅入寇下詔曰其以司馬昌明為尚書左僕射先  
起第畧陽縣  
名屬漢中府

### 遠驕淫貪酒色杯酒長星

肥水捷後帝遂溺於酒色委攻瑯琊王道于道子亦嗜酒與帝酣歌為事太元二十年長星見帝惡之於華林園舉酒祝曰長星勸汝一杯酒自古何有萬歲天子耶

### 信佛法敬僧尼家居撞壞

帝崇尚浮屠奉佛法立精舍於殿內引諸沙門居之親昵姊妹僧尼窮奢極欲近習弄權公行賄賂尚書令陸納望宮闕歎曰好家居織兒欲撞壞之耶僧曰浮屠表宏曰浮屠佛也佛者覺也將以覺悟羣生也按魏書浮屠正號曰佛陀聲相近也以華言譯之為淨覺精舍佛寺也釋迦譜曰息心所棲精練行者之所居又講讀之所亦曰精舍

### 被蒙頭清暑殿戲犯陰人

帝貴人張氏寵冠後宮年近三十帝戲曰汝以年亦當廢矣吾意更屬少者已而醉寢清暑殿貴人使婢殿在江南上元縣東北五里臺城內乃孝武所建後宋孝武敗曰嘉禾殿

彈詞註卷四

三

### 晉安帝幼冲年紀網破碎

安帝名德宗孝武太子年十五幼不慧口不能言寒暑飢飽不辨平北將軍王恭與殷仲堪桓元相結上表罪狀僕射王國寶將軍王緒舉兵反會稽王道子間懦即賜國寶死斬緒於市遣使謝恭乃罷兵後恭與仲堪元楊佺期又反元陷江州表討王倫司馬尚之兄弟朝廷憂懼恭司馬劉牢之執恭降詔以元為江州刺史佺期為雍州刺史黜仲堪為廣州刺史敕使回軍仲堪等又上疏申理王恭求誅牢之乃復以仲堪督荆益軍優詔慰諭乃罷兵還鎮尹氏曰典午衰微諸鎮開亂至敕使回軍猶旅拒不從晉之無政可知矣顧氏曰安帝即位主暗臣驕紀綱破碎謚法好和不爭曰安

### 東西錄專殺柄反了孫恩

帝以道子錄尚書六條事又以會稽世子元顯錄尚書事時謂道子為東錄元顯為西錄東第門可張羅西府車騎填湊元顯性尤苛刻生殺任意孫恩乘民心騷動進攻會稽內史王凝之世奉道教不設備曰我已請大道借鬼兵守津要不足憂也恩遂陷會稽殺凝之八郡皆殺長吏應之恩自稱征東將軍號其

黨曰長  
生人

### 水仙妖煽惑民坑屠糜爛

初妖人孫泰學妖術於杜子恭士民多奉之王雅薦於武帝云知養性之方官新安太守泰收兵聚貨譁作亂道士誘斬之兄子恩逃入海愚民猶以為泰譁不亂就海中資給之恩乃聚合亡命寇陷會稽所過焚掠刊木堙井醢諸縣令以食其妻子不食則支徒戰士十餘萬裕至郁洲又大破之恩寇臨海太守走郁洲陷廣陵裕至吳男女死三萬餘人乃死其黨從死者以百數謂之水仙

### 劉牢之縱反叛內指神京

桓溫幼子元先同王恭等反以為江州刺史後加都督荆州四郡事元舉兵攻江陵殺殷仲堪楊佺期表求領荆自謂有晉國三分之二數使人上已符瑞欲

彈詞注卷四

重

以惑眾張法順謂元顯曰元新得荆州人情未附若使劉牢之為前鋒大軍繼進元可取也乃下詔罪狀元以元顯為大都督劉牢之為前鋒法順至京口謀於牢之牢之以為難法順欲假元以除執遣復殺元元顯不從牢之數惡元顯欲假元以除執遣復殺元元顯自取元使牢之數惡元顯欲假元以除執遣復殺元元顯請降元抗表傳檄罪狀元顯舉兵東下檄至元顯大懼下船而不發聞元至新亭棄船退軍二日復出陳於宣揚門外軍中相驚言曰已至南桁元顯欲引兵還宮元遣人拔刀隨後入京師自放仗軍人奔欲揆都督中外錄尚書事揚州牧徒道子於安成郡斬元顯法順等以牢之為會稽內史牢之曰始爾便奪我兵禍其至矣大集僚佐議據江北以討元恭軍劉襲日事之不可者莫大於復反桓軍往年反王亮何恭自立語畢趨出佐使多散走牢之懼帥部曲北走至新州縊死南桁音舫舟也駕萬舟以為橋在國之南故曰南桁安府

### 桓元來稱楚帝潯陽遷劫

桓元舉兵肆逆誘牢之破官軍殺元顯自總百揆篡勢已成卞範之勸元早受禪朝廷冊命元為相國封楚王加九錫表請歸藩使帝作手詔固留之範之為譚詔逼帝書為平司徒王謐禪位於楚元遂稱帝改陷殷仲文曰將由聖德深厚地不能載元大悅劉裕起兵討元兵潰浮江南走至潯陽逼帝西上劉毅等追之元挾帝入江陵收集荊州兵未三旬有衆二萬復帥諸軍挾帝東下毅等戰於擘州兵大破之元復挾帝入江府平固縣名屬南康今贛州是擘州在武昌府武昌縣一曰新生洲半屬黃州府黃岡縣

### 亂荒草澤間崛起英雄

桓元稱帝劉裕與何無忌同舟還京口密謀興復劉毅家於京口亦與無忌謀無忌曰桓氏強盛其可圖乎毅曰天下自有強弱苟為失道雖強易弱正患事主難得耳無忌曰草澤之間非無英雄毅曰所見惟劉下邳無忌笑而不答遂以告裕遂與定謀平昌孟昶為桓宏主簿至建康還裕謂之曰草間當有英雄

彈詞註卷四

焉

起卿頗聞乎昶曰今日英雄正當是卿耳於是毅無忌昶等合謀起兵收衆濟江推裕為盟主平昌縣屬濟南府京口今鎮江府

### 劉下邳滅桓元乘機漢會

劉牢之參軍劉裕先領下邳太守勸牢之擊元牢之不從牢之敗裕約何無忌還京口曰元守臣節當事之不然而當與卿圖之元稱帝裕與無忌劉毅起兵移檄遠近元加桓謙征討都督屯東陵下範之屯覆舟山西裕毅身先士卒進突其陣謙等大潰元先潛使殷仲文具舟至是浮江南走裕入建康誅元宗族遣諸將追元尚書王楨奉迎乘輿入拔帝入江陵毅連破之元輿心腹百餘人夜出僅得至船毛修之誘元入蜀寧州督護馮遷遇元抽刀而前元曰汝敢殺天子還曰我殺天子之賊耳遂斬之帝東還以裕都督孫恩桓元之力自為蓋世之雄下邳今邳州覆舟山在江寧府城西七里東連鍾山北臨元武湖劉宋改名真武山

### 夸劉毅殺譙縱剗滅盧循



都督荆寧秦雍軍事劉毅自謂功與裕埒既據上流陰有圖裕之志會毅疾篤請從弟藩為兖州刺史以自副裕偽許之藩自廣陵入朝裕以詔書罪毅藩謀不軌賜藩死令王鎮惡以百舸為前驅聲言劉兖州入去江陵二十里舍投葉城毅覺拒之毅縊死益州參軍譙縱殺刺史毛球自稱成都王稱藩於秦封蜀王裕遣劉敬宣討之不克引還縱使桓謙會秦將苟林寇荆州裕以朱齡石為益州刺史率將軍臧熹伐縱別有書函封付齡石署函邊曰白象軍悉由水雖進而未知處從中水取廣漢老弱乘高艦從內外水取成都臧熹從中水取廣漢老弱乘高艦從內外向黃虎於是諸軍前進縱果以重兵守涪城備內水齡石率重軍由外水猝至去成都二百里縱遣侯暉夾岸築城拒險齡石攻其北城謙棄城走自縊死初孫恩赴海死餘眾數千風奔推恩妹夫盧循為主初元欲撫安東土乃循為永嘉太守循雖受命而與其黨徐道覆寇暴不已陷番禺始興諸處裕以朝廷新定未暇攻討即以循為廣州刺史道覆為始興相循聞裕北伐與道覆經襲建康寇長沙南康廬陵豫章皆陷之江荆都督何無忌敗死豫州都督劉毅與

彈詞註卷四

重

循戰於桑落州大敗其眾皆為循擄朝廷急徵裕還時北征將士多創病循既克二鎮兵十餘萬裕柵石頭淮一築查浦築圍廷尉三壘以兵守之循寇掠無所得請道覆曰師老矣不如還尋陽併力取荆州道覆帥眾趣江陵劉道規大破之道覆單舸走裕追循破柵而進殺溺無算循收散卒還番禺道覆走始興裕遣將軍劉藩等克始興斬道覆循收兵至番禺裕已先遣孫處據之循圍攻不克走交州刺史杜慧度與戰焚其艦循潰投水死慧度斬首函送建康外康過新繁入成都謂之內水蜀人以此水濯錦鮮明又名錦江在成都府城南七里永嘉縣名屬溫州府番禺縣名屬廣州府始興郡名今韶州府桑落州在安慶府宿松縣南一百九十里石頭城名淮口淮水之口也查浦皆壘名大雷今安慶府望江縣左安南南康府都昌縣西九十五里交州今安南

穢慕容取姚泓用兵無敵

南燕主慕容超定都廣固裕抗表伐之引舟師自淮入酒至下邳步進過大岷與燕兵戰於碭南日向

是勝負未決參軍胡藩曰燕悉兵出戰臨朐守城必寡願以奇兵從間道取其城裕遣藩裕遂北至廣固克其大城起入保小城裕築長圍守之超遣韓範請救於秦不至裕四面急攻之燕尚書悅壽開門納晉師超突圍走追獲送建康斬之秦主姚興定都長安與軍王鎮惡檀道濟自淮淝向許洛鎮惡等伐秦遣將屯守望風欸附道濟遂至許昌軍成臯陽虎牢皆降進逼洛陽秦陳留公姚洸遣將軍趙元戰死洸河鎮惡等進軍潼關鎮惡請水軍發彭城自淮泗入清河沂河西上至潼關鎮惡請橋以拒之鎮惡沂渭而上安裕許之洸使姚丕守渭橋水軍自河入渭以趨長乘蒙衝小艦行船者皆在艦內秦人但見艦進驚以為神至渭橋軍士食畢登岸鎮惡密使人解放舟艦水急舟佚不見宣喻士卒示無歸志身先士卒大破入長安送洸至建康斬之廣固故城在青州府裕山之陽臨朐縣名屬青州府大峴山名在臨朐縣東南一百五里上有穆陵關在焉淮淝二水名許洛二州名榮陽縣名

彈詞註卷四

庚

劉穆之王鎮惡文武稱能

初裕起兵時問何無忌曰急須一府主簿無忌曰無過劉道民召見即署主簿裕托以心腹動止諮焉諸大處分倉卒立定累加尚書左僕射裕北伐留守建康穆之內總朝政外供軍旅決斷如流賓客留穆訴稟咨盈塔滿室穆之目覽詞訟手答賤書耳行聽受口並酬應不相參涉悉皆瞻舉後以佐命元勳追封南康郡公初苻氏之敗王猛孫鎮惡來奔有謀斷喜論軍國大事裕伐廣信人或薦於裕與語悅之謂鎮惡前驅卒至荆州殺縊於牛牧佛寺鎮惡身被五箭以功授龍驤將軍又從裕伐秦自誓不克關中不復濟江至潼關大破姚丕於渭橋姚泓降以功封征虜將軍安西司馬為沈田子所圍裕即位追劉穆之封為龍陽縣侯東莞今沂水縣屬青州府劉穆之字道民東莞人王鎮惡以五月生猛曰昔孟嘗君惡日生而相齊是兒亦將與吾門矣故曰鎮惡

加九錫封宋公龍行虎步

初裕北伐秦遣長史王宏還建康諷朝廷求九錫裕以裕為相國總百揆封十郡為宋公備九錫之禮裕

辭不受旋自進爵為王增封十郡復辭不受及自長安歸始受相國宋公九錫之命初裕從徐亮刺史桓瞻視不凡恐不為人下宜早除之元不決

### 就東堂下毒手讖應昌明

裕以讖文云昌明之後尚有二帝昌明孝武帝字也乃使中書侍郎王韶之密謀弑帝韶之以散衣縊帝於東堂裕稱遺詔立瑯琊王德文

### 晉恭帝貶零陵一年有半

恭帝名德文安帝之弟裕所立也元熙二年裕欲受禪而難於發言乃集朝臣宴飲從容曰桓元篡位鼎命已移我唱義興復平定四海今年將衰慕欲奉還爵位歸老京師羣臣莫喻其意中書令傅亮悟曰臣暫宜還都亮至建康徵裕入輔亮具詔草使帝書之帝欣然操筆曰桓元時晉已無天下重為劉公所延將二十載今日之事本所甘心遂書赤紙為詔遜於瑯琊第裕即位廢帝為零陵王即宮於林陵縣以兵守之帝即位於安帝義熙十四年十二月廢於元熙二年四月止一年半廢於元熙二年四月弑於宋武

彈詞註卷四

毛

帝永初二年九月亦止一年半林陵縣在江寧府城東南林陵橋東宋為林陵鎮即此謚法尊賢讓

恭善曰

### 掩重衾活搗殺窖氣吞聲

裕以毒酒一巵授前瑯琊郎中令張偉使酖零陵王偉歎曰酖君以求生不如死自飲而卒裕侍中褚淡之王妃兄也王與褚妃共處一室自煮食於牀前飲食皆出褚妃故宋人莫得伺其隙至是裕令淡之往視妃妃出別室相見兵人踰垣而入進藥於王王不肯飲曰佛教自殺者不復得人身兵人以被掩殺之

褚妃名靈媛

### 十五帝百餘年東西兩晉

西晉四主東晉十一主共一百五十七年武帝都洛陽元帝都建康

### 眼巴巴空四海不見爭爍

自元帝中興以後晉祚至此絕矣

從此後晉江山歸之劉宋

劉裕受晉禪  
建國號為宋

望中原徒感歎胡馬縱橫

裕先降姚泓入長安聞劉穆之卒以根本無託決意東還為篡位計三秦父老詰門流涕曰殘民不沾王化於今百年始覩衣冠人人相賀捨此欲何之乎裕愍然慰喻遣之留次子義真為安西將軍守關中王鎮惡為司馬沈田子等為參軍從事夏主赫連勃勃聞裕東還引兵向長安田子與鎮惡素有相圖之意田子矯稱裕令殺鎮惡安西長史王修討田子斬之義真又殺修國中大亂勃勃又陷長安義真逃歸裕聞義真敗未知名存亡怒甚刻日北伐會知義真得免乃止但登城北望慨然流涕而已陳氏曰五胡疊據中原百姓塗炭已極裕裕徒欲急歸篡位使豐鄆之都復淪於胡裕亦坐是絕混一之望矣

南北史兩頭分強攻弱守

南朝宋齊梁陳南北朝諸國併於魏魏後分為東魏西魏南北朝史唐李延壽撰

彈詞註卷四

美

鬼神愁天地慘苦殺生靈

生靈血混長江水 一陣風來草木腥

豪傑千年往事漁樵一曲高歌烏飛兔走疾如梭眨眼

風驚雨過 妙筆龍韜虎略英雄鐵馬金戈爭名奪利

竟如何必有收因結果 西江月

龍爭虎鬪何時了 結果收梢事怎休

